

**Hitesranjan Sanyal Memorial Collection
Centre for Studies in Social Sciences, Calcutta**

Record No.	CSS 2000/62	Place of Publication:	Calcutta
		Year:	1909
		Language	Bangla
Collection:	Indranath Majumder	Publisher:	Sanskrit Press
Author/ Editor:	Ishwar Chandra Vidyasagar	Size:	10.5x18cm
		Condition:	Brittle
Title:	Jibancharit (Biography)	Remarks:	Chambers's Educational Course (Tr) : 2 nd edition

BIOGRAPHY.

TRANSLATED INTO BENGALI

FROM

CHAMBERS'S EDUCATIONAL COURSE.

BY

ESHWAR CHANDRA VIDYASAGAR.

SECOND EDITION

CALCUTTA.

PRINTED AT THE SANSKRIT PRESS.

1882.

জীবনচরিত ।

চেম্বস সংগৃহীত ইংরেজী পুস্তক অনুসারে

শ্রীযুত ঈশ্বরচন্দ্র বিদ্যাসাগর কর্তৃক

প্রণীত

কলিকাতা ।

সংস্কৃত যন্ত্রে দ্বিতীয়বার মুদ্রিত ।

সংবৎ ১৯০৯ ।

দ্বিতীয় বারের বিজ্ঞাপন।



প্রায় দুই বৎসর অতীত হইল জীবনচরিত প্রথম মুদ্রিত ও প্রচারিত হইয়াছিল। যৎকালে প্রথম প্রচারিত হয় আমার এমত আশা ছিল না ইহা সর্বত্র পরিগৃহীত হইবেক। কিন্তু সৌভাগ্যক্রমে ছয় মাসের অধিক কাল মধ্যেই প্রথম মুদ্রিত সমুদায় পুস্তক নিঃশেষিত হয়। সমুদায় পুস্তক নিঃশেষিত হয় কিন্তু গ্রাহক-বর্গের আগ্রহ নিবৃত্ত হয় নাই। সুতরাং অবিলম্বে পুনর্মুদ্রিত করা অত্যাবশ্যক হইয়াছিল। কিন্তু নানা হেতু বশতঃ আমি অনেক দিন পর্যন্ত পুনর্মুদ্রিত করণ স্থগিত রাখিয়াছিলাম।

বাজলা ভাষায় ইঙ্গরেজী পুস্তকের অনুবাদ করিলে প্রায় স্পন্দিত ও অনায়াসে বোধগম্য হয় না এবং ভাষার রীতির ভুরি ভুরি ব্যতিক্রম ঘটে। আমি ঐ সমস্ত দোষ অতিক্রম করিবার নিমিত্ত বিস্তর প্রয়াস পাইয়াছিলাম এবং আমার পরম বন্ধু সুপণ্ডিত শ্রীযুত মদনমোহন তর্কালঙ্কারও আমার অভিপ্রেত সিদ্ধির নিমিত্ত যথেষ্ট পরিশ্রম করিয়াছিলেন। তথাপি মধ্যে মধ্যে অত্যন্ত

কোন কোন স্থানে স্থানে ভাষার রীতিরও ব্যতিক্রম ঘটয়াছিল।

প্রথম বারের মুদ্রিত সমুদায় পুস্তক নিঃশেষিত হইলে যখন জীবনচরিত পুনর্মুদ্রিত করিবার কল্পনা হয় আমি আদ্যন্ত পাঠ করিয়া স্থির করিয়াছিলাম পুনর্বার পরিশ্রম করিলেও ইহা পূর্ব নির্দিষ্ট দোষ সমুদায় হইতে মুক্ত হওয়া দুর্ঘট। সুতরাং সঙ্কল্প করিয়াছিলাম আর কখন ইঙ্গরেজী পুস্তকের অনুবাদ করিব না এবং এই পুস্তকও পুনর্মুদ্রিত করিব না। এবং এই নিমিত্ত বাঙ্কলায় এক সূতন জীবনচরিত পুস্তক সঙ্কলন করিবার বাসনা ও উদ্যোগ করিয়াছিলাম। কিন্তু গত দুই বৎসর কাল বিষয়াস্তরে একান্ত ব্যাপৃত হইয়া এমত অবকাশশূন্য হইয়াছি যে সে বাসনা সম্পন্ন করিতে পারি নাই এবং দুরায় সম্পন্ন করিতে পারিব এমত সম্ভাবনাও নাই।

কিন্তু যাবৎ সূতন জীবনচরিত পুস্তক প্রস্তুত না হইতেছে এই পুস্তক পুনর্মুদ্রিত করিলে নিতান্ত অকিঞ্চিৎকর হইবেক না। এই বিবেচনায় পুনর্মুদ্রিত করা আবশ্যিক স্থির হওয়াতে দ্বিতীয়বার মুদ্রিত ও প্রচারিত হইল। কোন কোন অংশ একবারেই পরিত্যাগ করিয়াছি, স্থানে স্থানে অনেক পরিবর্তন করিয়াছি, এবং মূলগ্রন্থ বিশদ করিবার আশয়ে মধ্যে মধ্যে কিঞ্চিৎ কিঞ্চিৎ টীকাও লিখিয়া দিয়াছি। ফলতঃ স্ক্রস্পষ্ট ও অনায়াসে বোধগম্য করিবার নিমিত্ত বিস্তর পরিশ্রম করিয়াছি। তথাপি আদ্যোপান্ত স্ক্রস্পষ্ট ও অনায়াসে বোধগম্য হইয়াছে

কোন মতেই সম্ভাবিত নহে। বাহা ইউক ইহা অনায়াসে নির্দেশ করিতে পারা যায় জীবনচরিত প্রথম বার যেরূপ মুদ্রিত হইয়াছিল দ্বিতীয় বারে তদপেক্ষায় অনেক অংশে স্ক্রস্পষ্ট হইয়াছে।

শ্রীধরচন্দ্র শর্মা।

কলিকাতা। সংস্কৃতকলেজ।
২০এ টেজ। শকাব্দাঃ ১৭৭৩।

প্রথম বারের বিজ্ঞাপন।

জীবনচরিতপাঠে দ্বিবিধ মহোপকার লাভ হয়। প্রথমতঃ, কোন কোন মহাত্মার অভিপ্রের্তার্থসম্পাদনে কৃত কার্য হইবার নিমিত্ত যেরূপ অক্লিষ্ট পরিশ্রম, অবিচলিত উৎসাহ, মহীয়সী মহিষুতা ও দৃঢ়তর অধ্যবসায় প্রদর্শন করিয়াছেন এবং কেহ বহুতর দুর্বিষহ নিগ্রহ ও দারিদ্রনিবন্ধন অশেষ ক্লেশ ভোগ করিয়াও যে ব্যবসায় হইতে বিচলিত হইয়া নাই তৎসমুদায় আলোচনা করিলে এক কালে সহস্র উপদেশের ফল প্রাপ্ত হওয়া যায়। দ্বিতীয়তঃ, আনুষ্ঙ্গিক তত্ত্বদেশের তত্তৎকালীন রীতি, নীতি, ইতিহাস ও আচার পরিজ্ঞান হয়। অতএব যে বিষয়ের অহুশীলনে এতাদৃশ মহার্থ লাভ সম্পন্ন হইতে পারে তাহাকে অবশ্যই শিক্ষা কর্মের এক প্রধান অঙ্গ বলিয়া অঙ্গীকার করিতে হইবেক।

রবার্ট ও উইলিয়ম চেম্বার্স বহুসংখ্যক সুপ্রসিদ্ধ মহাত্মব মহাশয়দিগের বৃত্তান্ত সংকলন করিয়া ইঙ্গরেজি ভাষায় যে জীবনচরিত পুস্তক প্রকাশ করিয়াছেন তাহা বাঙ্গলা ভাষায় অনুবাদিত হইলে এতদেশীয় বিদ্যার্থীগণের পক্ষে বিশিষ্টরূপ উপকার দর্শিতে পারে এই আশয়ে আমি ঐ পুস্তকের অনুবাদে প্রবৃত্ত হইয়াছিলাম।

[২]

কিন্তু সময়াভাব ও অন্যান্য কতিপয় প্রতিবন্ধক বশতঃ তন্মধ্যে আপাততঃ কেবল কোপনিকস, গালিলিয়, নিউটন, হর্শেল, প্রোশ্যাস্, লিনিয়স্, ডুবাল, জেঙ্কিন্স ও জোন্স এই কয়েক মহাত্মার চরিত অনুবাদিত ও প্রকাশিত হইল।

ইউরোপীয় পদার্থবিদ্যা ও অন্যান্য বিদ্যা সংক্রান্ত অনেক কথার বাঙ্গলা ভাষায় অসঙ্গতি আছে; ঐ অসঙ্গতি পূরণার্থে কোন কোন স্থানে দুইহ সংস্কৃত শব্দ প্রয়োগ ও কোন বিশেষে তত্তৎ কথার অর্থ ও তাৎপর্য পর্যালোচনা করিয়া তৎপ্রতিরূপ হৃত শব্দ সংকলন করিতে হইয়াছে; পাঠকগণের বোধ সৌকর্যার্থে পুস্তকের শেষে তাহাদিগের অর্থ ও ব্যুৎপত্তিক্রম প্রদর্শিত হইল। কিন্তু সংকলিত শব্দ সকল বিশুদ্ধ ও অবিসম্বাদিত হইয়াছে কি না সে বিষয়ে আমি অপরিতুষ্ট রহিলাম।

বাঙ্গলায় ইঙ্গরেজির অবিকল অনুবাদ করা অত্যন্ত দুর্লভ কর্ম; ভাষাভেদের রীতি ও রচনা পরস্পর নিতান্ত বিপরীত; এই নিমিত্ত, অনুবাদক অত্যন্ত সাবধান ও যত্নবান হইলেও অনুবাদিত গ্রন্থে রীতিবৈলক্ষণ্য, অর্থ প্রতীতির ব্যতিক্রম ও মূলার্থের বৈকল্য ঘটয়া থাকে। অতএব আমি ঐ সমস্ত দোষ অতিক্রম করিবার আশয়ে অনেক স্থানে অবিকল অনুবাদ করি নাই; তথাপি এই অনুবাদে ঐ সকল দোষের ভূয়সী সম্ভাবনা আছে সন্দেহ নাই। যাহা হউক, ইহা সাহস করিয়া বলা যাইতে পারে এই অনুবাদ বিদ্যার্থীগণের পক্ষে নিতান্ত অকিঞ্চিৎকর হইবেক না।

[৩]

পরিশেষে, অবশ্যকর্তব্য কৃতজ্ঞতাস্বীকারের অন্যথা
ভাবে অধর্ম জানিয়া, অঙ্গীকার করিতেছি শ্রীযুত মদন-
মোহন তর্কালঙ্কার শ্রীযুত নীলমধব মুখোপাধ্যায় প্রভৃতি
কয়েক জন বিচক্ষণ বন্ধু এ বিষয়ে যথেষ্ট আলোকলা
করিয়াছেন।

শ্রীঈশ্বরচন্দ্র শর্মা।

কলিকাতা।

২৭এ ভাদ্র শকাব্দাঃ ১৭৭১।

ছূচীপত্র।

নাম	পৃষ্ঠা
নিকলাস্ কোপনিকস্	১
গ্যালিলিয়	৮
সর্ আইজাক্ নিউটন	১৭
সর্ উইলিয়ম্ হর্শেল	২৭
গ্রোশ্যস্	৬৯
লিনিয়স্	৪৯
বলক্টিন্ জামিরে ডুবাল	৫৮
টামস্ জেক্সিস	৭৫
সর্ উইলিয়ম্ জোন্স	৮৯

জীবনচরিত।

স্বাধীনতার নিমিত্ত

নিকলাস কোপার্নিকাস।



পূর্বকালে কাণ্ডিয়া, ইজিপ্ট, গ্রীস প্রভৃতি নানা জনপদে জ্যোতির্বিদ্যার বিলক্ষণ অল্পশীলন ছিল; কিন্তু খৃষ্টীয় শতকের ষোড়শ শতাব্দীর পূর্বে, জ্যোতির্বিদ্যার বিষয় বিস্তৃত রূপে বিদিত হয় নাই। পূর্বকালীন পণ্ডিতগণের এই স্থির সিদ্ধান্ত ছিল, যে, পৃথিবী স্থির এবং অন্তরিক্স-নামক বিক্ষিপ্ত জ্যোতিষ্কসমূহাদয়ের মধ্যস্থিত; চন্দ্র, শুক্র, মঙ্গল, সূর্য্য, অন্যান্য গ্রহগণ ও নক্ষত্রমণ্ডল তাহার চতুর্দিকে এক এক মণ্ডলাকার পথে পরিভ্রমণ করে; আর তাহাদের দূরত্ব ও বেগের বিভিন্নতা প্রযুক্ত, দিবসে ও রজনীতে নভোমণ্ডলের বিচিত্র আকার দেখিতে পাওয়া যায়। এই মত ইয়ুরোপে বহু কাল পর্য্যন্ত প্রবল ও প্রচলিত ছিল।

খৃষ্টীয় শতাব্দীর প্রারম্ভের ছয় শত বৎসর পূর্বে, এনালি-মেণ্ডর, পিথাগোরাস প্রভৃতি গ্রীসদেশীয় পণ্ডিতগণের মনে অনতিপরিষ্কৃত রূপে এই বোধোদয় হইয়াছিল যে সূর্য্য অচল পদার্থ; পৃথিবী একটা গ্রহ, অন্যান্য গ্রহবৎ

যথা নিয়মে সূর্যের চতুর্দিকে পরিভ্রমণ করে। তাঁহার
সামান্যতম পরিভ্রমণের সময় প্রায় ৩৬৫ দিন
করিয়া
ছিল। এই পরিভ্রমণের সময় প্রায় ৩৬৫ দিন
যে
তর বিসম্বাদিতা প্রযুক্ত, সাধারণ লোকেরা যৎপরোনাস্তি
বিদেহ প্রদর্শন করিতে, বদ্ধমূল করিতে পারেন নাই।

চতুর্দশ ও পঞ্চদশ শতাব্দীতে ইটালি দেশে বিদ্যানু-
শীলনের পুনরারম্ভ হইলে, (১) সমুদায় বিশ্ববিদ্যালয়ে
জ্যোতির্বিদ্যার কিঞ্চিৎ কিঞ্চিৎ আদর হইতে লাগিল।
কিন্তু তৎকালে যে মত প্রচলিত ছিল তাহা অরিফটল,
টলেমি ও অপরাপর প্রাচীন জ্যোতির্বিদগণের অনু-
মোদিত প্রণালী অপেক্ষা বিশুদ্ধ ছিল না। তাহাতে
এই সিদ্ধান্ত প্রতিপন্ন ছিল যে সূর্য ও গ্রহমণ্ডল ভূমণ্ড-
লের চতুর্দিকে পরিভ্রমণ করে। যাহা হউক, পরিশেষে
এনালিমেন্ডের ও পিথাগোরসের সঙ্কল্পিত বিশুদ্ধ মত
পুনরুজ্জীবিত হইবার শুভ সময় উপস্থিত হইল।

যে অধুনাতন পণ্ডিত পূর্বনির্দিষ্ট বিলুপ্তপ্রায় বিশুদ্ধ
মত পুনরুজ্জীবিত করেন, তাঁহার নাম নিকলাস কোপ-
নিকস। তিনি, ১৪৭৩ খৃঃঅব্দে ফেব্রুয়ারির ঊনবিংশ
দিবসে, বিস্ট্রা নদী তীরবর্তী থবন নগরে জন্ম গ্রহণ
করেন। উক্ত স্থান এক্ষণে প্রুসিয়ার রাজার অধিকারের

(১) পূর্বকালে গ্রীষ্মদেশে ও রোমরাজ্যে বিদ্যার বিলক্ষণ
অনুশীলন ছিল। পরে রোম রাজ্যের উচ্ছেদ হইলে
বিদ্যানুশীলনের ক্রমে ক্রমে লোপ হইয়া যায়। অনন্তর
এই সময়ে ইটালি দেশে পুনরায় বিদ্যার অনুশীলন আরম্ভ
হয়।

অন্তর্গত। জন্মনির অন্তঃপাতি ওয়েস্টফেলিয়া প্রদেশ
কোপনিকসের পিতার জন্মভূমি। তিনি থবন নগরে
চিকিৎসকের কাৰ্যে নিযুক্ত হইয়া তথায় কাঁস করেন।
তৎপরে প্রায় দশ বৎসর অতীত হইলে কোপনিকসের
জন্ম হয়।

কোপনিকস বাল্যকালে ক্রাকোর বিশ্ববিদ্যালয়ে
চিকিৎসা বিদ্যা শিক্ষা করিয়াছিলেন। কিন্তু গণিত, পরি-
প্রেক্ষিত, জ্যোতিষ ও চিত্রকর্ম এই কয়েক বিদ্যায় স্বতা-
বতঃ অতিশয় অহুরাগী ছিলেন। ষোল্লশবকালেই জ্যো-
তিষ বিষয়ে বিশিষ্টরূপ প্রতিপত্তি লাভার্থে অত্যন্ত উৎ-
সুক হইয়া, ইটালির অন্তর্গত বোলগা নগরের বিশ্ববিদ্যা-
লয়ে উক্ত শাস্ত্র অধ্যয়ন করিলেন। সকলে অনুমান
করেন তাঁহার অধ্যাপক ডোমিনিক মেরিয়া পৃথিবীর
মেরুদণ্ড পরিবর্ত বিষয়ে যে আবিষ্কৃত্য করেন তদ্বারাই
তৎকালপ্রচলিত জ্যোতির্বিদ্যা আন্তিস্কুল বলিয়া তাঁহার
প্রথম উদ্বোধ হয়। অনন্তর বোলগা হইতে রোমনগরী
প্রস্থান করিয়া তথায় কিয়দিনস সূচ্যরূপে গণিত
শাস্ত্রের শিক্ষকতা কার্য সম্পাদন করিলেন।

কিয়দিন পরে কোপনিকস স্বদেশে প্রত্যাগমন করি-
লেন। তৎকালে তাঁহার মাতুল অর্শ্বিলেণ্ডের বিশপ অর্থাৎ
ধর্ম্মাধ্যক্ষ ছিলেন; তিনি তাঁহাকে ফ্রায়েনবর্গের প্রধান
দেবালয়ে যাজকতা পদে নিযুক্ত করিলেন। সেই সময়ে
থবন নগরের লোকেরাও তাঁহাকে আপনাদিগের এক
দেবালয়ে দ্বিতীয় ধর্ম্মাধ্যক্ষের পদে নিরূপিত করেন।
এক্ষণে তিনি এই সঙ্কল্প করিলেন, দেবালয়সংক্রান্ত কর্ম্ম

ও বিনা বেতনে দরিদ্র লোকের চিকিৎসা এবং অভিলষিত বিদ্যার অন্বেষণ এই তিন বিষয় অবলম্বন করিয়া জীবন ক্ষেপণ করিব। প্রধান দেবালয়ের অদূরবর্তী এক উন্নত ভূভাগের উপর ফ্রায়েনবর্গের যাজকদিগের নিমিত্ত যে সমস্ত বাস স্থান নিয়োজিত ছিল, তথা হইতে অত্যাধিক্য রূপে এই নক্ষত্রাদির পর্যবেক্ষণ করিতে পারা যায়। কোপনিকস তাহার অন্যতম স্থানে অবস্থিতি করিলেন।

অনুমান হয়, ১৫৪৭ খৃঃ অব্দে, পিথাগোরসের মত উৎকৃষ্ট বলিয়া কোপনিকসের দৃঢ় প্রত্যয় জন্মে। কিন্তু তৎকালীন লোকের যেরূপ সংস্কার ছিল, উক্ত মত তাহার নিতান্ত বিপরীত। এই নিমিত্ত তিনি মনে মনে স্থির করিলেন এই মত অবলম্বন অথবা প্রচার বিষয়ে সাবধান হইতে হইবেক। তৎকালে দূরবীক্ষণের সৃষ্টি হয় নাই। তন্মিত্ত গণিতবিদ্যাসংক্রান্ত আর যে সকল যন্ত্র ছিল তাহাও অত্যন্ত অপকৃষ্ট ও অকর্মণ্য। কোপনিকস পর্যবেক্ষণ সাধন নিমিত্ত যে দুইটি যন্ত্র পাইয়াছিলেন তাহা দেবদারু কাষ্ঠে অতি সামান্যরূপে নির্মিত ও পরিমাণচিহ্ন স্থলে মসীরেখায় অঙ্কিত। এই মাত্র উপকরণসম্পন্ন হইয়া, স্বাবলম্বিত মত প্রমাণমিত্ত করিবার নিমিত্ত যে সমস্ত গবেষণা আবশ্যিক, কয়েক বৎসর তৎসম্পাদন বিষয়ে মনোনিবেশ করেন। পরিশেষে ১৫৩০ খৃঃ অব্দে এক গ্রন্থ প্রস্তুত করিলেন; তাহাতে এই নূতন প্রণালী বিশেষ রূপে ব্যাখ্যাত হইল।

অন্যান্য লোক অপেক্ষা সমধিক জ্ঞানালোকসম্পন্ন বহু সংখ্যক বিদ্বান ব্যক্তির পূর্নাবধি কোপনিকসের মত

অবগত ছিলেন। এক্ষণে তাহারা সমুচিত সমাদর ও শ্রদ্ধা প্রদর্শনপূর্বক তাহা গ্রাহ্য করিলেন। এতদিন সমুদায় লোক ও ধর্মোপদেশকগণ অপেক্ষাকৃত অজ্ঞ ও কুসংস্কারাবিষ্ট ছিলেন; সুতরাং তাহাদের তদ্বিষয়ে শ্রদ্ধা জন্মিবার বিষয় কি।

পূর্নকালীন লোকেরা বিচারের সময় চিরাগত কতিপয় নিরীকারিত নিয়মের অন্বেষণ হইয়া চলিতেন; সুতরাং স্বয়ং তত্ত্বনির্গম করিতে পারিতেন না, এবং অন্যো অন্যরূপে বুঝাইয়া দিলেও তাহা স্বীকার করিয়া লইতেন না। তৎকালীন লোকদিগের এই রীতি ছিল পূর্নকালীনেরা যাহা নির্দেশ করিয়া গিয়াছিলেন, কোন বিষয়, তাহার বিরুদ্ধ বা বিরুদ্ধবৎ আভাসমান হইলে, তাহা শুনিতে চাহিতেন না। বস্তুতঃ তাহারা কেবল প্রমাণ প্রয়োগেরই বিধেয় ছিলেন, তত্ত্বনির্গম নিমিত্ত স্বয়ং অন্বেষণ বা বিবেচনা করিতেন না। ইহাতে এই ফল জন্মিয়াছিল নিরীকারিতা সম্পন্ন ব্যক্তির অভিজ্ঞতা বা অনুসন্ধান দ্বারা যে নূতন নূতন তত্ত্ব উদ্ভাবিত করিতেন তাহা, চিরসেবিত মতের বিসম্বাদি বলিয়া, অবজ্ঞা রূপে অঙ্গকূলে নিষ্কিপ্ত হইত। এই এক সিদ্ধান্ত তাহাদের বিজ্ঞানক্ষেত্রে বদ্ধমূল হইয়া ছিল যে পৃথিবী অচলা ও অপরিচ্ছিন্ন বিশ্বের কেন্দ্র ভূত। এই মত পূর্নকালের সর্বশ্রেষ্ঠ পণ্ডিতেরা প্রামাণিক বলিয়া অঙ্গীকার করিয়া গিয়াছেন, বহুকালাবধি প্রচলিত হইয়া আসিয়াছে, এবং বস্তু সকল স্থল দৃষ্টিতে আপাততঃ যেরূপ প্রতীয়মান হয় তাহার সহিতও অবিরুদ্ধ; বিশেষতঃ তৎকালীন লোকেরা বোধ করিত বায়বলেরও

স্থানে স্থানে ইহার পোষকতা আছে। এই সকল পর্যা-
লোচনা করিয়া কোপনিকস সেই অনেক বৎসরের আয়াস
সম্পাদিত গ্রন্থ সেই প্রচার করিতে পারিলেন না।

পরিশেষে রেটিকস নামে তাঁহার এক বাস্তব, সংক্ষেপে
তদীয় গ্রন্থের মর্মসঙ্কলন পূর্বক, সাহস করিয়া, ১৫৪০ খৃঃ
অর্ধে, এক ক্ষুদ্র পুস্তক মুদ্রিত ও প্রচারিত করিলেন; কিন্তু
তাঁহাতে স্বীয় নাম নির্দেশ করিলেন না। ইহাতে কেহ
বিদেঘ প্রকাশ না করাত, সেই ব্যক্তিই পর বৎসর আপন
নাম সমেত উক্ত পুস্তক পুনর্মুদ্রিত করিলেন। উভয়
বারেই এই মত কোপনিকসের বলিয়া স্পষ্ট উল্লেখ ছিল।
ঐ সময়ে ইরাস্মস রেনহোল্ড নামক এক পণ্ডিত এক খানি
পুস্তক প্রচার করেন। তাঁহাতে তিনি এই স্মৃতি মতের
ভূয়সী প্রশংসা লিখিয়া, তৎপ্রবন্ধকে দ্বিতীয় টলেমি
বলিয়া বর্ণন করেন। সর্বদা এরূপ ঘটিয়া থাকে, কোন
লক্ষপ্রতিষ্ঠা ভাস্তিপ্রবন্ধকের সহিত তুল্যমূল্য করিয়া গণনা
করিলেই, তৎপ্রদর্শকের যথেষ্ট প্রশংসা করা হয়।

তখন কোপনিকস, আত্মীয়বর্গের প্রবর্তনাপরতন্ত্র
হইয়া, আপন গ্রন্থ প্রচার করিতে সম্মত হইলেন। তদনু-
সারে, নরম্বর্গবাসি কতিপয় পণ্ডিতের অধ্যক্ষতায়, তন্নগরস্থ
যন্ত্রে গ্রন্থ মুদ্রিত হইতে লাগিল। তৎকালে তিনি অত্যন্ত
বুদ্ধ হইয়াছিলেন; জীবিত থাকিয়া আপন গ্রন্থ প্রচারিত
দেখা তাঁহার ভাগ্যে ঘটিয়া উঠিল না। গ্রন্থ মুদ্রিত
হইবামাত্র, তাঁহার বন্ধু রেটিকস এক খানি পুস্তক পাঠা-
ইয়া দেন। কিন্তু ঐ পুস্তক তাঁহার তত্ত্ব্যাগের কয়েক
দণ্ড মাত্র পূর্বে তাঁহার নিকট পহুছে। ১৫৪৩ খৃঃ অর্ধে,

মে মাসের ত্রয়োবিংশ দিবসে তিনি কলেবর পরিত্যাগ
করেন।

এইরূপে, কোপনিকসের মত ভূমণ্ডলে প্রচারিত
হইল। কিন্তু গ্রন্থকর্তার মৃত্যু হইয়াছিল এই বলিয়াই
হউক, কিম্বা তাঁদৃশ প্রগাঢ় গ্রন্থ সচরাচর সকলের বুদ্ধিগম্য
হইবার বিষয় নহে স্তরাং তদ্বারা সাধারণ লোকের
বুদ্ধিব্যতিক্রম বা মতপরিবর্তের সম্ভাবনা নাই এই বোধ
করিয়াই হউক, অথবা অন্য কোন অনির্ণীত হেতু বশতঃ,
কোন সমাজ বা সম্প্রদায়ের লোক বিদেঘ প্রদর্শন করে
নাই।

গালিলিয়।(২)

ইহা অত্যন্ত আশ্চর্যের বিষয়, কোপার্নিকাসের পরলোক যাত্রার চল্লিশ বৎসর পরে, ইয়ুরোপের অতিপ্রধান জ্যোতির্বিদ টাইকো ব্রেহি ক্রমাগতঃ ত্রিশৎ বৎসর জ্যোতির্বিদ্যার অধ্যয়ন করিয়াছিলেন, তথাপি কোপার্নিকাসের প্রদর্শিত প্রণালী অবলম্বন করেন নাই। যাহা হউক, অনন্তর যে ইটালিদেশীয় সুপ্রসিদ্ধ পণ্ডিত সেই প্রণালী অবলম্বন করিয়া তাহার যথোচিত পোষকতা করেন, এক্ষণে সংক্ষেপে তদীয় চরিত্র লিপিবদ্ধ হইতেছে।

ইটালির অন্তঃপাতি পিসা নগরে, ১৫৬৪ খৃঃ অব্দে, গালিলিয় জন্মগ্রহণ করেন। তাহার পিতা টস্কানিদেশের এক জন সম্ভ্রান্ত লোক ছিলেন; কিন্তু তাদৃশ ঐশ্বর্যশালী ছিলেন না। তিনি গালিলিয়কে, চিকিৎসা বিদ্যা শিক্ষা করাইবার নিমিত্ত, সেই নগরের বিশ্ববিদ্যালয়ে নিয়োজিত করেন। পঠদশাতেই, অরিফটলের দর্শনশাস্ত্র নিতান্ত যুক্তিবহিত বন্ধিয়া, তাহার দৃঢ় প্রত্যয় জন্মে; সুতরাং তদবধি তিনি তন্মতের ঘোরতর প্রতিপক্ষ হইয়া উঠিলেন। গণিতশাস্ত্রে বিশিষ্টরূপে প্রতিপত্তি হওয়াতে, ১৫৮৯ খৃঃ অব্দে, সেই বিশ্ববিদ্যালয়ে উক্ত শাস্ত্রের

(২) ইহার প্রকৃত নাম গালিলিয় গালিলি। কিন্তু গালিলিয় নামেই বিশেষ প্রসিদ্ধ।

গালিলিয়।

অধ্যাপকের পদে ^{অধিষ্ঠিত} হইলেন। তখন তিনি, সেই অযথাভূত দর্শন শাস্ত্রের অর্থোডক্সতা সপ্রমাণ করিবার নিমিত্ত, প্রকৃতির নিয়ম সকল প্রদর্শন করাইতে আরম্ভ করিলেন। একদা, সমবেত বহু সংখ্যক দর্শক সমক্ষে, তদ্রূপে প্রধান দেবালয়ের উপরি ভাগে বারম্বার পরীক্ষা করিয়া দেখাইলেন গুরুত্ব পতননিয়ামক নহে (৩)। ইহাতে অরিফটলের মতাবলম্বিরা তাহার এমত বিপক্ষ হইয়া উঠিলেন যে দুই বৎসর পরে তাহাকে অধ্যাপকের পদ পরিত্যাগ করিয়া পলাইতে হইল।

এই রূপে পিসানগর হইতে অপসারিত হইয়া গালিলিয় বিষয়কর্মশূন্য কালযাপন করিতে লাগিলেন। কিন্তু ইটালির প্রদেশান্তরীয় লোকেরা, তাহার বিদ্যা বুদ্ধির উৎকর্ষ বুঝিতে পারিয়া, ১৫৯২ খৃঃ অব্দে, তাহাকে পেডু-

(৩) অজ্ঞ লোকেরা বোধ করিয়া থাকে বস্তুর গুরুত্ব অর্থাৎ ভার আছে বলিয়া উহা ভূতলে পতিত হয়; আর যাহার গুরুত্ব অধিক তাহা তত শীঘ্র পতিত হয়। পূর্বেকালে অরিফটল প্রকৃতি অতি প্রধান ইয়ুরোপীয় পণ্ডিতেরা এই মত প্রতিপন্ন করিয়া গিয়াছিলেন; এবং আমাদের দেশের নৈয়ায়িকদিগেরও এই মত। কিন্তু ইহা ভ্রান্তিমূলক, প্রকৃতির নিয়মানুগত নহে। পৃথিবীর আকর্ষণী শক্তি আছে সেই শক্তি দ্বারা আকৃষ্ট হইয়া বস্তু সকল ভূতলে পতিত হইয়া থাকে; বস্তুর ভারের গৌরব ও লাঘব অগ্র পশ্চাৎ পতিত হইবার নিয়ামক নহে। তবে যে গুরু বস্তু শীঘ্র ও লঘু বস্তু বিলম্বে পতিত হইতে দেখা যায় সে কেবল বায়ুর প্রতিবন্ধকতা প্রযুক্ত। পরীক্ষা দ্বারা স্থিরীকৃত হইয়াছে নিক্রান্ত স্থানে গুরু ও লঘু বস্তু যুগপৎ পরিত্যক্ত হইলে যুগপৎ ভূতলে পতিত হয়।

য়ার বিশ্ববিদ্যালয়ে গণিতের অধ্যাপকতা পদে নিযুক্ত করিলেন। এই স্থলে তিনি সূচারূপে উপদেশ দিতে লাগিলেন। ইয়ুরোপের দূরতর প্রদেশ হইতেও শিষ্য মণ্ডলী উপস্থিত হইতে লাগিল। ইয়ুরোপীয় পণ্ডতেরা সর্বত্র লাতিন ভাষাতেই উপদেশ দিতেন; গালিলিয় তাহা পরিত্যাগ করিয়া ইটালীয় ভাষায় আরম্ভ করিলেন। তৎকালে এই নূতন প্রণালী অবলম্বন করাও এক প্রকার সাহসের কৰ্ম বুলিয়া পরিগণিত হইয়াছিল।

পেডুয়াতে অষ্টাদশ বৎসর অবস্থিতি করিয়া, তিনি পদার্থবিদ্যা সংক্রান্ত যে সকল নূতন নূতন নিয়ম প্রথম উদ্ভাবিত করেন, তাহা তৎকালপ্রচলিত মতের নিতান্ত বিপরীত। তথাপি তিনি অশঙ্কিত ও অসঙ্কচিত চিত্তে শিষ্যদিগকে আনুষ্ঠানিক সেই সকল বিষয়ের শিক্ষা দিতেন।

জেন্সন নামক এক জন ওলন্দাজ এক অভিনব যন্ত্র নির্মাণ করিয়াছিলেন। তদ্বারা অবলোকন করিলে দূর বর্ত্তি পদার্থ সকল সন্নিহিত বোধ হয়। গালিলিয় ঐরূপ যন্ত্রের উদ্ভাবন বিষয়ে প্রস্তুতপ্রায় হইয়া ছিলেন; এক্ষণে (১৬০৯ খৃঃ অব্দে) শুনিবামাত্র, উহা কি কি উপাদানে নিৰ্ম্মিত হইয়াছিল তাহা বুঝিতে পারিলেন এবং এক দিবসও বিলম্ব না করিয়া, তদপেক্ষা অনেক অংশে উত্তম তথাবিধ এক যন্ত্র নির্মাণ করিলেন। এইরূপে দূরবীক্ষণের সৃষ্টি হইল। ইহা পদার্থবিদ্যাসংক্রান্ত যাবতীয় যন্ত্র অপেক্ষা অধিকোপকারক।

গালিলিয়, এই দৃষ্টিপোষক নলাকার নূতন যন্ত্র নভো-

মণ্ডলে প্রয়োগ করিয়া, দেখিতে পাইলেন, চন্দ্রমণ্ডলের উপরিভাগ অত্যন্ত বন্ধুর; সূর্যমণ্ডল সময়ে সময়ে কলঙ্কিত লক্ষ্য হয়; ছায়াপথ কেবল সূর্যতীরকান্তিবক মাত্র; বৃহস্পতি পারিপাশ্বিকচতুর্ভুজে পরিবেষ্টিত; শুক্রগ্রহের, চন্দ্রের ন্যায়, ত্রাস বৃদ্ধি আছে; শনৈশ্চরের উভয় পাশ্বে পক্ষাকার কোন পদার্থ আছে। ঐ পক্ষ এক্ষণে অঙ্গুরীয় বলিয়া সিদ্ধান্তিত হইয়াছে।

বোধ হয়, গালিলিয় বহুকালাবধি মনে করিতেন নভস্তলস্থিত বস্তু সকল যেরূপ দেখিতে পাওয়া যায় বাস্তবিক সেরূপ নহে। কিন্তু কোন কালে যে এই রহস্যমোর নস্মোদ্ভেদ করিতে পারিবেন তাহার এমত আশা ছিল না। এক্ষণে এই সকল বিষয় প্রকাশ করিয়া তাহার অন্তঃকরণ কি অভূতপূৰ্ব্ব চমৎকার ও অনির্কচনীয় আনন্দে পরিপূর্ণ হইল তাহা কোন রূপেই অল্পভব করিতে পারা যায় না।

১৬১১ খৃঃ অব্দে যখন তিনি এই সকল বিষয়ের গবেষণাতে প্রবৃত্ত হন, তৎকালে টস্কানির অধীশ্বরের অমুরোধপরতন্ত্র হইয়া পিসা প্রতাগমন পূৰ্ব্বক, সমধিক বেতনে তথায় গণিতাধ্যাপকের পদ গ্রহণ করেন। স্মতরাং তাহার উদ্ভাবিত বিষয় সকল ঐ নগরেই প্রথম প্রচারিত হয়। কোপর্নিকস কেবল দৈবগত্যা যে সকল নিগ্রহ অতিক্রম করিয়া গিয়াছিলেন, এইক্ষণে গালিলিয়কে সে সমুদায় বিলক্ষণ রূপে ভোগ করিতে হইল। তৎকালে তিনি এক গ্রন্থ প্রচার করেন; তাহাতে স্পষ্ট লিখিয়াছিলেন, আমি যাহা যাহা উদ্ভাবিত করিয়াছি

তদ্বারা কোপনিকসপ্রদর্শিত প্রণালীর যথার্থতা সপ্রমাণ হইল। ইহাতে এই ঘটনাছিল যে যাজকেরা তাঁহার নামে, ধর্মবিপ্লবক বলিয়া, অভিযোগ উপস্থিত করিতে, ১৬১৫ খৃঃ অব্দে তাঁহাকে রোমনগরীয় ধর্মসভার(৪) সম্মুখে উপস্থিত হইতে হইল। সভাপক্ষেরা তাঁহাকে এই প্রতিজ্ঞাশৃঙ্খলে বদ্ধ করিলেন আর আনি একরূপ সম্ভ্রাতক মত কদাচ মুখে আনিব না। ইহাও নির্দিষ্ট আছে, কিন্তু সত্যাসত্যের নিশ্চয় নাই, সভাপক্ষেরা এই উপলক্ষে তাঁহাকে পাঁচ মাস কারাবদ্ধও করিয়াছিলেন; আর টস্কানির অধীশ্বর এ বিষয়ে হস্তার্পণ না করিলে, তাঁহাকে আরও গুরুতর নিগ্রহ ভোগ করিতে হইত।

গালিলিয় ধর্মসভার অগ্রে যেরূপ প্রতিজ্ঞা করিয়াছিলেন তদনুসারে কয়েক বৎসর পর্য্যন্ত ক্ষান্ত হইয়া রহিলেন; কিন্তু জ্যোতির্বিদ্যার যে যথার্থ মত অবলম্বন করিয়াছিলেন তাহার অমুশীলনে বিরত হইলেন না। পরিশেষে, কোপনিকসের প্রদর্শিত প্রণালীর সবিস্তর

(৪) ধর্মবিদ্বেষি নাস্তিকদিগের পরীক্ষা ও দণ্ড বিধানার্থক সভা। খৃষ্টধর্মাবলম্বিদিগের এক সম্প্রদায় আছে। উহার নাম রোমান ক্যাথলিক। ইয়ুরোপের অন্তঃপাতি যে সকল দেশ এই সম্প্রদায়ের মতানুযায়ী, তন্মধ্যে কোন কোন দেশে খৃষ্টীয় শতকের দ্বাদশ শতাব্দীতে এই ধর্মাধিকরণ স্থাপিত হয়। ইহা স্থাপন করিবার উদ্দেশ্য এই যে যাহারা বায়বলের বিরুদ্ধ মত অবলম্বন অথবা প্রচার করিবেন এই ধর্মাধিকরণে তাহাদের পরীক্ষা ও দণ্ড বিধান হইবেক। তাহা হইলেই বায়বলবিদ্বেষি নাস্তিকদিগের উচ্ছেদ হইয়া যাইবেক।

বিবরণ ভূমণ্ডলে প্রচার করিবার নিমিত্ত নিতান্ত উৎসুক হইলেন। কিন্তু কুসংস্কারাবিষ্ট বিপক্ষবর্গের বিদ্রোহভয়ে, স্পৃহ্যরূপে আত্মমত ব্যক্ত না করিয়া, কৌশল করিয়া, তিন জনের কথোপকথনায় এক গ্রন্থ লিখিলেন; তাহাতে প্রথম ব্যক্তি কোপনিকসের মত রক্ষা করিতেছে; দ্বিতীয় ব্যক্তি টলেমি ও অরিফটলের; এবং তৃতীয় ব্যক্তি উভয় পক্ষপ্রদর্শিত যুক্তি ও তর্কের একরূপে বলাবল বিবেচনা করিতেছে যে উপস্থিত বিষয় আপাততঃ অনির্ণয়ীয়ক বোধ হয়। কিন্তু, অভিনিবেশ পূর্বক বিবেচনা করিয়া দেখিলে, কোপনিকসের পক্ষে প্রদর্শিত যুক্তির প্রবলতা বিষয়ে ভ্রান্তি হইবার বিষয় নাই।

তৎকালে গালিলিয়ের বয়ঃক্রম ছষষ্টি বৎসর; তথাপি স্বয়ং সেই গ্রন্থ লইয়া, ১৬৩০ খৃঃ অব্দে, রোমনগরে গমন করিলেন। তিনি ধর্মসাধ্যদিগের অসম্ভাবনীয় অল্পগ্রহোদয় সহকারে গ্রন্থ মুদ্রিত করিতে অল্পমতি পাইলেন। কিন্তু উক্ত পুস্তক রোম ও ফ্লোরেন্স নগরে প্রচারিত হইবামাত্র, অরিফটলের মতাবলম্বিরা এককালে চারি দিক হইতে আক্রমণ করিল। তন্মধ্যে পিসার দর্শন শাস্ত্রের অধ্যাপক সর্কোপেক্সা অধিক বিপক্ষতা ও বিদ্রোহ প্রদর্শন করিয়াছিলেন। সমুদায় কার্ডিনাল্,(৫)

(৫) রোমানক্যাথলিক সম্প্রদায়ের সর্কোপেক্সাকে পোপ কহে। পোপের নীচের পদের লোকদিগের পদবী কার্ডিনাল। কার্ডিনালের পোপের মন্ত্রিধরূপ। পোপের মৃত্যু হইলে

মস্ক(৬) ও গণিতজ্ঞগণের উপর গালিলিয়ার গ্রন্থ পরীক্ষা করিবার তার অপিত হইল। তাঁহারা অসন্দিগ্ধ চিত্তে সেই গ্রন্থকে যোরতর ধর্মবিপ্লাবক স্থির করিয়া, তাঁহাকে রোমনগরে ধর্মসভার অগ্রে উপস্থিত হইতে আজ্ঞা প্রদান করিলেন।

গালিলিয় তৎকালে অত্যন্ত বৃদ্ধ হইয়াছিলেন এবং, তাঁহার বন্ধু ও প্রতিপোষক দ্বিতীয় কস্মো পরলোক যাত্রা করিতে, নিতান্ত নিঃসহায় হইয়াছিলেন। অতএব এই আকস্মিক বিপৎপাত তাঁহার পক্ষে অত্যন্ত ভয়ানক হইয়া উঠিল। বিপক্ষেরা যৎপরোনাস্তি উৎপীড়ন করিতে, ১৬৩৩ খৃঃ অব্দের শীতকালে, তাঁহাকে রোমনগরে গমন করিতে হইল। তথায় উপস্থিত হইবামাত্র, ধর্মসভার অধ্যক্ষেরা তাঁহাকে কারাগারে নিক্ষেপ করিলেন। কয়েক মাস তথায় অবস্থিতির পর, বিচারকর্তাদিগের সম্মুখে আনীত হইলে, তাঁহারা এই দণ্ড বিধান করিলেন তোমাকে আমাদের সম্মুখে আঁঠু পাড়িয়া ও বায়বেল

কার্ডিনালের আপনাদিগের মধ্য হইতে এক ব্যক্তিকে মনোনীত করিয়া ঐ সর্বপ্রধান পদে অধিরূঢ় করেন।

(৬) খৃষ্টধর্মাবলম্বীদের মধ্যে যাহারা সাময়িক বিষয় হইতে বিরত হইয়া ধর্মকর্মে একান্ত রত হয় তাহাদিগকে মস্ক কহে। মস্কেরা সচরাচর মঠেই থাকে। কতকগুলি মস্ক ভারতবর্ষীয় পূর্বকালীন ঋষিদিগের ন্যায় অরণ্যপ্রভৃতি বিজন প্রদেশে আশ্রম নির্মাণ করিয়া অবস্থিতি করে। আর কতক গুলি মস্ক এরূপ আছে যে তাহাদের নিষ্কারিত বাস স্থান নাই। সন্ন্যাসীদের মত যাবজ্জীবন পদব্রজে পর্যটন করিয়া বেড়ায়।

স্পর্শ করিয়া, কহিতে হইবেক আমি পৃথিবীর গতি প্রভৃতি যাহা যাহা প্রতিপন্ন করিয়াছি সে সমুদয় অস্বর্গ্য, অশ্রদ্ধেয়, ধর্মবিদ্বেষ, আন্তিমূলক। গালিলিয়, সেই বিষম সময়ে মনের দৃঢ়তা রক্ষা করিতে না পারিয়া, যথোক্তপ্রকারে পূর্বনির্দিষ্ট প্রতিজ্ঞাবাক্য উচ্চারণ করিলেন। কিন্তু গাক্সোথান করিবামাত্র, আন্তরিক দৃঢ় প্রত্যয়ের বিপরীত কল্প করিলাম এই ভাবিয়া, মনোমধ্যে ঘৃণারোষসহকৃত যৎপরোনাস্তি অল্পতাপ উপস্থিত হওয়াতে, পৃথিবীতে পদাঘাত করিয়া উচ্চৈশ্বরে কহিলেন ইহা এখনও চলিতেছে। বিচারকর্তারা গালিলিয়ার নাস্তিক্য বুদ্ধির পুনঃ সঞ্চার দেখিয়া এই গুরুতর দণ্ড বিধান করিলেন তোমাকে যাবজ্জীবন কারাগারে থাকিতে হইবেক; এবং তিন বৎসর পর্যন্ত প্রতি সপ্তাহে অল্পতাপসূচক সপ্ত স্ততি পাঠ করিতে হইবেক। তাঁহার গ্রন্থ একবারেই প্রতিষিদ্ধ ও তাঁহার মত একান্ত অপ্রদ্বিত হইল।

এইরূপে গালিলিয়ার প্রতি কারাগারাধিবাসের আদেশ হইলেও, কোন কোন বিচারকর্তারা বিবেচনা করিলেন তিনি যেরূপ বৃদ্ধ হইয়াছেন তাহাতে কোন ক্রমেই এরূপ গুরুতর দণ্ড সহ করিতে পারিবেন না। অতএব অল্পকম্পাপ্রদর্শনপূর্বক তাঁহাকে নির্কাসিত করিয়া ফ্লোরেন্স সমিহিত কোন নির্দিষ্ট স্থানে অবস্থিতি করিতে আজ্ঞা প্রদান করিলেন। তিনি কয়েক বৎসর তথায় থাকিয়া পদার্থবিদ্যার অল্পশীলন দ্বারা কালহরণ করিলেন।

গালিলিয় তৎকালে নেত্ররোগে অত্যন্ত অভিবৃত্ত হইয়াছিলেন। একটি চক্ষুঃ একবারেই নষ্ট হইয়া যায়, দ্বিতীয়ও প্রায় অক্ষয় হয়; তথাপি, ১৬৩৭ খৃঃ অব্দে, চন্দের তুল্যমান প্রকাশ করেন। শেষ দশায় তিনি অন্ধতা, বধিরতা, নিদ্রার অভাব ও সর্বাঙ্গব্যাপিনী বেদনাতে অত্যন্ত অভিবৃত্ত ও বিকল হইয়াছিলেন; কিন্তু তাঁহার মন তৎকাল পর্য্যন্ত অনলস ও কর্মণ্য ছিল। তিনি ১৬৩৮ খৃঃ অব্দে স্বয়ং লিখিয়াছেন, আমি অন্ধ দশাতে একবার বিশ্বরচনাসংক্রান্ত এক বিষয় অলুখ্যান করি আর বার আর বিষয়। আর যত যত্ন করিতেছি কোন রূপেই চঞ্চল চিত্তকে স্থির করিতে পারিতেছি না। এই সার্বক্ষণিক চিন্তাব্যাসঙ্গ দ্বারা আমার একবারেই নিদ্রার উচ্ছেদ হইয়াছে।

এই অবস্থাতে ক্রমশঃ ক্ষয়কারি জ্বররোগে আক্রান্ত হইয়া, গালিলিয় অক্ষয়সম্পত্তি বৎসর বয়ঃক্রম কালে ১৬৪২ খৃঃ অব্দের জানুয়ারি মাসে, প্রাণত্যাগ করিলেন। তাঁহার কলেবর ফ্লোরেন্স নগরের এক দেবালয়ে সমাহিত হইল। অনন্তর তাঁহাকে চিরস্মরণীয় করা উচিত বিবেচনা করিয়া, তত্রত্য লোকেরা, ১৭৩৭ খৃঃ অব্দে, উক্ত স্থানে এক পরমশোভন কীর্তিস্তম্ভ নির্মাণ করিয়াছেন।

সর আইজাক নিউটন।

যে বৎসর গালিলিয় কলেবর পরিত্যাগ করেন সেই বৎসরেই আইজাক নিউটনের জন্ম হয়। তিনি লিঙ্কলনসায়রের অন্তঃপাতি কোল্টসওয়ার্থ নামক গ্রামে, ১৬৪২ খৃঃ অব্দের ২৫এ ডিসেম্বর, শরীর পরিগ্রহ করেন। তাঁহার পিতা তাদৃশ সঙ্গতিপন্ন ছিলেন না কেবল যৎকিঞ্চিৎ ভূমি কর্ষণ দ্বারা জীবিকা সম্পাদন করিতেন। নিউটন সুবিখ্যাত কোপনিকাস ও গালিলিয়ের উদ্ভাবিত বিষয় সমূহের প্রাণিগ্য সংস্থাপনার্থেই জন্মগ্রহণ করিয়াছিলেন।

তিনি প্রথমতঃ মাতৃ সমিধানে কিঞ্চিৎ শিক্ষা করিয়া, দ্বাদশবর্ষ বয়ঃক্রম কালে গ্রাহাম নগরের ল্যাটিন পাঠশালায় প্রেরিত হন। তথায় তাঁহার, শিল্পবিষয়ক নব নব কৌশল প্রকাশ দ্বারা, শৈশবকালেই, অসাধারণ সুদৃষ্টির লক্ষণ প্রদর্শিত হয়। ঐ সকল শিল্পকৌশল দর্শনে তত্রত্য লোক চমৎকৃত হইয়াছিল। পাঠশালার সকল বালকেই, বিরামের অবসর পাইলে, খেলায় আগ্রহ হইত। কিন্তু তিনি সেই সময়ে নিবিষ্টমনা হইয়া ষড়ঐ প্রভৃতি যন্ত্রের প্রতিক্রম নির্মাণ করিতেন। একদা তিনি একটা পুরাণ বাক্স লইয়া জলের ঘড়া নির্মাণ করিয়াছিলেন।

এ স্বভীর শঙ্কু, বাল্লমধ্য হইতে অনবরত বিনির্গত জল বিন্দু পাত দ্বারা নিম্ন কাষ্ঠখণ্ড প্রতিঘাতে, পরিচালিত হইত; আর বেলাবোধনার্থ তাহাতে একটা প্রকৃত শঙ্কু পট ব্যবস্থাপিত ছিল।

নিউটন পাঠশালা হইতে বহির্গত হইলে ইহাই স্থির হইয়াছিল যে তাঁহাকে কৃষিকর্ম অবলম্বন করিতে হইবেক। কিন্তু অতি দুরায় ব্যক্ত হইল তিনি এরূপ পরিপ্রমসাম্য ব্যাপারে কোন ক্রমেই সমর্থ নহেন। সর্বদাই এরূপ দেখা যাইত, যে সময়ে তাঁহার পশুরক্ষণ ও ভূতাগণের প্রত্যবেক্ষণ করিতে হইবেক তখন তিনি নিশ্চিন্ত মনে তরুতলে উপবিষ্ট হইয়া অধ্যয়ন করিতেন। কৃষিকর্ম প্রযোজ্য বিক্রয়ার্থে গ্রন্থামের আপণে প্রেরিত হইলে, তিনি, স্বসমভিব্যাহারি বৃদ্ধ ভূত্যের উপর সমস্ত কার্য নিরীহের ভার সমর্পণ করিয়া, পরিশুদ্ধ তুণরাশির উপরি উপবেশন পূর্বক গণিতবিষয়ক গ্রন্থ সমাধান করিতেন। জননী তাঁহার বিদ্যাভ্যাস বিষয়ে এইরূপ স্বাভাবিক অতি প্রগাঢ় অল্পরাগ দর্শনে সমুৎসুক হইয়া পুনর্বার আর কয়েক মাসের নিমিত্ত তাঁহাকে পাঠশালায় পাঠাইয়া দিলেন। পরে, ১৬৬০ খৃঃাব্দের ৫ই জুন, তিনি কেম্ব্রিজ বিশ্ববিদ্যালয়ের অন্তর্ভুক্ত ত্রিনীটি নামক বিদ্যালয়ে বিদ্যার্থী রূপে পরিগৃহীত হইলেন।

নিউটন, পরিশ্রম, প্রজ্ঞা, স্মৃশীলতা ও অহমিকাসূন্য সদাচরণ দ্বারা, আইজাক বারো প্রভৃতি অধ্যাপকবর্গের অল্পগৃহীত ও সহায়্যায়গণের প্রশংসাত্মমি ও প্রণয়-ভাজন হইয়াছিলেন। তিনি কেম্ব্রিজে প্রবিষ্ট হইয়া

প্রথমতঃ সপ্তর্ষন রচিত ন্যায়শাস্ত্র, কেপ্লরপ্রণীত দৃষ্টি বিজ্ঞান, ওয়ালিস লিখিত অস্থিতপাটীগণিত এই কয়েক গ্রন্থ পাঠ করেন; সাতিশয় পরিশ্রম সহকারে ডেকার্ট রচিত রেখাগণিত গ্রন্থও অধ্যয়ন করেন; আর তৎকালে লক্ষ্যবিদ্যারও কিছু কিছু চর্চা থাকাতে তাহারও অল্প-শীলন করিয়াছিলেন। তিনি ইউক্লিডের গ্রন্থ অত্যন্তমাত্র পাঠ করেন। এরূপ প্রসিদ্ধি আছে যে তিনি, প্রাচীন গণিতজ্ঞদিগের গ্রন্থ উত্তম রূপে পাঠ করা হয় নাই বলিয়া, উত্তর কালে অল্পতাপ করিয়াছিলেন।

নিউটন, কেম্ব্রিজে অধ্যয়নকালে, আলোক পদার্থের তত্ত্বনির্ণয়ার্থ অত্যন্ত যত্নবান হইয়াছিলেন। ইহার পূর্বে এই বিষয়ে লোকের অত্যন্ত জ্ঞান ছিল। বিখ্যাত পণ্ডিত ডেকার্ট এই সিদ্ধান্ত করিয়াছিলেন যে অন্তরিক্ষ-ব্যাপি স্থিতিস্থাপক গুণোপেত অতিবিরল পদার্থবিশেষের সঞ্চালনবিশেষ দ্বারা আলোকের উৎপত্তি হয়। নিউটন এই মত খণ্ডন করিলেন। তিনি অন্ধকারাবৃত গৃহ মধ্যে প্রবেশ পূর্বক বহুকোণবিশিষ্ট এক খণ্ড কাচ লইয়া কপাটের ক্ষুদ্র ছিদ্র দ্বারা তদুপরি সূর্য্যের কিরণ পাতিত করিতে লাগিলেন। এইরূপ পরীক্ষা দ্বারা দেখিতে পাইলেন আলোক কাচের মধ্য দিয়া গমন করিয়া এ প্রকার ভঙ্গুর হইয়াছে যে ভিত্তির উপর সপ্তবিধ বিভিন্ন বর্ণ প্রকাশ পাইয়াছে। অনন্তর অসাধারণ কৌশল পূর্বক অশেষ প্রকারে পরীক্ষা করিয়া এই কয়েক মহোপকারক বিষয় নিরূপিত করিলেন; আলোকপদার্থ কিরণাত্মক; এ সকল কিরণকে বিভক্ত করিয়া অণু করা যাইতে পারে;

শুরু আলোকের প্রত্যেক কিরণে রক্ত, পাত, নীল, এই তিন মূলীভূত কিরণ আছে; এই ত্রিবিধ কিরণ অপেক্ষাকৃত স্থানাধিক ভঙ্গুর হইয়া থাকে। নিউটনের এই অসাধারণ অভিনব আবিষ্কারকেই দৃষ্টিবিজ্ঞান শাস্ত্রের মূলস্থত্র স্বরূপ গণনা করিতে হইবেক।

১৬৬৫ খৃঃ অব্দে কেম্ব্রিজ নগরে অকস্মাৎ ঘোরতর মারীভয় উপস্থিত হওয়াতে, বিশ্ববিদ্যালয়ের সমুদায় ছাত্রকে স্থান ত্যাগ করিতে হইয়াছিল। নিউটনও ঐ সময়ে আত্মরক্ষার্থে আপন আলয়ে পলায়ন করিলেন। তথায় পুস্তকালয়ের অসম্ভাব প্রযুক্ত ইচ্ছামূরূপ পুস্তক পাঠ করিতে পাইতেন না; এবং পণ্ডিতবর্গের অসমিধান প্রযুক্ত শাস্ত্রীয় আলোচনার সুযোগ ছিল না। তথাপি তিনি ঐ সময়ে গুরুত্বের নিয়ম অর্থাৎ বস্তুমাত্রের ভূতলা-তিমুখে পাতপ্রবণতার বিষয় প্রথম প্রকাশ করিয়াছিলেন। উক্ত মহত্তর আবিষ্কার দ্বারা নিউটনের এই অনধ্যায় বৎসর সকল তাঁহার জীবনের গ্লান্যভাগ, ও বিজ্ঞানশাস্ত্রীয় ইতিবৃত্তের ও চিরস্মরণীয় ভাগ, বলিয়া পরিগণিত হইয়াছে।

এক দিবস তিনি উপবন-মধ্যে উপবিষ্ট হইয়া আছেন; এমত সময়ে দৈবযোগে তাঁহার সম্মুখবর্তি আতাবৃক্ষ হইতে এক ফল পতিত হইল। তদর্শনে তিনি তৎক্ষণাৎ বস্তুমাত্রের পতননিয়ামক সাধারণ কারণ বিষয়ক পর্যালোচনায় প্রবৃত্ত হইলেন। অনন্তর এই বিষয় পুনর্বার আলোচনা করিয়া স্থির করিলেন, যে কারণহুসারে আতা ভূতলে পতিত হইল সেই কারণেই চন্দ্র ও গ্রহমণ্ডলী

স্ব স্ব কক্ষে ব্যবস্থাপিত আছে এবং তাহাই পরমাস্তিত শক্তি সহকারে অতি সহজে সমুদায় জ্যোতিষ্কমণ্ডলীর গতি নিয়মিত করিতেছে। এইরূপে গুরুত্বের নিয়ম প্রকাশিত হইল। এই নিয়মের জ্ঞান দ্বারা জ্যোতির্বিদ্যার অপেক্ষাকৃত অনেক ত্রীবৃদ্ধি হইয়াছে।

নিউটন, ১৬৬৭ খৃঃ অব্দে, কেম্ব্রিজ প্রত্যাগমন করিয়া ত্রিনীতি বিদ্যালয়ের ছাত্রবৃত্তি প্রাপ্ত হইলেন। দুই বৎসর পরে, তাঁহার বন্ধু ডাক্তার বারো গণিত শাস্ত্রের অধ্যাপক পদ পরিত্যাগ করিলে, তিনি তাহাতে নিযুক্ত হইলেন। তিনি দৃষ্টিবিজ্ঞান বিষয়ে যে সকল অভিনব মহত্তর নিয়ম প্রকাশ করিয়াছিলেন প্রথমতঃ কিছুকাল তদ্বিষয়েই অধিকাংশ উপদেশ প্রদান করেন। আলোক ও বর্ণ বিষয়ে সম্পূর্ণ জ্ঞান থাকাতে আপনার নূতন মত এমত পরিষ্কার রূপে বুঝাইয়া দিলেন যে শ্রোতৃবর্গেরা সন্দেহ চিত্তে ভূরি ভূরি প্রশংসা করিয়াছিলেন।

১৬৭৯ খৃঃ অব্দে রএল সোসাইটি(৭) নামক রাজকীয় সমাজের ফেলো অর্থাৎ সহযোগী হইলেন। কিন্তু প্রসিদ্ধ

(৭) ইংলণ্ডের অধীশ্বর দ্বিতীয় চার্লস পদার্থবিদ্যার উন্নতি নিমিত্ত সপ্তদশশতাব্দীতে ইংলণ্ডের রাজধানী লণ্ডন নগরে এই সমাজ স্থাপন করেন। এই সমাজের লোকদিগকে ফেলো বলে। ইহার অসাধারণ বিদ্যাসম্পন্ন হইলে তাঁহারাই এই সমাজের ফেলো হইতে পারেন। সমুদায়ে সমাজের ফেলো একশ জন। তন্মধ্যে এক জন সভাপতি, এক জন সহকারি সভাপতি, এক জন ধনাধ্যক্ষ, এবং দুই জন সম্পাদক। এই রাজকীয় সমাজ দ্বারা পদার্থবিদ্যা সংক্রান্ত নানা বিষয়ে অশেষবিধ মহোপকার জন্মিয়াছে।

আছে অন্যান্য সহযোগির ন্যায় সতীর ব্যয় নির্বাহার্থে প্রতি সপ্তাহে রীতিমত এক এক সিলিং দিতে অসমর্থ হওয়াতে তাঁহাকে অগত্যা অদানের অল্পমতি প্রার্থনা করিতে হইয়াছিল। যেহেতু তৎকালে বিদ্যালয়ের বৃত্তি ও অধ্যাপকতার বেতন এতদ্ব্যতিরিক্ত তাঁহার আর কোন প্রকার অর্থাগম ছিল না। আর ঠৈপতুক বিষয় হইতে যে কিছু কিছু উৎপন্ন হইত তাহা তাঁহার জননী ও অন্যান্য পরিবারের প্রাসাঙ্গিকাদিনেই পর্যাবসিত হইত। তাঁহার ভোগভুক্ষা এত অল্প ছিল যে আরশ্যক পুস্তকের ও বৈজ্ঞানিক যন্ত্রের ক্রয় এবং অন্যের দারিদ্র-দুঃখ বিমোচন এই উভয় সম্পন্ন হইলেই সন্তুষ্ট হইতেন। এতদ্ব্যতিরিক্ত বিষয়ে অর্থাভাব জন্য ক্ষুণ্ণমনা হইতেন না।

১৬৮৩ খৃঃ অব্দে তিনি প্রিন্সিপিয়া নামক অতি প্রধান গ্রন্থ রচনা করেন। ঐ পুস্তকে গণিত শাস্ত্রানুসারে পদার্থবিদ্যার মীমাংসা করা হইয়াছে। ১৬৮৮ খৃঃ অব্দে যখন রাজবিপ্লব ঘটে কেম্ব্রিজ বিশ্ববিদ্যালয়ের প্রতি রুপ হইয়া প্যার্লিমেণ্ট (৮) নামক সমাজে উপস্থিত হই-

(৮) ইংলণ্ডের রাজকার্য্য কেবল রাজার ইচ্ছানুসারে সম্পন্ন হয় না। রাজা এই সমাজের মজানুসারে যাবতীয় রাজকার্য্য নির্বাহ করিয়া থাকেন। এই সমাজ দুই শ্রেণীতে বিভক্ত। এক শ্রেণীতে দেশের কতক গুলি সম্ভ্রান্ত লোক থাকেন। দ্বিতীয় শ্রেণীতে সামান্য লোকেরা। এক এক প্রদেশের সামান্য লোকেরা আপনাদিগের এক এক জন প্রতিনিধি প্রেরণ করেন। ইংলণ্ডের যাবতীয় বিশ্ববিদ্যালয় হইতেও এই সমাজে এক এক জন প্রতিনিধি প্রেরিত হইয়া থাকেন। সম্ভ্রান্ত লোকেরা এবং

বার নিমিত্ত সকলে তাঁহাকে মনোনীত করিয়াছিল; এবং ১৭০১ খৃঃ অব্দেও ঐ মর্যাদার পদ পুনরার প্রাপ্ত হইয়া ছিলেন। যে সকল ব্যক্তির যথার্থ উপকার ও পুরস্কার করিবার ক্ষমতা ছিল; নিউটনের অসাধারণ গুণ তাঁহাদের গোচর হওয়াতে তিনি তদীয় আনুকূল্য বলে টাকশালের অধ্যক্ষের পদে নিযুক্ত হইলেন। স্তম্ভাহুস্তম্ভ অল্পসম্মান বিষয়ে অত্যন্ত সহিষ্ণুতা ও সবিশেষ নৈপুণ্য থাকাতে তিনিই সর্বাধিক উপকার প্রদানের উপযুক্ত ছিলেন। নিউটন মৃত্যুকাল পর্যন্ত ঐ কার্য্য সম্পাদন করিয়া সর্বত্র স্তম্ভাতি প্রাপ্ত হইয়াছিলেন।

অতঃপর নিউটন বহুতর প্রশংসা ও পুরস্কার প্রাপ্ত হইতে লাগিলেন। লিবনিজ নামক এক জন প্রসিদ্ধ পণ্ডিত নিউটনের নবনব আবিষ্কৃত্যনিবন্ধন অসাধারণ সম্মান দর্শনে ঈর্ষাপরবশ হইয়া তদ্বিলোপবাসনায় তাঁহার নিকট এক প্রশ্ন প্রেরণ করেন। তিনি মনে মনে সিদ্ধান্ত করিয়াছিলেন নিউটন কোন রূপেই ইহার সমাধান করিতে পারিবেন না তাহা হইলেই আমার প্রাধান্য প্রতিষ্ঠিত হইবেক। নিউটন টাকশালের সমস্ত দিনের পরিশ্রমের পর সায়াঙ্কে ঐ প্রশ্ন পাইলেন এবং শয়নের পূর্বেই তাহার সমাধান করিয়া রাখিলেন। তৎপরে

সামান্য লোকদিগের এবং বিশ্ববিদ্যালয়ের নিয়োজিত প্রতিনিধিরা রাজকীয় আদেশানুসারে সময়ে সময়ে এই সমাজে সমাগত হইয়া রাজ্যকার্য্য চিন্তা করিয়া থাকেন। ইহারা যে নিয়ম নির্দ্ধারিত করেন রাজার সম্মতি হইলেই সমুদায় রাজ্য মধ্যে সেই নিয়ম প্রচলিত হয়।

আর কোন ব্যক্তিই কখন নিউটনের কীর্তিবিলোপের চেষ্টা করে নাই। ১৭০৫ খৃঃ অকে ইংলণ্ডেশ্বরী এন, নিউটনের মানবন্ধনার্থে, তাঁহাকে নাইট(৯) উপাধি প্রদান করেন।

নিউটন উদারস্বভাবতা প্রযুক্ত সামান্য সামান্য লৌকিক ব্যাপারেও বিশেষ অবহিত ছিলেন। সর্বদা আত্মীয়গণের সহিত সাক্ষাৎ করিতে যাইতেন এবং তাঁহারাও সাক্ষাৎ করিতে আসিলে সমুচিত সমাদর করিতেন। কথোপকথন কালে আত্মপ্রাধান্য প্রত্যাশন করিতেন না। তিনি স্বভাবতঃ স্নেহী, সরল ও প্রফুল্লচিত্ত ছিলেন। এই নিমিত্ত সকল ব্যক্তিই তাঁহার সহবাস বাসনা করিত। লোকের সর্বদা যাতায়াত দ্বারা মহাই সময়ের অপব্যয় হইলেও তিনি কিঞ্চিৎকাল বিরক্তভাব প্রকাশ করিতেন না। কিন্তু প্রত্যুষে গাত্রোথানের নিয়ম এবং বিশেষ বিশেষ কার্যে বিশেষ বিশেষ সময় নিরূপিত

(৯) বহুকাল পূর্বে, ইয়ুরোপে যে সকল ব্যক্তির কোন মৈনামংক্রান্ত পদে অধিকৃত হইত, তাহাদিগকে নাইট বলিত। যাহারা প্রধানবংশজাত ও ঐশ্বর্যশালী লোকের সন্তান, তাহারা নাইট হইত। এই নিমিত্ত উহা এক্ষণে সন্তান ও মর্যাদাসূচক উপাধি হইয়া উঠিয়াছে। যাহারা অসাধারণ গুণসম্পন্ন অথবা ক্রমতাপন্ন হইতেন, তাহারা অধুনা রাজপ্রসাদে এই মর্যাদার উপাধি পাইয়া থাকেন। এই উপাধি প্রাপ্ত ব্যক্তির আনুষঙ্গিক সর এই উপাধিও প্রাপ্ত হইতেন। এই উপাধি নাইট দিগের নামের পূর্বে ব্যবহৃত হইয়া থাকে। যথা, সর আইজাক নিউটন, সর উইলিয়ম হর্শেল, সর উইলিয়ম জোনস ইত্যাদি।

থাকাতে, অধ্যয়ন ও গ্রন্থ রচনার নিমিত্ত সময়ান্তরানিবন্ধন কোন ক্ষোভ থাকিত না। তিনি অবসর পাইলেই হস্তে লেখনী ও সম্মুখে পুস্তক লইয়া বসিতেন।

নিউটন অত্যন্ত দয়ালু ও দানশীল ছিলেন এবং কহিতেন যাহারা জীবদশায় দান না করে তাহাদের দান দানই নয়। অত্যন্ত বৃদ্ধ বয়সেও তদীয় অদ্ভুত শীশক্তির কিঞ্চিৎকাল বৈলক্ষণ্য জন্মে নাই। আর আহারনিয়ম, মার্ককালিক প্রফুল্লচিত্ততা ও স্বাভাবিক শরীরপটুতা প্রযুক্ত জরা তাঁহাকে পরাভূত করিতে পারে নাই। তিনি নাতিদীর্ঘ, নাতিখর্ব, কিঞ্চিৎ স্থূলকায় ছিলেন। তাঁহার নয়নে সজীবতা, তীক্ষ্ণতা ও বুদ্ধিমত্তা স্পষ্ট প্রকাশ পাইত। দেখিলেই তাঁহার আকর্ষণশক্তি ও দয়ালুতাতে পরিপূর্ণ বোধ হইত। অস্তিমক্ষণ পর্যন্ত তাঁহার দর্শনশক্তি অব্যাহত ছিল। কেশ সকল শেষবয়সে তুষারের ন্যায় শুভ্র হইয়াছিল। চরম দশাতে তাঁহার অত্যন্ত অসহ্য দৈহিক যাতনা ঘটে। কিন্তু তিনি স্বভাবসিদ্ধ সহিষ্ণুতা প্রভাবে তাহাতে নিভান্ত কাতর হইতেন নাই। অনন্তর ১৭২৭ খৃঃ অক্টোবর ২০এ মার্চ চতুরশীতি বর্ষ বয়ঃক্রম কালে কলেবর পরিত্যাগ করিলেন।

নিউটনের চরিত্র সাধারণ লোকের চরিত্রের ন্যায় নহে। উহা এমত সুন্দর যে চরিত্রাখ্যায়ক ব্যক্তি লিখিতে লিখিতে পরম পরিতোষ প্রাপ্ত হয়। এবং যে উপায়ে তিনি মনুষ্য মণ্ডলী মধ্যে অবিসম্বাদিত প্রাধান্য প্রাপ্ত হইয়াছিলেন তাহা পর্য্যালোচনা করিলে মহোপকার ও মহার্থলাভ হইতে পারে। নিউটন অত্যুৎকৃষ্ট বুদ্ধিশক্তি

সম্পন্ন ছিলেন কিন্তু তদপেক্ষায় স্থানবুদ্ধিরাও তদীয় জীবনবৃত্তপাঠে পদে পদে উপদেশ লাভ করিতে পারে। তিনি অলৌকিক বুদ্ধি শক্তি প্রভাবে গ্রহণের গতি, ধুমকেতুদিগের কক্ষ, সমুদ্রের জলোচ্ছ্বাস এই সকল বিষয়ের গীমাংসা করিয়াছেন। নিউটন আলোক ও বর্ণ এই উভয় পদার্থের স্বরূপ নির্ণয় করিয়াছেন। তাঁহার পূর্বে এই বিষয় কোন ব্যক্তির মনেও উদয় হয় নাই। তিনি সাতিশয় পরিশ্রম ও দক্ষতা সহকারে অদ্ভুত বিশ্ব-রচনার যথার্থ তাৎপর্য ব্যাখ্যা করিয়াছেন; আর তাঁহার সমুদায় গবেষণা দ্বারাই সৃষ্টিকর্তার মহিমা, প্রজ্ঞা ও অল্পকল্পা প্রকাশ পাইয়াছে।

এইরূপ লোকান্তর বুদ্ধি রিচ্যাসম্পন্ন হইয়াও তিনি স্বভাবতঃ এমত বিনীত ছিলেন যে আপন বিদ্যার কিঞ্চিৎ মাত্র অভিমান করিতেন না। তাঁহার এই এক সুপ্রসিদ্ধ কথা ধরাতলে জাগরুক আছে যে আমি বালকের ন্যায় বেলাভূমি হইতে উপল খণ্ড সঞ্চলন করিতেছি; কিন্তু জ্ঞান মহাশিব পুরোভাগে অক্ষুণ্ণ রহিয়াছে।

কোপার্নিকসের সময়াবধি টাইকো ব্রেহি, কেপ্লর, হিগিন্স, নিউটন, হেলি, ডিলাইল, লেলঙ ও অন্যান্য সুপ্রসিদ্ধ জ্যোতির্বিদবর্গের প্রযত্ন ও পরিশ্রম দ্বারা জ্যোতির্বিদ্যার ক্রমে ক্রমে উন্নতি হইয়া আসিতেছিল। পরে যে চিরস্মরণীয় মহাহুঁতাবের আবিষ্কার দ্বারা উক্ত বিদ্যার এককালে ভূয়সী শ্রীবৃদ্ধি হয় এক্ষণে আমরা তদীয় জীবন-বৃত্ত লিখিতে প্রবৃত্ত হইতেছি।

উইলিয়ম হর্শেল ১৭৩৮ খৃঃ অব্দের ১৫ই নবেম্বর হানোবরে জন্মগ্রহণ করেন। তাঁহার চারি সহোদর; ভ্রমধ্যে তিনি দ্বিতীয় ছিলেন। তাঁহার পিতা তুর্য্যাজীব ব্যবসায় দ্বারা জীবিকা নির্বাহ করিতেন। স্ত্রীবাং তাঁহার চারি সহোদরে উত্তরকালে ঐ ব্যবসায়ে ব্রতী হইবার নিমিত্ত তাহাই শিক্ষা করেন। হর্শেলের অল্প বয়সেই বিদ্যালয়শীলন বিষয়ে সর্বিশেষ অসুস্থতা প্রকাশ হওয়াতে, পিতা তাঁহাকে শিক্ষা দিবার নিমিত্ত এক শিক্ষক নিযুক্ত করেন। তিনি তাঁহার নিকট ন্যায়, নীতি ও মনোবিজ্ঞান বিষয়ক প্রথম পাঠ্য গ্রন্থ সকল অধ্যয়ন করিয়া উক্ত দুইবিদ্যাক্রমে এক প্রকার ব্যুৎপন্ন হইয়া উঠিলেন।

কিন্তু পিতা মাতার অসঙ্গতি ও অন্যান্য কতিপয় প্রতিবন্ধক প্রযুক্ত দ্বারা তাঁহার বিদ্যালয়শীলনের ব্যাঘাত জন্মিল। তৎপরে চতুর্দশ বর্ষ বয়ঃক্রম কালে এক সৈনিক দলসংক্রান্ত বাদ্যকর সম্প্রদায়ে নিয়োজিত হইলেন; এবং ১৭৫৭, অথবা ১৭৫৯, খৃঃ অব্দে ঐ সৈনিক দল সম্ভিব্যাহারে ইংলণ্ড যাত্রা করিলেন। তাঁহার পিতাও সেই সঙ্গে ইংলণ্ড গমন করিয়াছিলেন; পরে কতিপয় মাসান্তে স্বদেশ প্রত্যাগমন করেন। কিন্তু হর্শেল, ইংলণ্ডে থাকিয়া ভাগ্য পরীক্ষা করিয়া দেখিবার নিমিত্ত, পিতার সম্মতি লইয়া তথায় অবস্থিতি করিলেন। এইরূপ অনেকাধিক ধীসমৃদ্ধ বৈদেশিকেরা স্বদেশ পরিত্যাগ পূর্বক ইংলণ্ডে বাস্তু্য করিয়া থাকেন।

হর্শেল কোন সময়ে ও কি প্রকারে উক্ত সৈনিক দল সংক্রান্ত সম্প্রদায় পরিত্যাগ করেন আমরা তাহা অবগত নহি। কিন্তু তাঁহাকে যে প্রথমতঃ কিয়ৎ কাল দুঃসহ ক্লেশ পরস্পরায় কালযাপন করিতে হইয়াছিল, এবং ইঙ্গরেজী ভাষার বিশিষ্টরূপ জ্ঞান না থাকাতে যে অত্যন্ত বিরক্ত হইতে হইয়াছিল, তাহার সন্দেহ নাই। পরিশেষে সৌভাগ্যক্রমে অরল আর্ভালিঙটনের অল্পগ্রহোদয় হওয়াতে তিনি তাঁহাকে এক সৈনিক বাদ্যকর সম্প্রদায়ের অধ্যক্ষতা ও উপদেশকতা কার্যে নিযুক্ত করিলেন। পরে এই কর্ম সমাধান করিয়া ইয়র্কসরে তুর্যাচার্যের কার্যে নিযুক্ত হইয়া কতিপয় বৎসর অতিবাহন করিলেন। তিনি প্রধান প্রধান নগরে শিষ্যদিগকে উপদেশ দিতেন; এবং দেবালয়সম্পর্কীয় তুর্যাজীব সম্প্রদায়ের অধ্যক্ষের

প্রতিনিধি হইয়া তদীয় কার্য নিরূহ করেন। এই কর্মে জর্মন জাতীয়েরা বিশেষ নিপুণ; যেহেতু তাঁহারা তুর্যা বিদ্যায় বিশেষ অহুরক্ত।

হর্শেল এবিধ অনিন্দিত পথ অবলম্বন করিয়া অম চিন্তায় একান্ত ব্যাসক্ত হইয়াও আর আর চিন্তা এক বারেই পরিত্যাগ করেন নাই। বিষয় কর্মে অবসর পাইলেই, তিনি একচিত্ত হইয়া, আগ্রহাতিশয় সহকারে, ইঙ্গরেজী ও ইটালিক ভাষার অহুশীলন এবং বিনা সাহায্যে লাটিন ও গ্রীক ভাষা অভ্যাস করিতেন। তৎকালে তিনি এই মুখ্য ভূমিপ্রায়েই উক্ত সমস্ত বিদ্যার অহুশীলন করিতেন যে উহা নিজ ব্যবসায়িকী বিদ্যার আলোচনা বিষয়ে বিশেষ উপযোগিনী হইবেক; এবং উক্তর কালেও, এই উদ্দেশ্যেই, ডাক্তর রবট স্মিথ স্মৃতিত তুর্যাবিষয়ক গ্রন্থ অধ্যয়ন করেন, সন্দেহ নাই। তৎকালে ইঙ্গরেজী ভাষাতে তুর্যা বিদ্যা বিষয়ে বহু গ্রন্থ প্রচলিত ছিল ইহা তাহার মধ্যে এক অতি উৎকৃষ্ট গ্রন্থ।

কিন্তু এই পুস্তকের অহুশীলন অনতিবিলম্বে তাঁহার বর্তমান ব্যবসায় পরিত্যাগের এবং ব্যবসায়ান্তরাবলম্বনের কারণ হইয়া উঠিল। তিনি দ্বারায় বুঝিতে পারিলেন গণিত বিদ্যায় ব্যুৎপন্ন না হইলে ডাক্তর স্মিথের গ্রন্থের অহুশীলনে বিশেষ উপকার দর্শিবেক না। অতএব স্বীয় স্বভাবসিদ্ধ অহুরাগ ও অধ্যবসায় সহকারে এই নূতন বিদ্যার অহুশীলনে নিবিষ্টমনা হইলেন; এবং অল্প দিনের মধ্যেই তাহাতে এমত আসক্ত হইয়া উঠিলেন যে অবসর পাইলে অন্যান্য যে যে বিষয়ের আলোচনা

করিতেন সে সমুদায় এই অল্পরোধে এক বারেই পরিত্যক্ত হইল।

ইতিপূর্বে হর্শেল বেটস নামক এক ব্যক্তির নিকট বিশিষ্টরূপ পরিচিত হইয়াছিলেন। এক্ষণে তাঁহার প্রযত্নে ও আত্মকূল্যে ১৭৬৫ খৃঃ অব্দের শেষ ভাগে হালিফাক্সের দেবালয়ে তুর্য্যাজীবের পদে নিযুক্ত হইলেন। পর বৎসর সামান্য রূপ তুর্য্য কর্মের অল্পরোধে জ্যেষ্ঠ সহোদরের সহিত বাথ নামক নগরে গমন করেন। তথায় অসাধারণ নৈপুণ্য প্রকাশ দ্বারা শুক্রযুগিকে পরম পরিতোষ প্রদান করিতে, সেই নগরে এক দেবালয়ে তুর্য্যাজীবের পদ প্রাপ্ত হইলেন। অতএব তদবধি সেই স্থানে গিয়া অবস্থিতি করিলেন।

তিনি এক্ষণে যে পদে নিযুক্ত হইলেন তাহা নিতান্ত সামান্য নহে। এতদ্ব্যতিরিক্ত রঙ্গভূমি ও অন্যান্য স্থানে তুর্য্যপ্রয়োগ এবং শিষ্যমণ্ডলী শিক্ষা প্রদানের উত্তম রূপ অবকাশ ও সুযোগ ছিল। অতএব অর্থোপার্জন যদি তাঁহার মুখ্য অভিপ্রায় হইত তাহা হইলে তিনি অবলম্বিত ব্যবসায় দ্বারা বিলক্ষণ সঙ্গতি করিতে পারিতেন। এইরূপ কর্মের বাহুল্য হইলেও, বিদ্যালুশীলন বিষয়ে তাঁহার যে গাঢ়তর অল্পবাগ ছিল, তাহার কিঞ্চিদ্রব্যও ব্যতিক্রম হইল না। প্রত্যহ তুর্য্য বিষয়ে ক্রমাগত দ্বাদশ অথবা চতুর্দশ হোরা পরিশ্রম করিয়া অত্যন্ত ক্লান্ত হইতেন; কিন্তু তৎপরে এক মুহূর্তও বিশ্রাম না করিয়া পুনর্বার বিশুদ্ধ ও বিমিশ্র গণিত বিদ্যার অলুশীলন আরম্ভ করিতেন।

এইরূপে ক্রমে ক্রমে রেখাগণিতে ব্যাপন হইয়া উঠিলেন এবং তখন আপনাকে পদার্থবিদ্যার অলুশীলনে সমর্থ জ্ঞান করিলেন। পদার্থবিদ্যার নানা শাখার মধ্যে জ্যোতিষ ও দৃষ্টিবিজ্ঞান এই দুই বিষয়ে তাঁহার সবিশেষ অল্পবাগ জন্মে। ঐ সময়ে জ্যোতিষসংক্রান্ত কতিপয় অভিনব আবিষ্কৃত্য দর্শনে তাঁহার অন্তঃকরণে অত্যন্ত কোতূহল উদ্ভূত হইল। তদনুসারে তিনি অবকাশ কালে উক্ত বিদ্যা বিষয়ক গবেষণাতে মনোনিবেশ করিলেন।

গ্রহমণ্ডলীবিষয়ক যে যে অন্তত ব্যাপার পুস্তকে পাঠ করিয়াছিলেন, সে সমস্ত স্বয়ং পর্যবেক্ষণ করিবার নিমিত্ত, কোন প্রতিবেশবাসির সন্নিধান হইতে, একটা দ্বিপাদপ্রমিত দূরবীক্ষণ চাহিয়া আনিলেন। তদর্শনে অপরিণীত হর্ব প্রাপ্ত হইয়া, ক্রয় করিবার বাসনায়, অবিলম্বে, ইংলণ্ডের রাজধানী লণ্ডন নগর হইতে, তদপেক্ষায় অনেক বড় একটা আনাইবার উদ্যোগ করিলেন। কিন্তু তিনি যত অল্পমান করিয়াছিলেন ও তাঁহার যত দিবার সঙ্গতি ছিল তাহার মূল্য তদপেক্ষায় সমধিক হইবাত্তে ক্রয় করিতে পারিলেন না; সুতরাং যৎপরোনাস্তি ক্ষোভ পাইলেন। ক্ষোভ পাইলেন বটে কিন্তু ভগ্নোৎসাহ হইলেন না—তৎক্ষণাৎ সেই অক্রেয় দূরবীক্ষণের তুল্যবল দূরবীক্ষণান্তর নির্মাণ স্বহস্তেই আরম্ভ করিলেন। এই বিষয়ে বারম্বার বিফল প্রযত্ন হইয়াও তিনি পরিশেষে চরিতার্থতা লাভ করিলেন। প্রযত্ন বৈফল্য দ্বারা তাঁহার উৎসাহের উত্তেজনাই হইত।

যে পথে হর্শেলের প্রতিভা দেদীপ্যমান হইবেক, এক্ষণে তিনি সেই পথের পথিক হইলেন। ১৭৭৪ খৃঃ অব্দে তিনি স্বহস্তনির্মিত প্রাতিফলিক পাঞ্চপাদিক দূরবীক্ষণ দ্বারা শটনশ্চর গ্রহ নিরীক্ষণ করিয়া অনির্কচনী আনন্দ প্রাপ্ত হইলেন। দূরবীক্ষণ নির্মাণ ও জ্যোতিষসংক্রান্ত আবিষ্কৃত বিষয়ে যে এতাবতী সাধী-য়সী সিদ্ধিপরাপরা ঘটয়াছে এই তার সূত্রপাত হইল। হর্শেল অতঃপর, বিদ্যালয়শীলন বিষয়ে পূর্বাপেক্ষায় অধিকতর অল্পরাগসম্পন্ন হইয়া, সমধিক সময় লাভ বাসনায়, অর্থলাভপ্রতিরোধ স্বীকার করিয়াও, স্বীয় ব্যবসায়িক কর্ম ও শিষ্যসংখ্যার জন্যে ক্রমে সঙ্কোচ করিতে লাগিলেন; এবং সর্ব প্রথম যাদুশ যন্ত্র নির্মাণ করিয়াছিলেন, অবকাশ কালে ব্যাপারান্তরবিহিত হইয়া, তদপেক্ষায় অধিকশক্তিক যন্ত্রনির্মাণে ব্যাপৃত রহিলেন। এইরূপে অচির কালের মধ্যেই সপ্ত, দশ ও বিংশতি পাদ আধিশ্রয়ণিক ব্যবধি বিশিষ্ট কতিপয় দূরবীক্ষণ নির্মিত হইল।

এই সকল যন্ত্রের মুকুর নির্মাণে তিনি অক্লিষ্ট অধ্যবসায় প্রদর্শন করিয়াছেন। সাপ্তপাদিক দূরবীক্ষণের জন্যে মনোমত একখানি মুকুর প্রস্তুত করিবার নিমিত্ত, তিনি ক্রমে ক্রমে অন্যান্য দুই শত খান গঠন ও একে একে তৎপরীক্ষণ অবিরন্ত চিতে করিয়াছিলেন। যখন তিনি মুকুর নির্মাণে বসিতেন ক্রমাগত দ্বাদশ চতুর্দশ হোরা পরিশ্রম করিতেন, মধ্যে এক মুকুর্তের নিমিত্তেও বিরত হইতেন না। অন্য কথা দূরে থাকুক

আহারাহ্নরোধেও প্রারম্ভ কর্ম হইতে হস্তোত্তোলন করিতেন না। 'ঐ কালে তাঁহার সহোদরা যৎকিঞ্চিৎ যাহা মুখে তুলিয়া দিতেন তন্মাত্রই আহার হইত। তিনি এই আশঙ্কা করিতেন যে কর্ম আরম্ভ করিয়া মধ্যে মধ্যে মাত্রও ভঙ্গ দিলে সম্যক সমাধানের ব্যতিক্রম ঘটিতে পারে। তিনি মুকুর নির্মাণ বিষয়ে প্রচলিত নিয়মের নিতান্ত অল্পবর্তী না হইয়া স্বীয় বুদ্ধিকৌশলেই অধিকাংশ সম্পাদন করিতেন।

হর্শেল ১৭৮১ খৃঃ অব্দের ১৩ই মার্চ যে নূতন গ্রহের আবিষ্কৃত্য করেন বোধ হয় সর্বাপেক্ষা তন্মাত্রাই লোকসমাজে সমধিক বিখ্যাত হইয়াছেন। তিনি ক্রমাগত প্রায় দেড় বৎসর রীতিমত নভোমণ্ডলের পর্যবেক্ষণে ব্যাপৃত ছিলেন। দৈনন্দিন্যে উল্লিখিত দিবসের সায়ং সময়ে সেই স্বহস্তনির্মিত অত্যুৎকৃষ্ট সাপ্তপাদিক প্রাতিফলিক দূরবীক্ষণ নভোমণ্ডলদেশে প্রয়োগ করিয়া এক নক্ষত্র দেখিতে পাইলেন। বোধ হইল, তৎসম্বন্ধিত সমুদায় নক্ষত্র অপেক্ষা তাহার প্রভা স্থিরতর। উক্ত হেতু প্রযুক্ত, ও তদীয় আকারগত অন্যান্য বৈলক্ষণ্য দর্শনে, সংশয়ান হইয়া তদ্বিষয়ে সর্বেশেষ অভিনিবেশ পূর্বক পর্যবেক্ষণ আরম্ভ করিলেন। কতিপয় হোরার পর পুনর্বার পর্যবেক্ষণ করিতে, উহা স্থান পরিভ্রাণ করিয়াছে ইহা স্পষ্ট অনুভব করিয়া, তিনি সাতিশয় বিস্ময়াবিষ্ট হইলেন। পর দিন এই বিষয়ে অনেক সন্দেহ দূর হইল। প্রথমতঃ তাঁহার অন্তঃকরণে এই সংশয় উপস্থিত হইয়াছিল যে পূর্ব পূর্ব বারে যাহা

দেখিয়াছি ইহা সেই নক্ষত্র কি না। কিন্তু ক্রমাগত আর কয়েক দিবস পর্য্যবেক্ষণ করিতে উদ্দিষয়ক সমুদায় দৈর্ঘ্য অন্তর্হিত হইল।

অনন্তর এই সমুদায় ব্যাপার রাজকীয় জ্যোতির্বিদ ডাক্তর মাস্কিলিনের গোচর করিলেন। তিনি আদ্যোপান্ত বিবেচনা করিয়া এই সিদ্ধান্ত করিলেন ইহা নূতন ধূমকেতু না হইয়া যায় না। কিন্তু আর কয়েক মাস ক্রমিক পর্য্যবেক্ষণ করিতে এই ভ্রান্তি নিরাকৃত হইল। এবং তখন স্পষ্ট বোধ হইল যে ইহা এক অনাবিকৃত-পূর্ব নূতন গ্রহ, ধূমকেতু নহে। আমাদের অধিষ্ঠানভূতা পৃথিবী যে সৌর জগতের অন্তর্গত এই নূতন গ্রহও তদন্ত-কর্ত্তি (১০)। তৎকালে তৃতীয় জর্জ ইংলণ্ডের অধীশ্বর ছিলেন। হর্শেল তাঁহার সর্বাঙ্গা নিমিত্ত তদীয় নামাঙ্ক-

(১০) সূর্যাসিদ্ধান্ত প্রভৃতির মতে পৃথিবী স্থিরা আর সূর্য, চন্দ্র, মঙ্গল, বুধ প্রভৃতি গ্রহগণ তাহার চতুর্দিকে পরিভ্রমণ করে। কিন্তু অধুনাতন ইয়ুরোপীয় পণ্ডিতেরা যে অখণ্ডনীয় অভ্রান্ত সিদ্ধান্ত করিয়াছেন, তাহা পুরোক্ত মতের নিতান্ত বিপরীত। তাঁহাদের মতে সূর্য সর্বকালের কেন্দ্র অর্থাৎ মধ্যবর্তী, আর গ্রহগণ তাহার চতুর্দিকে পরিভ্রমণ করে। সূর্য গ্রহমধ্যে পরিগণিত নহে; যাহারা সূর্যের চতুর্দিকে পরিভ্রমণ করে, তাহারাই গ্রহ। পৃথিবীও বুধ স্তর প্রভৃতি গ্রহের ন্যায় যথা নিয়মে সূর্যের চতুর্দিকে পরিভ্রমণ করে এই নিমিত্ত উহাও গ্রহ মধ্যে পরিগণিত। আর যাহারা কোন গ্রহের চতুর্দিকে পরিভ্রমণ করে, তাহাদিগকে উপগ্রহ ও সেই সেই গ্রহের পারিপার্শ্বিক বলে। চন্দ্র পৃথিবীর চতুর্দিকে পরিভ্রমণ করে এই নিমিত্ত চন্দ্র স্বতন্ত্র গ্রহ নহে, ইহা এক উপগ্রহ, পৃথিবী গ্রহের পারিপা-

সারে স্বাবিকৃত নক্ষত্রের নাম জর্জিয়ম সাইডস অর্থাৎ জর্জ নক্ষত্র রাখিলেন। কিন্তু ইয়ুরোপের প্রদেশান্তরীয় জ্যোতির্বিদেরা ইহার ইয়ুরেনস এই নাম নির্দেশ করিয়াছেন। আর আবিষ্কার নামানুসারে এই গ্রহকে হর্শেলও বলিয়া থাকে। তদনন্তর হর্শেল ক্রমে ক্রমে স্বাবিকৃত নূতন গ্রহের ছয় পারিপার্শ্বিক অর্থাৎ চন্দ্র প্রকাশ করিলেন।

জর্জিয়ম সাইডসের আবিষ্কৃত্য বাস্তব প্রচার হইলে, হর্শেলের নাম একবারে জগদ্বিখ্যাত হইল। কয়েক মাসের মধ্যেই ইংলণ্ডের এই অভিপ্রায়ে তাঁহার

শ্রীক মাত্র। এক সূর্য ও তাহার চতুর্দিকে পরিভ্রমণকারি ষাট-তীয় গ্রহ, উপগ্রহ ও ধূমকেতু গণ লইয়া এক সৌর জগৎ হয়। সূর্য সর্বকালের কেন্দ্র; আর বুধ, শুক্র, পৃথিবী, মঙ্গল, বেষ্টা, প্লুটো, জুনো, অস্ট্রিয়া, হীবি, আইরিস, ফ্লোরা, ডায়োনা, বৃহস্পতি, শ্বেনকটর, যুরেনস ও নেপচুন এই সপ্তদশ গ্রহ সূর্যের চতুর্দিকে পরিভ্রমণ করে। পৃথিবীর এক মাত্র পারিপার্শ্বিক, বৃহস্পতির চারি, শ্বেনকটরের আট, যুরেনসের ছয়, আর নেপচুনের এপর্য্যন্ত একটা মাত্র বিজাত হইয়াছে। এই সপ্তদশ ভিন্ন আরো অনেক গ্রহ আবিষ্কৃত হইবার সম্ভাবনা আছে। অনুমান হয়, এই সৌর জগতে বহু সইসু ধূমকেতু আছে। গ্রহ উপগ্রহগণ নিজে তেজোময় নহে; তেজোময় সূর্যের আলোকপাত দ্বারা এরূপ প্রতীয়মান হয়। জ্যোতির্বিদেরা ইহা প্রায় এক প্রকার স্থির করিয়াছেন, যে সকল নক্ষত্রের প্রভা চঞ্চল তাহার। এক এক সূর্য, নিজে তেজোময় এবং এক এক জগতের কেন্দ্র। এই অপরিচ্ছিন্ন বিশ্বমধ্যে আমাদের এই সৌর জগতের ন্যায় কত জগৎ আছে, তাহার ইয়ত্তা করা কাহারও সাধ্য নহে।

বার্ষিক ক্রিসমাস মুদ্রা বৃত্তি নির্দ্ধারিত করিয়া দিলেন যে তিনি বাথ নগরীর কর্ম পরিত্যাগ করিয়া নিশ্চিত মনে বিদ্যালয়শীলনে রত থাকিতে পারিবেন। হর্শেল তদনুসারে ঐ কর্ম পরিত্যাগ করিয়া উইগসর সমিহিত স্নো নামক স্থানে অবস্থিতি নিরূপণ করিলেন। অতঃপর তিনি অনন্যকর্মা ও অনন্যমনা হইয়া কেবল পদার্থ বিদ্যার অন্বেষণেই রত হইলেন। বাস্তবিকও, ক্রমাগত দূরবীক্ষণ নির্মাণ ও নভোমণ্ডলী পর্যবেক্ষণ দ্বারাই জীবনের শেষ ভাগ যাপন করিয়াছিলেন।

আমরা পূর্বে যে স্থতন গ্রহের আবিষ্কার নিবেশ করিয়া আসিলাম তদাত্মিক নানাবিধ মহোপকারক অভিনব আবিষ্কার, ও অতিক্রম্য বহুতর নিপুণ প্রগাঢ় কল্পনা, দ্বারা জ্যোতির্বিদ্যার বিশিষ্টরূপ শ্রীবৃদ্ধি সম্পাদন করিয়াছেন। তিনি পূর্ক পূর্ক অপেক্ষায় অধিকায়ত ও অধিকশক্তিক প্রাতিফলিক দূরবীক্ষণ নির্মাণ বিষয়ে অবিরত রত ছিলেন। তন্মিত্ত উক্তবিধ যন্ত্র নির্মাণ বিষয়ে কতিপয় মহোপকারিণী সূধারা প্রদর্শন করেন। তিনি স্নো নামক স্থানে, ইংলণ্ডেশ্বরের নিমিত্ত, চত্বারিংশৎ পাদ দীর্ঘ যে দূরবীক্ষণ প্রস্তুত করেন তাহাই সর্ক্যাপেক্ষায় বৃহৎ। ১৭৮৫ খৃঃ অব্দের শেষে তিনি এই অতি বৃহৎ নল নির্মাণ করিতে আরম্ভ করিয়াছিলেন। পরে, ১৭৮৯, ২৮এ আগষ্ট এক যন্ত্রোপরি সমিবেশিত হইয়া ব্যবহারযোগ্য হইল। ঐ যন্ত্র অতিশয় জটিল বটে কিন্তু প্রগাঢ়তর বুদ্ধি কৌশলে সম্পাদিত। উহা দ্বারা ঐ নলের সঞ্চালনাদি ক্রিয়া নিয়মিত হইত।

শনৈশ্চরের ষষ্ঠ পারিপার্শ্বিক বলিয়া যাহাকে সকলে অস্বীকার করিত সমিবেশ দিবসেই সেই দূরবীক্ষণ দ্বারা তাহা উদ্ভাবিত হইল। কিয়দ্দিনান্তর উক্ত নল দ্বারা শনৈশ্চরের সপ্তম পারিপার্শ্বিকও আবিষ্কৃত হয়। এক্ষণে ঐ নল স্বস্থান হইতে অপসারিত হইয়াছে এবং তৎপরিবর্তে হর্শেলের সুবিখ্যাত পুঞ্জের হস্তবিনির্মিত অত্যুৎকৃষ্ট অন্য এক দূরবীক্ষণ তথায় স্থাপন করা গিয়াছে। ইহা দৈর্ঘ্যে পূর্ক যন্ত্রের অর্ধেকের অধিক নহে।

ইহা নির্দিষ্ট আছে এই প্রধান জ্যোতির্বিদ স্বাভিলাষিত বিদ্যার আলোচনা বিষয়ে এমত অস্বীকার ছিলেন যে অনেক বৎসর পর্যন্ত নক্ষত্রদর্শনযোগ্য কালে কখনই শস্যারূঢ় থাকিতেন না; আর কি শীত কি গ্রীষ্ম, সকল ঋতুতেই নিজ উদ্যানে অনাবৃত প্রদেশে প্রায় একাকী অবস্থিত হইয়া সমুদায় পর্যবেক্ষণ সমাধান করেন। তিনি এই সমস্ত গবেষণা দ্বারা দূরতরবর্তি নক্ষত্রসমূহের তাব অবগত হইয়া তদ্বিষয়ের সবিশেষ বিবরণ স্বাভিপ্রায় সহিত পত্রাক্রুত করিয়া প্রচার করেন।

হর্শেল তৎকালজীবিত অতি প্রধান প্রধান জ্যোতির্জবর্গের মধ্যে গণনীয় হইয়াছিলেন এবং পণ্ডিত সমাজে ও রাজসমিধানে যথেষ্ট মর্যাদা পাইয়াছিলেন। ১৮১৬ খৃঃঅব্দে যুবরাজ চতুর্থ জর্জ তাহাকে নাইটের পদ প্রদান করেন। হর্শেল প্রথমে সেনাসম্পর্কীয় তুর্ধ্য সম্প্রদায় নিযুক্ত এক দরিদ্র বালক মাত্র ছিলেন কিন্তু বহুমঙ্গল-হেতুভূত জ্যোতির্বিদ্যার শ্রীবৃদ্ধি বিষয়ে দীর্ঘকালপর্যন্ত

গরীয়সী আয়াসপরম্পরা স্বীকার করাতে পরিশেষে এই-
রূপে পুরস্কৃত হইলেন। হর্শেল মৃত্যুর কতিপয় বৎসর
পূর্ব পর্যন্তও জ্যোতিষিক পর্যবেক্ষণে ক্ষান্ত হইেন নাই।
অনন্তর ১৮২২ খৃঃ অব্দে আগষ্ট মাসের ত্রয়োবিংশ
দিবসে ত্র্যশীতি বর্ষ বয়ঃক্রম কালে লোকযাত্রা সম্বরণ
করিলেন। তিনি যথেষ্ট বয়স ও যথেষ্ট মান প্রাপ্ত
হইয়া এবং পরিবারের নিমিত্ত অপ্রমিত সম্পত্তি রাখিয়া
তত্ত্ব্যাগ করিয়াছেন। ঐ পরিবার তদীয় অপ্রমিত ধন
সম্পত্তির ন্যায় তদীয় অমৃত ধীসম্পত্তিরও উত্তরাধি-
কারী হইয়াছেন।

গ্রোশাস । (১১)

গ্রোশাস ১৫৮৩ খৃঃ অব্দে হলণ্ডের অন্তঃপাতি ডেল-
ফট নগরে জন্ম গ্রহণ করেন। তিনি ঠৈশব কালেই
অসাধারণ বিদ্যোপার্জন দ্বারা অত্যন্ত খ্যাতিপ্রাপ্ত হইয়া-
ছিলেন। অষ্ট বর্ষ বয়ঃক্রম কালে লাতিন ভাষাতে ক্ষুদ্র
ক্ষুদ্র বাক্য রচনা করেন। চতুর্দশ বৎসরের সময় পণ্ডিত
সমাজে গণিত, ব্যবহারসংহিতা ও দর্শনশাস্ত্রের বিচার
করিতে পারিতেন। ১৫৯৮ খৃঃ অব্দে হলণ্ডের রাজ-
দূত বনিবেল্টের সমভিব্যাহারে পারিস রাজধানী গমন
করেন। তথায় বুদ্ধিনৈপুণ্য ও সুশীলতা দ্বারা ফ্রান্সের
অধিপতি সুপ্রসিদ্ধ চতুর্থ হেনরির নিকট ভূয়সী প্রতিষ্ঠা

(১১) ইহার প্রকৃত নাম ছিলো গুট। গুটশব্দ লাতিন ভাষায়
সাধিত হইলে গ্রোশাস হয়। ইনি গুট অপেক্ষা গ্রোশাস
নামেই বিশেষ প্রসিদ্ধ।

প্রাপ্ত হইলেন, এবং সর্বত্রই অদ্ভুত পদার্থ বলিয়া পরি-
গণিত ও প্রশংসিত হইয়াছিলেন। হাও প্রত্যাগমনের
পর ব্যবহারাজীবের ব্যবসায় অবলম্বন করিলেন এবং
সতর বৎসরের অধিক নয় এমত বয়সে ধর্ম্মাধিকরণে
প্রথম বারেই এমত অসাধারণ রূপে আত্মপক্ষ সমর্থন
করিয়াছিলেন যে তদ্বারা অতিপ্রভূত খ্যাতি ও প্রতি-
প্রতি লাভ করিলেন এবং অল্পকাল মধ্যেই প্রধান ব্যব-
হারাজীবের পদে অধিকৃত হইলেন।

বীরনগরের অধ্যক্ষের মেরি রিজসবর্গ নাম্নী এক
কন্যা ছিল। গ্রোশ্যাস ১৬০৮ খৃঃ অর্কে ঐ কন্যার
পানিগ্রহণ করেন। এই রমণী রমণীয় গুণগ্রাম দ্বারা
গ্রোশ্যাসের যোগ্যা ছিলেন এবং গ্রোশ্যাসের সহধর্ম্মিণী
হওয়াতেই তাঁহার গুণের সমুচিত সমাদর হইয়াছিল।
কি সম্পত্তি কি বিপত্তি সকল সময়েই তাঁহারা পরস্পর
অবিচলিত সন্তাবে ও যৎপরোনাস্তি প্রণয়ে কালযাপন
করিয়াছিলেন। কিঞ্চিৎ পরেই দৃষ্টি হইবেক নির্গৃহীত
স্বামির ক্লেশ শান্তি বিষয়ে ঐ পতিপ্রাণা রমণীর প্রকান্তিক
প্রণয়ের কি পর্য্যন্ত উপযোগিতা হইয়াছিল।

গ্রোশ্যাস অত্যন্ত কুৎসিত সময়ে ভূমণ্ডলে আসিয়া-
ছিলেন। ঐ কালে জনসমাজ ধর্ম্ম ও দণ্ডনীতি বিষয়ক
বিষম বিসম্বাদ দ্বারা সাতিশয় বিসঙ্কুল ছিল। মল্লম্বা
মাত্রেই ধর্ম্মসংক্রান্ত বিবাদে উন্নত এবং তিন্ন তিন্ন
পক্ষের উদ্ধতা ও কলহপ্রিয়তা দ্বারা সৌজন্য ও দয়া
দাক্ষিণ্য একান্ত বিলুপ্ত হইয়াছিল। গ্রোশ্যাস আর্ম্মিনিয়

সম্প্রদায়িক(১২) ও সর্বতন্ত্রপক্ষীয়(১৩) ছিলেন। তিনি
স্বীয় ব্যবসায়িক কার্যোপলক্ষে স্বরায় এমত বিবাদ বাণ্ড-
রাতে পতিত হইলেন যে তাহা হইতে মুক্ত হওয়া অত্যন্ত
দুঃস্ব। তাঁহার তুল্যমতাবলম্বী পূর্বসহায় বনিবেল্ট
অভিদ্রোহাভিযোগে ধর্ম্মাধিকরণে নীত হইলে তিনি
স্বীয় লৈখনী ও আধিপত্য দ্বারা তাঁহার যথোচিত সহা-
য়তা করেন। কিন্তু তাঁহার সমুদায় প্রয়াস বিফল হইল।
১৬১৯ খৃঃ অর্কে বনিবেল্টের প্রাণ দণ্ড হইল এবং
গ্রোশ্যাস দক্ষিণ হলণ্ডের অন্তঃপাতি লোবিফ্টিনের দুর্গ
মধ্যে যাবজ্জীবন কারানিরুদ্ধ হইলেন। এইরূপ দারুণ
অবিচারের পর তাঁহার সর্বস্বও হত হইল।

বিচারারম্ভের পূর্বে গ্রোশ্যাস কোন সাংঘাতিক রোগে
আক্রান্ত হইয়াছিলেন। তৎকালে তাঁহার সহধর্ম্মিণী
তাঁহার সহিত সাক্ষাৎকার করিবার নিমিত্ত সাতিশয়
উৎসুক হইয়াও কোন ক্রমে তাঁহার নিকটে যাইতে
পান নাই। কিন্তু তাঁহার দণ্ড বিধানের পর কারাধিবাস-
সহচরী হইবার প্রার্থনায় ব্যগ্রতা প্রদর্শন পূর্বক আবেদন

(১২) খৃষ্টধর্ম্মাবলম্বিদিগের মধ্যে আর্ম্মিনিয়স নামে এক
বাক্তি এক নূতন সম্প্রদায় প্রবর্ত্তিত করেন। প্রবর্ত্তকের নামা-
নুসারে ইহার নাম আর্ম্মিনিয় সম্প্রদায় হইয়াছে অন্যান্য
সম্প্রদায়ের লোকদিগের সহিত এই নূতন সম্প্রদায়ের অনু-
যয়ি লোকদিগের অত্যন্ত বিরোধ ছিল।

(১৩) যেশ্বনে রাজা নাই, সর্বসাধারণ লোকের মতানুসারে
যাবতীয় রাজকার্য্য নির্বাহ হয় তাহাকে সর্বতন্ত্র বলে। সর্ব
সর্বসাধারণ; তন্ত্র রাজাচিন্তা।

করিয়া তদ্বিষয়ে অল্পমতি প্রাপ্ত হইলেন। গ্রোশ্যাস তাঁহার এইরূপ অনির্কচনীয় অল্পরাগ দর্শনে মুগ্ধ ও প্রীত হইয়া এক স্বরচিত লাতিন কাব্যে তাঁহার ভূয়সী প্রশংসা লিখিয়াছেন এবং তাঁহার সম্মিধানাবস্থানকে কারাবাসরূপ অল্পতমসে স্ব্যাকরোদয় স্বরূপ বর্ণনা করিয়াছেন।

সমুদায় হলণ্ডের লোকেরা গ্রোশ্যাসের গ্রামাচ্ছাদন নির্কাহার্থে অল্পকুল্য করিবার প্রস্তাব করিয়াছিলেন। কিন্তু তাঁহার পত্নী সমুচিত গর্ভ প্রদর্শন পূর্বক উত্তর দিলেন আগার বাহা সংস্থান আছে তদ্বারাই তাঁহার আবশ্যক ব্যয় নির্বাহ করিতে পারিব, অন্যের অল্পকুল্য আবশ্যক নাই। তিনি স্ত্রীজ্ঞাতিসুলভ বৃথা শোক পূর্বশ না হইয়া সাধ্যাভ্যাসারে পতিকে স্বথী ও সন্তুষ্ট করিতে চেষ্টা করিতেন। গ্রোশ্যাসের অধ্যয়নাহুঁরাগও এক বিলক্ষণ বিনোদনোপায় হইয়াছিল। বস্তুতঃ গুণবতীভার্যাসহায় ও প্রশস্তপুস্তকমণ্ডলীপরিবৃত ব্যক্তির সাংসারিক সঙ্কটে বিষয় হইবার বিষয় কি। তথাপি, গ্রোশ্যাস যাবজ্জীবন কারাবাসরূপ দণ্ডে নিগূহীত হইয়াও তথায় অভিন্নত অধ্যয়ন দ্বারা প্রফুল্ল চিত্তে কাল যাপন করিয়াছিলেন।

কিন্তু তাঁহার পত্নী তদীয় উদ্ধার সাধনে একান্ত অধ্যবসায়িনী ছিলেন। যঁহারা অসন্দিগ্ধ চিত্তে তাঁহাকে পতি সমভিব্যাহারে কারাগারে বাস করিবার অল্পমতি দিয়াছিলেন, বোধ হয়, পতিপ্রাণা কামিনীর বুদ্ধিকৌশলে ও উদ্যোগে কি পর্য্যন্ত কার্য সাধন হইতে পারে তাঁহারা

তদ্বিষয়ের বিশেষজ্ঞ ছিলেন না। তিনি এক মুহূর্তের নিমিত্তেও এই অভিলষিত সমাধানের উপায় চিন্তনে বিরত হইয়েন নাই; এবং যদ্বারা এতদ্বিষয়ের অল্পকুল্য হইবার সম্ভাবনা, এতদুশ ব্যাপার উপস্থিত হইলে, তদ্বিষয়ে কোন ক্রমেই উপেক্ষা করিতেন না।

গ্রোশ্যাস সমিহিত নগরবর্ত্তি বন্ধুবর্গের নিকট হইতে পাঠার্থ পুস্তকানয়নের অল্পমতি পাইয়াছিলেন। পাঠসমাপ্তির পর সেই সকল পুস্তক করণ্ডকমধ্যগত করিয়া প্রতিপ্রেত হইত। ঐ সমভিব্যাহারে তাঁহার মলিন বস্ত্র ও ফাল্লনার্থে রজকালয়ে বাইত। প্রথমতঃ রক্ষকেরা তন্ন তন্ন করিয়া ঐ করণ্ডকের বিষয়ে অল্পসন্ধান করিত; কিন্তু কোন বারেই সন্দেহোদ্বোধক বস্ত্র দৃষ্টিগোচর না হওয়ার্তে ক্রমে ক্রমে শিথিলপ্রমত্ত হয়। গ্রোশ্যাসের পত্নী, রক্ষিণের ক্রমে ক্রমে এইরূপ অযত্ন প্রাচুর্য্য দেখিয়া, পতিকে সেই করণ্ডকমধ্যগত করিয়া স্থানান্তরিত করিবার উপায় কল্পনা করিতে লাগিলেন। বায়ু প্রবেশার্থে তাহাতে কতিপয় ছিদ্র প্রস্তুত করিলেন; এবং গ্রোশ্যাস এইরূপ সংক্ষিপ্ত স্থানের মধ্যে রুদ্ধ হইয়া কতক্ষণ পর্য্যন্ত থাকিতে পারেন ইহাও পরীক্ষা করিতে লাগিলেন। অনন্তর এক দিবস দুর্গাধ্যক্ষের অসম্মিধানরূপ স্বযোগ দেখিয়া তাঁহার সহধর্ম্মিণীর নিকটে গিয়া নিবেদন করিলেন আমার স্বামী অত্যধিক অধ্যয়নদ্বারা শরীর পাত করিতেছেন; অতএব আমি রাশীকৃত সমুদায় পুস্তক এককালে ফিরিয়া দিতে বাসনা করি।

এইরূপ প্রার্থনাদ্বারা তাঁহার সম্মতি লাভ হইলে,

নিরূপিত সময়ে গ্রোশ্যাস করণ্ডকমধ্যে প্রবেশ করিলেন। অনন্তর দুই জন সৈনিকপুরুষ অধিরোহণী দ্বারা অতিক্রম করণ্ডক অবতীর্ণ করিল। এই করণ্ডক সমধিকভারাক্রান্ত দেখিয়া তাহাদিগের অন্যতর পরিহাস পূর্বক কহিল তাই ইহার ভিতরে অবশ্যই এক আরমিনিয় আছে। গ্রোশ্যাসের পত্নী অব্যাকুল চিত্তে উত্তর করিলেন হাঁ ইহার মধ্যে কতকগুলি আরমিনিয় পুস্তক আছে বটে। যাহা হউক, সৈনিক পুরুষ করণ্ডকের অসম্ভব ভার দর্শনে সন্দ্বিহান হইয়া উচিতবোধে অধ্যক্ষপত্নীর গোচর করিল। কিন্তু তিনি কহিলেন ইহার মধ্যে অধিক সংখ্যক পুস্তক আছে তাহাতেই এত ভারি হইয়াছে; গ্রোশ্যাসের শারীরিক স্বাস্থ্য রক্ষার্থে তাহার পত্নী এই সমুদায় পুস্তক এক কালে ফিরিয়া দিবার নিমিত্ত অহমতি লইয়াছেন।

এক দাসী এই গোপনীয় পরামর্শের মধ্যে ছিল সে এই করণ্ডকের সঙ্গে সঙ্গে গমন করে। করণ্ডক এক বন্ধুর আলয়ে নীত হইলে গ্রোশ্যাস অব্যাহত শরীরে তন্মধ্য হইতে নির্গত হইলেন এবং রাজমিস্ত্রির বেশপরিগ্রহ ও করে কর্ণিক ধারণ পূর্বক আপনের মধ্য দিয়া গমন করিয়া নৌকারোহণ করিলেন এবং তদ্বারা ত্রাবণ্টে উপস্থিত হইয়া তথা হইতে শকটযানে এণ্টওয়ের্পে প্রস্থান করিলেন। ১৬২১ খৃঃ অব্দের মার্চ মাসে এই গুপ্ত ব্যাপার নির্বাহ হয়। গ্রোশ্যাসের সহধর্মিণীর যত দিন এরূপ দৃঢ় প্রত্যয় না জন্মিল, গ্রোশ্যাস সম্পূর্ণরূপে বিপক্ষবর্গের ক্ষমতার বহির্ভূত হইয়াছেন, তাবৎ তিনি সকলের এই

বিশ্বাস জন্মাইয়া রাখিয়াছিলেন যে তাহার স্বামী অত্যন্ত রোগাভিভূত হইয়া শয্যাগত আছেন।

• কিয়দ্দিন পরে এই বিষয় প্রকাশ হইলে তিনি পূর্বা-পর সমুদায় স্বীকার করিলেন। তখন দুর্গাধ্যক্ষ ক্রোধে অন্ধ হইলেন এবং তাহাকে দৃঢ় রূপে রুদ্ধ করিয়া যৎপরোনাস্তি ক্রেশ দিতে লাগিলেন। পরিশেষে তিনি রাজপুরুষদিগের নিকট আবেদন করিয়া মুক্তি প্রাপ্ত হইলেন। কতকগুলি পামর প্রস্তাব করিয়াছিল তাহাকে যাবজ্জীবন কারারুদ্ধ করা কর্তব্য। কিন্তু অনেকের অন্তঃকরণে করুণামঙ্গল হওয়াতে তাহা অগ্রাহ হইল। ফলতঃ সকলেই তাহার বুদ্ধিকৌশল, সাহসিকতা ও পতি-পরায়ণতা দর্শনে ভূয়সী প্রশংসা করিয়াছিলেন।

গ্রোশ্যাস ফ্রান্সে গিয়া নির্ভয় ও নিশ্চিত হইয়া বাস করিতে লাগিলেন। কিয়দ্দিন পরে তাহার পরিবারও তথায় সমাগত হইলেন। প্যারিস রাজধানীতে বাস করা বহুব্যয়সাধ্য; অতএব গ্রোশ্যাস প্রথমতঃ কিছু কাল অর্থের অসঙ্গতিনিবন্ধন অত্যন্ত ক্রেশ পাইয়াছিলেন। অবশেষে ফ্রান্সের অধিপতি তাহার বৃত্তি নিরূপিত করিয়া দেন। তিনি অবিপ্রান্ত গ্রন্থ রচনা করিতে লাগিলেন; তাহার যশঃ শশধর সমুদায় ইউরোপ মধ্যে বিদ্যোতমান হইতে লাগিল।

ফ্রান্সের প্রধান মন্ত্রী কার্ডিনাল রিশলিয়ু গ্রোশ্যাসকে কেবল ফ্রান্সের ইতিহাস বিষয়ে ব্যাসক্ত হইবার নিমিত্ত অহুরোধ করেন। কিন্তু গ্রোশ্যাস, প্রাকৃত জনের ন্যায়, তাহার সমুদায় প্রস্তাবে সন্মত না হওয়াতে, তিনি

তঁাহাকে অধীনতানিবন্ধন বিস্তর ক্লেশ দিয়াছিলেন। গ্রোশ্যাস এইরূপে নিতান্ত হতাদর হইয়া স্বদেশ প্রত্যাগমনার্থে অতিশয় উৎসুক হইলেন। তদনুসারে ১৬২৭ খৃঃ অঙ্কে তঁাহার সহধর্মিণী বন্ধুবর্গের সহিত পরামর্শ করিয়া কর্তব্যাকর্তব্য স্থিরীকরণার্থ হলও প্রস্থান করিলেন।

গ্রোশ্যাস প্রত্যাগমন বিষয়ে প্রাড়িবাকদিগের অনুমতি লাভ করিতে পারিলেন না। কিন্তু তৎকালে দণ্ডনীতি বিষয়ে যে নিয়ম পরীবর্ত্ত হইয়াছিল, তাহার উপর নির্ভর করিয়া, স্বীয় সহধর্মিণীর উপদেশানুসারে, সাহস পূর্বক রটর্ডাম নগরে উপস্থিত হইলেন। যৎকালে তঁাহার নামে বিচারালয়ে অভিযোগ হইয়াছিল, তখন তিনি কোন প্রকারেই অপরাধ স্বীকার ও ক্ষমা প্রার্থনা করিতে চাহেন নাই; বিশেষতঃ, এমত দৃঢ় রূপে আত্মপক্ষ রক্ষা করিয়াছিলেন যে তঁাহার বিপক্ষেরা অত্যন্ত অপদস্থ ও অবমানিত হয়; অতএব তাহার তৎকাল পর্যন্ত তঁাহার পক্ষে খড়্গহস্ত হইয়া ছিল। কতক গুলি লোক তঁাহার প্রতি আত্মকুল্য প্রদর্শন করিয়াছিলেন। কিন্তু প্রাড়িবাকেরা এই ঘোষণা করিয়া দিলেন, যে ব্যক্তি গ্রোশ্যাসকে রুদ্ধ করিয়া দিতে পারিবেক সে উপযুক্ত পুরস্কার প্রাপ্ত হইবেক। গ্রোশ্যাসের জন্মভূমি বলিয়া যে দেশের মুখ উজ্জল হইয়াছে, তত্রত্য লোকেরা তঁাহার প্রতি এইরূপ কৃশংস ব্যবহার করিল।

তিনি হলও পরিত্যাগ করিয়া, হর্সর্গ নগরে গিয়া ছই বৎসর অবস্থিত করিলেন। তথায় অবস্থান কালে, সুই-

ডেনের রাজ্যী ক্রিষ্টিনার অধিকারে বিষয়কর্ম স্বীকারে সম্মত হওয়াতে, রাজ্যী তঁাহাকে ফ্রান্সের রাজসভায় দৌত্য কার্যে নিযুক্ত করিলেন। তিনি তথায় দশ বৎসর অবস্থিত করেন। ঐ সময়ে কতিপয় উৎকৃষ্ট গ্রন্থ রচনা করিয়াছিলেন। উক্ত কাল পরেই, নানা কারণ বশতঃ, দৌত্যপদ ত্যক্ত হইয়া ও কর্মপ্রদ বোধ হওয়াতে, বিরক্ত হইয়া কর্ম পরিত্যাগ প্রার্থনায় আবেদন করিলেন। তঁাহার প্রার্থনা গ্রাহ হইল। সুইডেনে প্রত্যাগমন কালে হলও উপস্থিত হইলেন। তঁাহার দেশীয় লোকেরা পূর্বে তঁাহার প্রতি অত্যন্ত অকৃতজ্ঞতা প্রকাশ করিয়াছিল; এক্ষণে বিশিষ্টরূপ সমাদর করিল।

তিনি সুইডেনে উপস্থিত হইয়া, ক্রিষ্টিনাকে সমস্ত কাগজ পত্র বুঝাইয়া দিয়া, লুবেক প্রত্যাগমনে প্রবৃত্ত হইলেন। কিন্তু পথিমধ্যে অত্যন্ত দুর্বোগ হওয়াতে প্রত্যাবৃত্ত হইতে হইল। পরিশেষে, নিতান্ত অধৈর্য হইয়া, বড় বৃষ্টি না মানিয়া, এক অনাবৃত শকটে আরোহণ পূর্বক প্রস্থান করিলেন। এই অবিম্ব্যকারিতা দোষেই তঁাহার আয়ুঃশেষ হইল। রক্তক পর্যন্ত গমন করিয়া তঁাহাকে বিরত হইতে হইল। এবং ঐ স্থানেই, ১৬৪৫ খৃঃ অঙ্কে, আগষ্টের অষ্টাবিংশ দিবসে, ত্রিষষ্টি বৎসর বয়ঃক্রমকালে প্রিয়তমা পত্নী এবং ছয় পুত্রের মধ্যে চারিটি রাখিয়া অকস্মাৎ কালগ্রাসে পতিত হইলেন।

গ্রোশ্যাস নানা বিষয়ে নানা গ্রন্থ রচনা করিয়াছেন। সকলে স্বীকার করেন তদীয় গ্রন্থপর্বম্পরা দ্বারা বিজ্ঞান শাস্ত্রের সুচারুরূপে অহুশীলনের পথ পরিষ্কৃত হইয়াছিল।

তঁহার সন্দর্ভসমূহের মধ্যে অধিকাংশই নিরবচ্ছিন্ন শব্দ-বিদ্যাসম্বন্ধ অর্থাৎ গ্রীক ও লাতিন ভাষার জ্ঞানসাপেক্ষ; সুতরাং তৎসমুদায় এক্ষণে এক প্রকার অকিঞ্চিৎকর হইয়া উঠিয়াছে; এবং তদ্রূপ হওয়াও অনায়াস নহে। আর ঐ কারণ বশতই তঁহার আলঙ্কারিক গ্রন্থ সকলও একান্ত উপেক্ষিত হইয়াছে। তিনি নৈসর্গিক ও জাতীয় বিধান বিষয়ে “সন্ধিবিগ্রহবিধি” নামক যে মহা গ্রন্থ লাতিন ভাষায় রচনা করিয়াছেন, অধুনাতন কালে তাহাতেই তঁহার কীর্তি পৃথিবীতে দেদীপমান রহিয়াছে। ঐ উৎকৃষ্ট গ্রন্থ দ্বারা ইউরোপীয় অধুনাতন বিধান শাস্ত্রের বিশিষ্টরূপ ত্রীভুঙ্কিত হইয়াছে।

সুইডেন রাজ্যের অন্তর্গত স্মিলণ্ড প্রদেশে রাসল্ট নামে এক গ্রাম আছে। চার্লস লিনিয়স ১৭০৭ খৃঃ অব্দে তথায় জন্মগ্রহণ করেন। তঁহার পিতা অতিদীন গ্রামপুরোহিত ছিলেন। লিনিয়স অত্যন্ত দরিদ্র ও অগণ্য হইয়াও অলোকসামান্য বুদ্ধিশক্তি, মহোৎসাহশীলতা ও অবিচলিত অধ্যবসায় প্রভাবে বিজ্ঞানশাস্ত্র ও অন্যান্য বিদ্যা বিষয়ে মনুষ্যসমাজে অগ্রগণ্য হইয়াছেন। অতি শৈশব কালেই প্রকৃতির অনুশীলনে তঁহার গাঢ় অহুরাগ জন্মে; তন্মধ্যে উদ্ভিদ বিদ্যার আলোচনায় তিনি সমধিক অহুরক্ত ছিলেন। বোধ হয় বালককালে ক্ষেত্রে ক্ষেত্রে পরিভ্রমণে ও প্রকৃতিরূপ প্রকাণ্ড পুস্তকের অধ্যয়নে অধিক রত ছিলেন, পাঠশালার নিরূপিত পুস্তকে তাদৃশ মনোনিবেশ করিতেন না। সুতরাং তঁহার প্রথম শিক্ষকেরা তদীয় অনাবেশ দর্শনে অতিশয় অসন্তুষ্ট হইয়া-

(১৪) ইহার প্রকৃত নাম লিনি; কিন্তু লাতিন ভাষায় সাধিত হইলে লিনিয়স হয়। ইনি লিনিয়স নামেই বিশেষ প্রসিদ্ধ।

ছিলেন। তাঁহার পিতা তাঁহাদিগের মুখে পাঠের গতি শ্রবণে বিরক্ত হইয়া তাঁহাকে উপনিবেশকারের ব্যবসায় নিযুক্ত করিবার সঙ্কল্প করিলেন। কিন্তু পরিশেষে বন্ধুবর্গের সবিশেষ অনুরোধ ও লিনিয়সের সাতিশয় বিনয় পরতন্ত্র হইয়া চিকিৎসাবিদ্যা শিক্ষার্থে অনুমতি দিলেন। বিশ্ববিদ্যালয়ে অধ্যয়নকালে তাঁহার, না পুস্তক, না বস্ত্র, না আহার সামগ্রী, কিছুই সঞ্চিত ছিল না; এমত কি, অর্ডার উদ্ভিদ বিদ্যার অংশীলন সমাধানার্থে ক্ষেত্রে ক্ষেত্রে ভ্রমণ করিতে পারিবার নিমিত্ত, জীর্ণ চর্মপাটুকিতে বন্ধলের তালী দিয়া লইতে হইত। একুপ দুর্বস্থাতেও তিনি প্রতিপত্তি লাভ করিতে লাগিলেন।

লিনিয়স কেবল যৌবনদুশায় অবতীর্ণ হইয়াছেন এমত সময়ে অস্সালের বৈজ্ঞানিক বিদ্যালয়ের অধ্যক্ষেরা তাঁহাকে এই অভিপ্রায়ে লাপ্লাণ্ডের অতি ভীষণ ভূভাগে পাঠাইবার নিমিত্ত স্থির করেন যে তিনি তত্রতা নিসর্গোৎপন্ন বস্ত্র সমুদায়ের তত্ত্ব নির্ধারণ করিয়া আনিবেন। তিনিও অনুরাগ ও ব্যগ্রতা প্রদর্শন পূর্বক পাথের মাত্রপরিমাপ বেতনে উক্ত বস্ত্রপরিমাপমাধ্য ব্যাপার সমাধানার্থে এই প্রান্তর দেশে প্রস্থান করিলেন। তথা হইতে প্রত্যাগমনের পর অস্সালের বিশ্ববিদ্যালয়ে উদ্ভিদ ও ধাতু বিদ্যা বিষয়ে উপদেশ দিতে আরম্ভ করিলেন। উপদেশের বিষয়ে সম্পূর্ণ অধিকার এবং উপদেশ প্রকারের চমৎকারিত্ব ও অভিনবত্ব প্রযুক্ত অবিলম্বে তাঁহার চতুর্দিকে ভূরি ভূরি শ্রোতৃ সমাগম হইল।

কিন্তু উদয়োন্মথী প্রতিভার নিত্যবিদেষণী স্বর্গা তাঁহার অভ্যুদয়শীঘ্রায় উচ্ছিন্ন করিল। ইহা উদ্ভা-
নিত হইল বিশ্ববিদ্যালয়ের নিয়ম আছে কোন ব্যক্তি
অগ্রে উপাধিপত্র প্রাপ্ত না হইলে তথায় উপদেশ দিতে
অধিকারী হয় না। দুর্ভাগ্যক্রমে লিনিয়সের বিদ্যা-
লয়সম্পর্কীয় কোন প্রশংসাপত্রাদি ছিল না। এই
বিষয় উপলক্ষে চিকিৎসা শাস্ত্রের অধ্যাপক ডাক্তার
রোজিনের সহিত তাঁহার যৌতর বিবাদ উপস্থিত
হইল। কিন্তু বন্ধুবর্গেরা মধ্যবর্তী হইয়া তাঁহাকে সান্ত্বনা
করিলেন। অনন্তর তিনি কতিপয় শিষ্য সহিত অবিলম্বে
অস্সাল হইতে প্রস্থান করিলেন; এবং ধাতু ও উদ্ভিদ
বিজ্ঞানের তত্ত্বানুসন্ধানার্থে ডালিকালিয়া প্রদেশে পর্যটন
করিতে লাগিলেন।

লিনিয়স ডালিকালিয়ার রাজধানী ফুলন নগরে
উপস্থিত হইয়া তথাকার প্রধান চিকিৎসক ডাক্তার
মোরিয়সের নিকট বিশিষ্ট রূপে প্রতিপন্ন হইলেন।
উক্ত ডাক্তার দয়াবান্ ও বিদ্যাবান্ ছিলেন। তাঁহার
একটি বৃক্ষবাটিকা ছিল তাহাতে কতকগুলি তরু, স্নতা
ও পুষ্প ছিল। তদর্শনে লিনিয়স অপূর্ণসীম হর্ষ প্রাপ্ত
হইলেন। কিন্তু তাঁহার সমধিকসৌন্দর্য্যার্থার আর একটি
রমণীয় পুষ্প ছিল; লিনিয়স কখন কোন উদ্যানে বা
ক্ষেত্রে তাদৃশ মনোহর পুষ্প অবলোকন করেন নাই।
ফলতঃ আমাদিগের নবীন উদ্ভিদবেত্তা ডাক্তার মোরিয়সের
জ্যেষ্ঠা কন্যার প্রতি সাতিশয় অনুরক্ত হইয়াছিলেন।
এবং সেই নবীনা কামিনীরও অন্তঃকরণে গাঢ়তর অহু-

রাগ সঞ্চার হয়। তখন লিনিয়স অন্তঃকরণের অহুরাগ ও ব্যগ্রতা পরতন্ত্র হইয়া নবপ্রণয়িনীর জনকসম্মিধানে পাণিগ্রহণের কথা উত্থাপন করিলেন। সুশীল ডাক্তর এই নবাগত বিদ্বান্ বাণী যুবা ব্যক্তির ব্যবসায় ও সরলস্বভাব দর্শনে তাঁহার উপর অত্যন্ত সন্তুষ্ট ছিলেন। কিন্তু আপন কন্যাকেও অত্যন্ত ভাল বাসিতেন এবং নবাহুরাগপরবশ যুবকজনের মত উদ্ধত ও অবিমূষ্যকারী ছিলেন না। অতএব বিবেচনা করিলেন যে, অগ্র পশ্চাৎ না ভাবিয়া এরূপ সহায়সম্পত্তিহীন ও কোন প্রকার নিয়মিত ব্যবসায় ও বিষয় কর্ম শূন্য অনাথ ব্যক্তিকে জামাতা করিলে কন্যাকে চিরছঃখিনী করা হয়। অন্তর তাঁহাকে বিবাহ বিষয়ে আর তিন বৎসর অপেক্ষা করিবার নিমিত্ত সন্মত করিয়া, চিকিৎসা বিদ্যা অধ্যয়নার্থ দৃঢ়রূপে পরামর্শ দিলেন; এবং কহিলেন, ইতিমধ্যে আমি কন্যার বিবাহ দিব না; যদি তুমি এই সময় মধ্যে কিঞ্চিৎ সংস্থান করিতে পার, তাহা হইলে আমি, ক্ষণকালও বিলম্ব না করিয়া, প্রসন্নচিত্তে তোমাকে কন্যাদান করিব।

ইহা অপেক্ষা আর কি উৎকৃষ্ট প্রস্তাব হইতে পারে। লিনিয়স স্বীয় নির্মল জ্ঞানের সহায়তা দ্বারা প্রীতিপ্রসার-চঞ্চল চিত্তকে স্থিরীভূত করিয়া প্রশংসাপত্র লইবার নিমিত্ত অবিলম্বে লিডন নগরে প্রস্থান করিলেন। তাঁহার প্রস্থানের পূর্বে কুমারী মোরিয়স বহুদিনের সংগৃহীত ব্যয়বশিষ্ট এক শত মুদ্রা আনয়ন করিয়া, প্রণয়ব্রতের বরণ ও অকৃত্রিম অহুরাগের দৃঢ়তর প্রমাণ স্বরূপ, তাঁহার

চরণে সমর্পণ করিলেন। তিনি তাঁহার কোমল করণলব মর্দন ও ব্যগ্রচিত্তে বারম্বার মুখ চুম্বন করিলেন এবং অপ-
হ্রমেয় প্রণয়রসাস্বাদে প্রফুল্লচিত্ত হইয়া অন্তঃকরণ মধ্যে তাঁহার অকৃত্রিম ও দারোয় ভূয়সী প্রশংসা করিতে করিতে বিদায় লইলেন।

অনেকানেক রসজ্ঞ নায়কেরা এমত অবস্থায় মনে মনে কত প্রকার কল্পনা করিতে করিতে প্রস্থান করেন; এবং মধ্যে মধ্যে, নায়িকার উদ্দেশে, বিচ্ছেদ বেদনা নিবেদন দুতীস্বরূপ, রসবতী গীতা রচনা করিয়া থাকেন এবং ছর্কিষহ বিরহাধিকাতর হইয়া অনবরত বিলাপ ও পরি-
তাপ করেন। কিন্তু আমাদের জানী নায়ক সেরূপ ছিলেন না। তিনি ইহাই ভাবিয়া প্রফুল্ল হৃদয়ে প্রস্থান করিলেন, ভাল, এক ব্যক্তি আমাকে যথার্থ রূপ ভাল বাসে ও আমার ব্যবসায়ের প্রশংসা করে, আমিও তাঁহার প্রণয়ের যোগ্যপাত্র হইবার নিমিত্ত বিদ্যা ও খ্যাতিলাভ বিষয়ে প্রাণপণে যত্ন ও পরিশ্রম করিতে ক্রটি করিব না।

অনন্তর তিনি লিডননগরে উপস্থিত হইয়া সাতিশত যত্ন ও পরিশ্রম সহকারে অধ্যয়ন করিতে লাগিলেন। বোরহেব ও অন্যান্য বিজ্ঞান শাস্ত্রজ্ঞ বিখ্যাত পণ্ডিতদি-
গের নিকট প্রতিপন্ন হইলেন। এবং আমস্টার্ডাম নগরের অধ্যক্ষের বাটার চিকিৎসক হইলেন। যে ছুই বৎসর এই কর্মে নিযুক্ত থাকেন ঐ কালে রহতর পরিশ্রম ও যত্ন সহকারে কতিপয় উৎকৃষ্ট গ্রন্থ রচনা করেন। পরে সমধিক বিদ্যা লাভ প্রত্যাশায় ইংলণ্ড ও অন্যান্য দেশে ভ্রমণ করিলেন। ফলতঃ তিনি এই সময়ে বিদ্যোপার্জন বিষয়ে

যে রূপ অসাধারণ পরিশ্রম ও যত্ন করিয়াছিলেন শুনিলে অসম্ভব বোধ হয়। বাস্তবিক, পদার্থ বিদ্যা সংক্রান্ত এমত কোন বিষয় ছিল না যে তিনি তাহার তত্ত্বানুসন্ধান প্রবৃত্ত হইয়াছেন নাই আর তাহা শুল্কলাবদ্ধ করেন নাই। কিন্তু উদ্ভিদবিদ্যার অস্থাননেই সর্বাঙ্গের অধিক রত ছিলেন এবং ঐ বিদ্যায় এমত প্রতিষ্ঠা লাভ করিয়াছেন যে উহার লোপ না হইলে উহার সেই প্রতিষ্ঠার অপক্ষয় সম্ভাবনা নাই।

লিনিয়স ১৭৩৮ খৃঃ অর্ধেক কিছু দিনের জন্যে প্যারিস যাত্রা করেন। ঐ বৎসরের শেষে তিনি স্বদেশ প্রত্যগমন পূর্বক ফ্রান্সের নগরে চিকিৎসা ব্যবসায় আরম্ভ করিলেন। প্রথমে সকলেই তাঁহাকে অবজ্ঞা করিত। কিন্তু পরিশেষে মৌভাগ্যবশতঃ রাজ্ঞী ইলিয়োনোরার কাশের চিকিৎসায় কৃতকার্য হওয়াতে তদবধি তদনগরের অতি আদরনীয় চিকিৎসক হইয়া উঠিলেন, সাময়িক মৈন্য সম্পর্কীয় চিকিৎসক এবং রাজকীয় উদ্ভিদবিদের পদে নিযুক্ত হইলেন। এইরূপে নিয়মিত আয় ব্যবস্থাপিত হইলে পরস্পরাহারাগসঙ্ঘারের পাঁচ বৎসর পরে সেই প্রিয়তমা কামিনীকে পাণিপীড়ন করিলেন।

কিয়দিবস পরেই লিনিয়স অস্ট্রিয়ার বিশ্ববিদ্যালয়ে অধ্যাপকের পদে নিযুক্ত হইলেন। ঐ সময়ে তাহার পূর্বশত্রু রোজিন উক্ত বিদ্যালয়ে উদ্ভিদ বিদ্যার অধ্যাপকের পদে নিযুক্ত হওয়াতে উভয়ে সম্ভাব পূর্বক পরস্পরের পদ বিনিময় করিয়া লইলেন। এইরূপে লিনিয়স চিরপ্রার্থিত উদ্ভিদ বিদ্যাধ্যাপকপদে অধিষ্ঠিত হইয়া অতি

সম্মান পূর্বক ক্রমাগত সপ্তত্রিংশৎ বৎসর উক্ত কার্য নিরূহ করিয়াছিলেন।

লিনিয়সের উদ্যোগে কয়েকজন নব্য পণ্ডিত নিসগোং-পন্ন পদার্থ গবেষণার্থ দেশে দেশে প্রেরিত হইলেন। কালম, অসবেক, হসলকিফ ও লোক্লেং, এই কয়েক ব্যক্তি প্রাকৃত ইতিবৃত্ত বিষয়ে যে নানা আবিষ্কার করিয়া গিয়াছেন, পদার্থবিদ্যার শ্রীবৃদ্ধি বিষয়ে লিনিয়সের যে প্রগাঢ় অহু-রাগ ও আগ্রহাতিশয় ছিল তাহাই তাহার মূল কারণ। ডটনিংহলম নগরে সুইডেনের রাজমহিষীর যে চিত্রশা-লিকা ছিল তিনি তাহার সবিশেষ বিবরণ প্রস্তুত করিবার নিমিত্ত লিনিয়সের উপর ভার্যাপন করেন। তিনিও তদ-মুসুরে তত্রত্য সমুদায় শস্য শস্যকাদির বিজ্ঞানশাস্ত্রানু-যায়িনী সূতন শৃঙ্খলা স্থাপন করেন। বোধ হয়, ১৭৫১ খৃঃ অর্ধেক তিনি ফিলসফিয়া বোটানিকা অর্থাৎ উদ্ভিদ-নীমাংসা নামে গ্রন্থ প্রকাশ করেন। পরে ১৭৫৪ খৃঃ অর্ধেক স্পিশিস প্লান্টেরম অর্থাৎ উদ্ভিদসংবিভাগ নামে গ্রন্থ রচনা ও প্রচার করেন। এই গ্রন্থে তৎকালবিদিত নিখিল তরু গুল্মাদির সবিশেষ বিবরণ লিখিত হইয়াছে। এই গ্রন্থ লিনিয়সের অন্যান্য সমুদায় গ্রন্থ অপেক্ষা উৎকৃষ্ট ও অবিদ্বন্দ্ব।

১৭৫৩ খৃঃ অর্ধেক এই মহীয়ান পণ্ডিত নাইট আর্চ-ডি পোলার ফটার এই উপাধি প্রাপ্ত হইলেন। এই মহতী মর্যাদা ইহার পূর্বে কখন কোন পণ্ডিত ব্যক্তিকে প্রদত্ত হয় নাই। ১৭৬১ খৃঃ অর্ধেক তিনি সম্ভ্রান্তলোক শ্রেণীমধ্যে পরিগণিত হইলেন। অন্যান্য দেশীয় বৈজ্ঞা-

নিক সমাজ হইতেও বিদ্যাসম্বন্ধ নানা মর্যাদা প্রাপ্ত হইলেন। তিনি ক্রমে ক্রমে ঐশ্বর্যশালী হইয়া অঙ্গাল মন্নিহিত হামার্কি নগরে এক অট্টালিকা ও ভূম্যধিকার ক্রয় করিয়া জীবনের শেষ পঞ্চদশ বৎসর প্রায় তথায় অবস্থিতি করেন। ঐ স্থানে তাঁহার প্রাকৃত ইতিবৃত্ত সংক্রান্ত এক চিত্রশালিকা ছিল, তথায় উক্ত বিদ্যা বিষয়ে উপদেশ দিতে আরম্ভ করিলেন। পৃথিবীর নানাভাগস্থিত বিজ্ঞানশাস্ত্রজ্ঞ লোক ও অধীনবর্গের সাহায্যে তাঁহার ঐ চিত্রশালিকার সর্বদাই বৃদ্ধি হইতে লাগিল।

লিনিয়স জীবনের অধিকাংশ শারীরিক স্নহ ও পটু থাকাতে অতিশয় উৎসাহ ও পরিশ্রম স্বীকার পূর্বক পদার্থ বিদ্যা বিষয়িণী গবেষণা সম্পাদনে সমর্থ হইয়াছিলেন। কিন্তু ১৭৭৪ খৃঃ অব্দের মে মাসে অপস্মার রোগে আক্রান্ত হইলেন। অতএব অধ্যাপনা সংক্রান্ত যে সকল কর্মে গুরুতর পরিশ্রম করিতে হইত তৎ সমুদায় পরিত্যাগ করিতে ও বিদ্যালয়শীলনে ক্ষান্ত হইতে হইল। অনন্তর ১৭৭৬ খৃঃ অব্দে দ্বিতীয় বার ও কিয়দ্দিন পরে আর এক বার ঐ রোগে আক্রান্ত হইলেন। পরিশেষে ১৭৭৮ খৃঃ অব্দে জানুয়ারির একাদশাহে তাঁহার প্রাণত্যাগ হয়।

লিনিয়স পুরোক্ত গ্রন্থ সমূহ ব্যতিরিক্ত ভেষজ নির্ণয় এবং রোগ নির্ণয় বিষয়ে এক এক প্রণালীবদ্ধ গ্রন্থ রচনা করেন। তিনি যেরূপ অসাধারণ সাহস, উৎসাহ, পরিশ্রম ও দক্ষতা প্রকাশ করিয়াছেন বিজ্ঞানশাস্ত্রের সমুদায় ইতিহাস মধ্যে অতি অল্প লোকের সেরূপ দেখিতে

পাওয়া যায়। তিনি পদার্থবিদ্যা বিষয়ে যে নানা প্রণালী ব্যবস্থাপিত করিয়াছেন কালক্রমে তৎ সমুদায় অন্যথা হইলেও হইতে পারে। তথাপি তাঁহা হইতে উক্ত বিদ্যার যেরূপ মহীয়সী শ্রীবৃদ্ধি হইয়াছে তাহা বাকপথাতিত। সুইডেনের অধিপতি চতুর্দশ চার্লস ১৮১৯ খৃঃ অব্দে লিনিয়সের জন্ম ভূমিতে তাঁহার এক কীর্তিস্তম্ভ নির্মাণের আদেশ করিয়াছেন।

বলকিন জামিরে ডুবাল।

এক্ষণে আমরা ডুবালের জীবনবৃত্ত লিখিতে প্রবৃত্ত হইলাম। এই মহাহুতাব ১৬৯৫ খৃঃ অর্কে ফ্রান্স রাজ্যের সাম্প্রদায়িক প্রদেশের অন্তর্ভুক্তি আর্টনি গ্রামে জন্মগ্রহণ করেন। তাঁহার পিতা অত্যন্ত দরিদ্র ছিলেন সামান্যরূপে কৃষি কর্মে মাত্র অবলম্বন করিয়া যথা কথঞ্চিৎ পরিবারের ভরণপোষণ নির্বাহ করিতেন। ডুবাল যখন দশমবর্ষীয় তখন তাঁহার পিতা মাতা আর কতকগুলি পুত্র ও কন্যা রাখিয়া পরলোক যাত্রা করেন। তাঁহাদের প্রতিপালনের কোন উপায় ছিল না; সুতরাং ডুবাল অত্যন্ত দুর্বস্থায় পড়িলেন। কিন্তু এইরূপ দুর্বস্থায় পড়িয়াও মহীয়সী উৎসাহশীলতা ও অবিচলিত অধ্যবসায় প্রভাবে সমস্ত প্রতিবন্ধক অতিক্রম করিয়া অসাধারণ বিদ্যোপার্জনাদি দ্বারা পরিশেষে মনুষ্য মণ্ডলীতে অগ্রগণ্য হইয়াছিলেন। তিনি দুই বৎসর পরে এক কৃষকের আলয়ে পেরুশাবক সকলের রক্ষণাবেক্ষণার্থে নিযুক্ত হইলেন। কিন্তু বালস্বভাবস্বলভ কতিপয় গর্হিতাচার দোষে দূষিত হওয়াতে অল্প দিনের মধ্যেই

জীবন চরিত।

৫৯

তথা হইতে দূরীকৃত হইলেন। পরিশেষে ঐ কারণেই জন্মভূমিও পরিত্যাগ করিতে হইল।

অনন্তর ডুবাল ১৭০৯ খৃঃ অর্কের দুঃসহ হেমন্তের উপক্রমে লোরেন প্রস্থান করিলেন। পথিমধ্যে বিষম বসন্তরোগে আক্রান্ত হইলেন। ঐ সময়ে যদি এক কৃষকের আশ্রয় না পাইতেন তাহা হইলে তাঁহার অকালে কালগ্রাসে পতিত হইবার কোন অসম্ভাবনা ছিল না। কিন্তু ভাগ্য ক্রমে ঐ ব্যক্তি তাঁহার তাদৃশ দশা দর্শনে দয়াজ্ঞ চিত্ত হইয়া তাঁহাকে আপন মেঘশালায় লইয়া গেল। তথায় মেঘপূরীঘরাশি ব্যতিরিক্ত অন্যবিধ শয্যার সঙ্গতি ছিল না। যাবৎ তাঁহার পীড়োপশম না হইল সেই কৃষক তাঁহাকে মেঘ পুরীঘরাশিতে আকণ্ঠনয় করিয়া রাখিল এবং অতিরিক্ত পোড়া রুটি ও জল এই মাত্র পথ্য দিতে লাগিল। এইরূপ চিকিৎসা ও এইরূপ শুশ্রূষাতেও তিনি সৌভাগ্যক্রমে এই ভয়ানক রোগের আক্রমণ হইতে রক্ষা পাইলেন এবং পরিশেষে কোন সন্নিবেশবাসি যাজকের আশ্রয় পাইয়া সম্পূর্ণরূপে সুস্থ হইয়া উঠিলেন।

ডুবাল নানসির নিকটে এক মেঘপালকের গৃহে নিযুক্ত হইয়া তথায় দুই বৎসর অবস্থিতি করিলেন। ঐ সময়ে ভূয়সী জ্ঞানবুদ্ধি সম্পাদন করেন। ডুবাল শৈশবাবধি অল্পস্বাস্থ্য ছিলেন। অতি শৈশবকালেই সর্পভেদ প্রভৃতি অনেকবিধ জন্তু সংগ্রহ করিয়াছিলেন এবং প্রতিবেশি ব্যক্তিবর্গকে, এই সকল জন্তুর কিরূপ অবস্থা, ইহারা এরূপে নির্মিত হইল কেন, ইহাদিগের সৃষ্টির

তাৎপর্যই বা কি, এবিধ বহুতর প্রশ্ন দ্বারা সর্বদাই বিরক্ত করিতেন। কিন্তু এই সকল প্রশ্নের যে উত্তর পাইতেন তাহা যে সন্তোষজনক হইত না ইহা বলা বাহুল্যমাত্র। সামান্যবুদ্ধি লোকেরা সামান্য বস্তুকে সামান্য জ্ঞানই করিয়া থাকে। কিন্তু অসামান্যবুদ্ধিসম্পন্নেরা কোন বস্তুকেই সামান্য জ্ঞান করেন না। এই নিমিত্তই সর্বদা এরূপ ঘটিয়া থাকে যে প্রাকৃত লোকেরা মহাত্মত্ববদিগের বুদ্ধির প্রথম কার্য সকল দেখিয়া উন্মাদ জ্ঞান করে।

এক দিবস ডুবাল কোন পল্লীগামস্থ বালকের হস্তে ঈসপ রচিত গল্পের এক পুস্তক অবলোকন করিলেন। ঐ পুস্তক পশু, পক্ষী, সর্প প্রভৃতি নানাবিধ জন্তুর প্রতিমূর্তিতে অলঙ্কৃত ছিল। এ পর্য্যন্ত ডুবালের বর্ণ পরিচয় হয় নাই সুতরাং পুস্তকে কি লিখিত ছিল তাহার বিস্ময় বিসর্গও অনুধাবন করিতে পারিলেন না। যে সকল জন্তু দেখিলেন তাহাদিগের নাম জানিতে ও তত্ত্বদ্বিষয়ে ঈসপ কি লিখিয়াছেন তাহা শুনিতে অত্যন্ত কৌতূহলাক্রান্ত ও ব্যগ্রচিত্ত হইয়া, আপন সমক্ষে সেই পুস্তক পাঠ করিবার নিমিত্ত, স্থায় সহচরকে অত্যন্ত অনুরোধ করিতে লাগিলেন। কিন্তু সেই বালক কোন ক্রমেই তাহার বাসনা পূর্ণ করিল না। ফলতঃ তাহাকে সর্বদাই এইরূপে কৌতূহলাক্রান্ত ও পরিশেষে একান্ত বিষাদ প্রাপ্ত হইতে হইত।

এইরূপে বৎপরোনাস্তি ক্ষোভ প্রাপ্ত হইয়া, এতাদৃশ ক্ষুণ্ণ অবস্থায় থাকিয়াও, তিনি মনে মনে প্রতিজ্ঞা

করিলেন যত কষ্টসাধ্য হউক না কেন, যেরূপে পারি লেখা পড়া শিখিব। এইরূপ অধ্যবসায়াক্রম হইয়া, যে কিছু অর্থ তাহার হস্তে আসিতে লাগিল, প্রাণপণে তাহা সংগ্রহ করিতে লাগিলেন; এবং তাহা দিয়া সন্তুষ্ট করিয়া বয়োধিক বালকদিগের নিকট বিদ্যা শিক্ষা আরম্ভ করিলেন।

ডুবাল কিছু দিনের মধ্যেই অসম্ভব পরিশ্রম দ্বারা আপন অভিপ্রেত এক প্রকার সিদ্ধ করিয়া ঘটনাক্রমে এক দিবস এক খানি পঞ্জিকা অবলোকন করিলেন। ঐ পঞ্জিকাতে জ্যোতিষজ্ঞের দ্বাদশ রাশি চিত্রিত ছিল। তিনি তদর্শনে অনায়াসেই স্থির করিলেন যে এই সমস্ত আকাশমণ্ডল স্থিত পদার্থ বিশেষের প্রতিমূর্তি হইবেক সন্দেহ নাই। অনন্তর ঐ সকল প্রত্যক্ষ করিবার নিমিত্ত একদুই নভোমণ্ডল নিরীক্ষণ করিতে লাগিলেন। এবং সেই সমুদায় দেখিলাম বলিয়া যাবৎ তাহার অন্তঃকরণে দৃঢ় প্রত্যয় না জন্মিল তাবৎ তিনি কোন মতেই ক্ষান্ত হইলেন না।

কিয়দিন পরে তিনি একদা কোন মুদ্রায়ন্ত্রালয়ের গবাক্ষের নিকট দিয়া গমন করিতে করিতে তন্মধ্যে এক ভূগোল চিত্র দেখিতে পাইলেন। উহা পূর্কদৃষ্ট সমস্ত বস্তু অপেক্ষায় উপাদেয় বোধ হওয়াতে তিনি তৎক্ষণাৎ ক্রয় করিয়া লইলেন; এবং কিয়দ্দিবস পর্য্যন্ত, অবসর পাইলেই, অনন্যমনা ও অনন্যাকর্ষা হইয়া কেবল তাহাই পাঠ করিতে লাগিলেন। নাড়ীমণ্ডলস্থিত অংশ সকল অবলোকন করিয়া প্রথমতঃ ঐ সমস্তকে ফ্রান্স প্রচ-

লিত লীগ অর্থাৎ সার্ককোশের চিহ্ন বোধ করিয়াছি
লেন। পরন্তু সাপ্পোন হইতে লোরেনে আসিলেত ঐরূপ
অনেক লীগ অতিক্রম করিতে হইয়াছে কিন্তু ভূচিত্রে
উহাদিগের অন্তর অতি অল্প লক্ষ্য হইতেছে এই বিবেচনা
করিয়া সেই প্রথম সিদ্ধান্ত ভুল বলিয়া স্থির করিলেন।
বাহাহউক এই ভূচিত্র ও অন্য অন্য ভূচিত্র সকল অভি-
নিবেশ পূর্বক পাঠ করিয়া ক্রমে ক্রমে কেবল ঐ সকল
চিহ্নেরই স্বরূপ ও তাৎপর্য স্বক্ষ্মাস্বক্ষ্মরূপে নির্ধারিত
করিলেন এমত নহে ভূগোল বিদ্যা সংক্রান্ত প্রায় সমুদায়
সংজ্ঞা ও সংকেতের মস্তগ্রহ করিতে পারিলেন।

ডুবাল এইরূপে গাঢ়তর অল্পরাগ ও অভিনিবেশ সহ-
কারে অধ্যয়ন করিতে লাগিলেন। কিন্তু অন্যান্য কৃষীবল
বালকেরা অভ্যস্ত ব্যাঘাত জন্মাইতে আরম্ভ করিল। অত-
এব তিনি বিজন স্থান লাভের নিমিত্ত নিভান্ত উৎসুক
হইলেন। এক দিবস ঘটনাক্রমে তিনি যুবরের নিকটে এক
আশ্রম দর্শন করিয়া এমত প্রীতি প্রাপ্ত হইলেন যে তৎ-
ক্ষণে মনে মনে সঙ্কল্প করিলেন যে তত্রত্য তপস্বি পালি-
মানের অনুবর্তী হইয়া ধর্ম চিন্তা বিষয়ে কিঞ্চিৎ কিঞ্চিৎ
মনোনিবেশ করিব। অনন্তর তপস্বি মহাশয়কে আপন
প্রার্থনা জানাইলেন। পালিমান অল্পগ্রহ প্রদর্শনপূর্বক
তাহার প্রার্থিত বিষয়ে সম্মত হইলেন এবং আপন অধি-
কারে যে এক পদ শূন্য ছিল তাহাতে তাহাকে নিযুক্ত
করিলেন। কিন্তু অনতিচিরকাল মধ্যেই পালিমানের
কর্তৃ পক্ষীয়েরা ঐ পদে অন্য ব্যক্তিকে নিযুক্ত করিয়া
পাঠাইলেন।

লুনিবিলের প্রায় পাদোনকোশ অন্তরে সেন্ট এম
নামে এক আশ্রম ছিল তথায় কতকগুলি তপস্বী বাস
করিতেন। পালিমান সাধ্যানুসারে ডুবালের ক্ষোভ
শান্তি করিবার নিমিত্ত তাহাদিগের আশ্রমে তাহাকে
এক অনুরোধ পত্র সমেত পাঠাইয়া দিলেন। সেই সতীর্থ
তপস্বিদিগের আজীবনস্বরূপ যে ছয়টা খেত ছিল ডুবা-
লের প্রতি তাহারা তাহাদিগের রক্ষণাবেক্ষণের ভার
দিলেন। বোধ হয় তপস্বি মহাশয়েরা ডুবাল অপেক্ষা
অজ্ঞ ছিলেন কিন্তু তাহাদিগের কতকগুলি পুস্তক ছিল,
তাহারা ডুবালকে তাহা পাঠ করিবার অনুমতি দিলেন।
ডুবাল যে যে কঠিন বিষয় স্বয়ং বুঝিতে না পারিতেন
তাহা আশ্রমদর্শনাগত ব্যক্তিগণের নিকট বুঝিয়া লই-
তেন। এখানেও পূর্বের মত কষ্ট স্বীকার করিয়া যে কিছু
অর্থ বাঁচাইতে পারিতেন অন্য কোন বিষয়ে ব্যয় না
করিয়া তদ্বারা কেবল পুস্তক ও ভূচিত্র মাত্র ক্রয় করি-
তেন। এই স্থলে বিস্তর ব্যাঘাত সত্ত্বেও লিখিতে ও
অঙ্ক কষিতে শিথিলেন।

কোন কোন ভূচিত্রের নিম্নভাগে সম্ভ্রান্ত লোকবিশে-
ষের পরিচ্ছদ চিত্রিত ছিল তাহাতে গ্রিফিন, উৎক্রো-
শপক্ষী, লাঙ্গুলদ্রয়োপলক্ষিত কেশরী ও অন্যান্য বিকটা-
কার অদ্ভুত জন্তু নিরীক্ষণ করিয়া আশ্রমাগত কোন
ব্যক্তিকে জিজ্ঞাসা করিলেন পৃথিবীতে এবিধ জীব আছে
কি না। তিনি কহিলেন কুলাদর্শ নামে এক শাস্ত্র
আছে এই সমস্ত তাহার সংকেত। শ্রবণ মাত্র ঐ শব্দটি
লিখিয়া লইলেন এবং অতি সত্বর হইয়া নিকটবর্তি

লিত লীগ অর্থাৎ সার্ককোশের চিহ্ন বোধ করিয়াছি
লেন। পরন্তু সাঙ্গোপন হইতে লোরেনে আশ্রিত ঐরূপ
অনেক লীগ অতিক্রম করিতে হইয়াছে কিন্তু ভূচিত্রে
উহাদিগের অন্তর অতি অল্প লক্ষ্য হইতেছে এই বিবেচনা
করিয়া সেই প্রথম সিদ্ধান্ত তুল বলিয়া স্থির করিলেন।
যাহা হউক এই ভূচিত্র ও অন্য অন্য ভূচিত্র সকল অভি-
নিবেশ পূর্বক পাঠ করিয়া ক্রমে ক্রমে কেবল ঐ সকল
চিহ্নেরই স্বরূপ ও তাৎপর্য সূক্ষ্মাঙ্গুস্মরূপে নির্দ্ধারিত
করিলেন এমত নহে ভূগোল বিদ্যা সংক্রান্ত প্রায় সমুদায়
সংজ্ঞা ও সংস্কৃতের মন্ত্রগ্রহ করিতে পারিলেন।

ডুবাল এইরূপে গাঢ়তর অল্পরাগ ও অভিনিবেশ সহ-
কারে অধ্যয়ন করিতে লাগিলেন। কিন্তু অন্যান্য কৃষিবল
বালকেরা অত্যন্ত ব্যাঘাত জন্মাইতে আরম্ভ করিল। অত-
এব তিনি বিজন স্থান লাভের নিমিত্ত নিভান্ত উৎসুক
হইলেন। এক দিবস ঘটনাক্রমে ডিনিয়ুবরের নিকটে এক
আশ্রম দর্শন করিয়া এমত প্রীতি প্রাপ্ত হইলেন যে তৎ-
ক্ষণে মনে মনে সঙ্কল্প করিলেন যে তত্রত্য তপস্বি পালি-
মাসের অনুবর্তী হইয়া ধর্ম চিন্তা বিষয়ে কিঞ্চিৎ কিঞ্চিৎ
মনোনিবেশ করিব। অনন্তর তপস্বি মহাশয়কে আপন
প্রার্থনা জানাইলেন। পালিমান অনুগ্রহ প্রদর্শনপূর্বক
তাহার প্রার্থিত বিষয়ে সম্মত হইলেন এবং আপন অধি-
কারে যে এক পদ শূন্য ছিল তাহাতে তাহাকে নিযুক্ত
করিলেন। কিন্তু অনতিচিরকাল মধ্যেই পালিমানের
কর্তৃপক্ষীয়েরা ঐ পদে অন্য ব্যক্তিকে নিযুক্ত করিয়া
পাঠাইলেন।

লুনিবিলের প্রায় পাদোনক্রোশ অন্তরে সেট এম
নামে এক আশ্রম ছিল তথায় কতকগুলি তপস্বী বাস
করিতেন। পালিমান সাধ্যানুসারে ডুবালের ক্ষোভ
শান্তি করিবার নিমিত্ত তাহাদিগের আশ্রমে তাহাকে
এক অনুরোধ পত্র সমেত পাঠাইয়া দিলেন। সেই সতীর্থ
তপস্বিদিগের আশ্রমস্বরূপ যে ছয়টা দেখি ছিল ডুবা-
লের প্রতি তাহারা তাহাদিগের রক্ষণাবেক্ষণের ভার
দিলেন। বোধ হয় তপস্বি মহাশয়েরা ডুবাল অপেক্ষা
অঙ্গ ছিলেন কিন্তু তাহাদিগের কতকগুলি পুস্তক ছিল,
তাহারা ডুবালকে তাহা পাঠ করিবার অনুমতি দিলেন।
ডুবাল যে যে কঠিন বিষয় স্বয়ং বুঝিতে না পারিতেন
তাহা আশ্রমদর্শনাগত ব্যক্তিগণের নিকট বুঝিয়া লই-
তেন। এখানেও পূর্বের মত কষ্ট স্বীকার করিয়া যে কিছু
অর্থ বাঁচাইতে পারিতেন অন্য কোন বিষয়ে ব্যয় না
করিয়া তদ্বারা কেবল পুস্তক ও ভূচিত্র মাত্র ক্রয় করি-
তেন। এই স্থলে বিস্তর ব্যাঘাত সত্ত্বেও লিখিতে ও
অঙ্ক কষিতে শিখিলেন।

কোন কোন ভূচিত্রের নিম্নভাগে সম্ভ্রান্ত লোকবিশে-
ষের পরিচ্ছদ চিত্রিত ছিল তাহাতে গ্রিকিন, উৎক্রো-
শপক্ষী, লাঙ্গুলদয়োপলক্ষিত কেশরী ও অন্যান্য বিকটা-
কার অদ্ভুত জন্তু নিরীক্ষণ করিয়া আশ্রমাগত কোন
ব্যক্তিকে জিজ্ঞাসা করিলেন পৃথিবীতে এবিধ জীব আছে
কি না। তিনি কহিলেন কুলাদর্শ নামে এক শাস্ত্র
আছে এই সমস্ত তাহার সংস্কৃত। শ্রবণ মাত্র ঐ শব্দটি
লিখিয়া লইলেন এবং অতি সত্বর হইয়া নিকটবর্তী

নগর হইতে উক্ত বিদ্যার এক পুস্তক ক্রয় করিয়া আনিলেন এবং অবিলম্বে তদ্বিষয়ের বিশেষজ্ঞ হইয়া উঠিলেন।

জ্যোতির্বিদ্যা ও ভূগোলবৃত্তান্ত অধ্যয়নে ডুবালা অত্যন্ত অহুরক্ত ছিলেন। তিনি সর্বদাই সন্নিহিত বিপিন মধ্যে নির্জন প্রদেশ অন্বেষণ করিয়া লইতেন এবং একাকী তথায় অবস্থিত হইয়া নির্মল নিদ্রাঘরজনীর অধিকাংশ জ্যোতির্গণ্ডল পর্যবেক্ষায় যাপন করিতেন ও মস্তকোপরি পরিশোধমান মৌক্তিকময় নভোমণ্ডলের বিষয় সমধিক রূপে জানিতে মনোরথ করিতেন—যে রূপ অবস্থা, মনোরথের অধিক আর কি ঘটতে পারে। জ্যোতির্গণ্ডলের বিষয় বিশিষ্ট রূপে জানিতে পারিলেন এই বাসনায় অত্যন্ত ওক বৃক্ষ শিখরোপরি বন্যাক্রাণ্ডা ও উইলো শাখার পরস্পর সংযোজনা করিয়া সারস কুলায় সন্নিহিত এক প্রকার বসিবার স্থান নির্মাণ করিলেন।

ডুবালের ক্রমে ক্রমে যত জ্ঞান বুদ্ধি হইতে লাগিল পুস্তক বিষয়েও তত আকাঙ্ক্ষা বৃদ্ধি হইতে লাগিল। কিন্তু পুস্তক ক্রয়ের যে নিদ্ধারিত উপায় ছিল তাহার সেকপ বুদ্ধি হইল না। অতএব তিনি আয় বৃদ্ধি করিবার নিমিত্ত ফাঁদ পাতিয়া জন্তু ধরিতে আরম্ভ করিলেন ও কিয়ৎকাল এই ব্যবসায় দ্বারা কিছু কিছু লাভও করিতে লাগিলেন। আয় বৃদ্ধি সম্পাদন নিমিত্ত কখন কখন অত্যন্ত দুঃসাহসিক ব্যাপারেও প্রবৃত্ত হইতে পরাজু হইতেন না।

একদা তিনি কানন মধ্যে ভ্রমণ করিতে করিতে বৃক্ষো-

পরি এক অতিচক্ৰণলোমা আরণ্যমাঝার অবলোকন করিলেন। ইহা অনেক উপকারে আসিবে এই বিবেচনা করিয়া তৎক্ষণাৎ বৃক্ষোপরি আরোহণ পূর্বক অতি দীর্ঘ যক্তি দ্বারা মাঝারকে অধিষ্ঠান শাখা হইতে অবতীর্ণ করাইলেন। বিড়াল দৌড়িতে আরম্ভ করিল। তিনিও পশ্চাৎ পশ্চাৎ ধাবমান হইলেন। উহা এক তরুকোটরে প্রবেশ করিল; পরে তথা হইতে দুরায় নিষ্কাশিত করিবা মাত্র তাহার হস্তোপরি বাঁপিয়া পড়িল। অনন্তর উভয়ের বোরতর যুদ্ধ আরম্ভ হইলে, কুপিত বিড়াল তাহার মস্তকের পশ্চাত্তাগে নখ প্রহার করিল। ডুবালা তথাপি উহাকে টানিতে লাগিলেন। বিড়াল আরো শক্ত করিয়া ধরিল; পরিশেষে খর নখর দ্বারা চর্মের যত পুর আক্রমণ করিয়াছিল প্রায় সমুদায় অংশ উঠাইয়া লইল। অনন্তর ডুবালা নিকটবর্তি বৃক্ষোপরি বারম্বার আঘাত করিয়া মাঝারের প্রাণ সংহার করিলেন এবং হর্ষোৎফুল্ললোচনে তাহাকে গৃহে আনিলেন। আর ইহা দ্বারা প্রয়োজনোপযোগি কিছু কিছু পুস্তক সংগ্রহ করিতে পারিব এই আঙ্কনাহে বিরালকৃত ক্ষত ক্লেশ একবার মনেও করিলেন না।

ডুবালা বন্যজন্তুর উদ্দেশে সর্বদাই এইরূপ সঙ্কটে প্রবৃত্ত হইতেন এবং লুনিবিলে গিয়া সেই সেই পশুর চর্ম বিক্রয় দ্বারা অর্থ সংগ্রহ করিয়া পুস্তক ও ভূচিত্র ক্রয় করিয়া আনিতেন।

পরিশেষে এক শুভ ঘটনা হওয়াতে অনেক পুস্তক সংগ্রহ করিতে পারিলেন। এক দিবস শরৎকালে অরণ্য মধ্যে ভ্রমণ করিতে করিতে সম্মুখবর্তি শুষ্ক পর্ণ রাশিতে

আঘাত করিবামাত্র ভূতলে কোন উজ্জ্বল-বস্তু অবলোকন করিলেন এবং তৎক্ষণাৎ হস্তে লইয়া দেখিলেন উহা স্বর্ণময় মুদ্রা, উহাতে উত্তমরূপে তিনটি মুখ উৎকীর্ণ আছে। ডুবাল ইচ্ছা করিলেই ঐ স্বর্ণময় মুদ্রা আঙ্গমাৎ করিতে পারিতেন। কিন্তু তিনি পরের দ্রব্য অপহরণ করা গর্হিত ও অধর্ম্মহেতু বলিয়া জানিতেন অতএব পর রবিবারে জনিবিলে গিয়া তত্রতা ধর্ম্মাধ্যক্ষের নিকট নিবেদন করিলেন মহাশয় অরণ্য মধ্যে আমি এক স্বর্ণ মুদ্রা পাইয়াছি। আপনি এই ধর্ম্মালয়ে ঘোষণা করিয়া দেন যে ব্যক্তির হারাইয়াছে তিনি সেন্ট এনের আশ্রমে গিয়া আমার নিকটে আবেদন করিলেই আপন বস্তু প্রাপ্ত হইবেন।

কয়েক সপ্তাহের পর ইংলণ্ড দেশীয় ফরফর নামে এক ব্যক্তি অস্বাভাবিক সেন্ট এনের আশ্রমদ্বারে উপস্থিত হইয়া ডুবালের অন্বেষণ করিলেন এবং ডুবাল উপস্থিত হইলে জিজ্ঞাসিলেন তুমি কি এক মুদ্রা পাইয়াছ। ডুবাল কহিলেন হাঁ মহাশয়। তিনি কহিলেন আমি তোমার নিকট বড় বাধিত থাকিলাম সে আমার মুদ্রা। ডুবাল কহিলেন ক্ষণেক অপেক্ষা করিতে হইবেক অর্থাৎ আপনি অল্পগ্রহ করিয়া কুলাদর্শালুয়ায় তাষায় নিজ আভিজাতিক চিহ্ন বর্ণন করুন তবে আমি আপনাকে মুদ্রা দিব। তখন সেই আগন্তুক কহিলেন অহে বালক তুমি আমাকে পরিহাস করিতেছ, কুলাদর্শের বিষয় তুমি কি বুঝিবে। ডুবাল কহিলেন সে যাহা হউক আপনি নিজ আভিজাতিক চিহ্নের বর্ণন না করিলে মুদ্রা পাইবেন না।

ডুবালের নির্ভর্য্যাতিশয় দর্শনে চমৎকৃত হইয়া ফরফর তাঁহার জ্ঞান পরীক্ষার্থে তাঁহাকে নানা বিষয়ে ভূরি ভূরি জিজ্ঞাসা করিতে লাগিলেন। পরিশেষে তৎকৃত উত্তর শ্রবণে সন্তুষ্ট হইয়া নিজ আভিজাতিক চিহ্ন বর্ণন দ্বারা তাঁহার প্রার্থনা সিদ্ধি করিয়া মুদ্রা গ্রহণ পূর্বক ছই স্বর্ণ পুরস্কার দিলেন; এবং প্রস্থান কালে ডুবালকে, মধ্যে মধ্যে লুনিবিলে গিয়া সাক্ষাৎ করিতে, কহিয়া দিলেন। পরে ডুবাল যখন যখন তাঁহার সহিত সাক্ষাৎ করিতেন প্রতিবারেই তিনি তাঁহাকে এক এক রজত মুদ্রা দিতেন। এইরূপে ফরফরের নিকট মুদ্রা ও পুস্তক দান পাইয়া সেন্ট এনের রাখালের পুস্তকালয়ে চারি শত খণ্ড পুস্তক সংগৃহীত হইল। তন্মধ্যে বিজ্ঞান শাস্ত্র ও পুরাতত্ত্ব বিষয়ক বহুতর উৎকৃষ্ট গ্রন্থ ছিল।

এইরূপে ডুবাল দ্বাবিংশতি বর্ষ বয়ঃক্রম প্রাপ্ত হইলেন; কিন্তু এপর্য্যন্ত আপনার হীন অবস্থা পরিবর্তের চেষ্টা এক দিবসের নিমিত্তেও মনে আনেন নাই। ফলতঃ এখনও তিনি জ্ঞান ব্যতীত সর্ব বিষয়েই রাখাল ছিলেন। প্রতিদিন গোচারণকালে তরুতলে উপবিষ্ট হইয়া আপনার চারি দিকে ভূচিত্র ও পুস্তক সঙ্কল বিস্তৃত করেন এবং খেলুগণের রক্ষণাবেক্ষণ বিষয়ে কিঞ্চিৎমাত্রও মনোযোগ না রাখিয়া কেবল অধ্যয়ন বিষয়েই নিমগ্ন হইয়া থাকেন; খেলু সকলও স্বচ্ছন্দ রূপে ইতস্ততঃ চরিতে থাকে।

একদা তিনি এইরূপে অবস্থিত আছেন এমত সময়ে সহসা এক সৌম্যমূর্তি পুরুষ আসিয়া তাঁহার সম্মুখবর্তী

হইলেন। ডুবালকে দেখিয়া তাঁহার হৃদয়ে যুগপৎ কারুণ্য ও বিশ্বাসের উদয় হইল। এই মহামুভাব ব্যক্তি লোরেনের রাজকুমারদিগের অধ্যাপক, নাম কোর্ট বিভা-
ম্পিয়র। ইনি ও রাজকুমারগণ এবং অন্য এক অধ্যা-
পক যুগয়া করিতে গিয়াছিলেন। সকলেই ঐ জুরণ্যে
পথহারা হন। কোর্ট মহাশয় অসংস্কৃত বিরলকেশ
অতি হীনবেশ রাখালের চতুর্দিকে পুষ্পক ও ভূচিহ্নরাশি
প্রসারিত দেখিয়া এমত চমৎকৃত হইলেন যে ঐ অস্তুত
ব্যাপার প্রত্যক্ষ করিবার নিমিত্ত স্বীয় সহচরদিগকে
তথায় আনয়ন করিলেন।

এইরূপে যুগয়াবেশধারী দেশাধিপতনয়েরা ডুবালকে
চতুর্দিকে বেষ্টিত করিয়া দণ্ডায়মান হইলেন। এই স্থলে
পাঠকদিগের স্মরণার্থে ইহা লিখিলে অসঙ্গত হইবেক না
যে ঐ কুমারদিগের মধ্যে এক জন পরে মেরিয়া খেরিসার
পানিগ্রহণ করেন এবং জর্মনি রাজ্যের সম্রাট হইয়াছেন।

এই ব্যাপার নয়নগোচর করিয়া সকলেই একবারে
মুগ্ধ হইলেন; পরিশেষে যখন কতিপয় প্রমত্তদারা তাঁহার
বিদ্যা ও বিদ্যাগমের উপায় সবিশেষ অবগত হইলেন
তখন তাঁহারা বাস্তবধাতীত বিশ্বাস ও সন্তোষ সাগরে
মগ্ন হইলেন। সর্বজ্যেষ্ঠ রাজকুমার তৎক্ষণাৎ কহিলেন
তুমি রাজসংসারে চল আমি তোমাকে এক উত্তম কর্মে
নিযুক্ত করিব। ডুবাল কোন কোন পুস্তকে পাঠ করিয়া-
ছিলেন রাজসংসারের সংস্রবে মনুষ্যের ধর্মভ্রংশ হয়;
এবং নান্দিতেও দেখিয়াছিলেন বড় মাহুষের অহুচরেরা
প্রায় লম্পট ও কলহপ্রিয়। অতএব অকপট বাক্যে

কহিলেন আমার রাজসেবায় অভিজ্ঞ নাই; বরং চির-
কাল অরণ্যে থাকিয়া গোচারণ করিয়া নিরুদ্ধে জীবন
ক্ষেপণ করিব; আমি এই অবস্থায় সম্পূর্ণ সুখী আছি।
কিন্তু ইহাও কহিলেন যদি মহাশয় আমার অপূর্ণ অপূর্ণ
পুস্তক পাঠ ও সমধিক বিদ্যা ও জ্ঞান লাভের সুযোগ
করিয়া দেন তবে আমি আপনকার অথবা যে কোন
ব্যক্তির সমভিব্যাহারে যাইতে প্রস্তুত আছি।

রাজকুমার এই উত্তর শ্রবণে অত্যন্ত সন্তুষ্ট হইলেন;
এবং রাজধানীতে প্রত্যাগমন পূর্বক ডুবালের যথা নিয়মে
সংপণ্ডিত ও মহাপদশেকের নিকট বিদ্যাধ্যয়ন সমাধানের
নিমিত্ত, নিজ পিতা ডিউককে সম্মত করিয়া, পোন্টে
মোসলের জেসুটদিগের সংস্থাপিত বিদ্যালয়ে তাঁহাকে
পাঠাইয়া দিলেন।

ডুবাল তথায় দুই বৎসর অবস্থিতি করিয়া জ্যোতিষ,
ভূগোল, পুরাবৃত্ত ও পৌরাণিক বিষয় সকল অধিক রূপে
অধ্যয়ন করিলেন। তদনন্তর ১৭১৮ খৃঃ অব্দের শেষ-
ভাগে ডিউকের পারিস যাত্রাকালে তদীয় সম্মতিক্রমে তৎ
সমভিব্যাহার গমন করিলেন, এই অভিপ্রায়ে যে তদন্ত
অধ্যাপকদিগের নিকট শিক্ষা প্রাপ্ত হইতে পারিবেন।
অনন্তর পর বৎসর তিনি তথা হইতে লুনিবিলে প্রত্যাগমন
করিলে, ডিউক মহাশয় তাঁহাকে সহস্র মুদ্রা বেতনে
আপনার পুস্তকালয়ের অধ্যক্ষ ও সাত শত মুদ্রা বেতনে
বিদ্যালয়ে পুরাবৃত্তের অধ্যাপক নিযুক্ত করিলেন এবং
কোন বিষয়ে কোন নিয়মে বন্ধ না করিয়া স্বচ্ছন্দে রাজ-
বাটীতে অবস্থিতি করিতে অনুমতি দিলেন।

তিনি পুরাবৃত্তে যে উপদেশ দিতে লাগিলেন তাহাতে এমত সূখ্যাতি হইল যে অনেকানেক বৈদেশিকেরাও শুশ্রূষাপরবশ হইয়া লুনিবিলে আসিয়াছিলেন।

ডুবালা স্বভাবতঃ অত্যন্ত বিনীত ও লোকরঞ্জন ছিলেন। তিনি, আপনাব্যবহারে হীন অবস্থার কথা উত্থাপন হইলে, তদুপলক্ষে কিঞ্চিৎমাত্রও লজ্জিত বা ক্ষুব্ধ না হইয়া, বরং সেই অবস্থায় যে মনের স্বচ্ছন্দে কাৰ্য্যপন করিতেন ও ক্রমে ক্রমে জ্ঞানের উপচয় সহকারে অন্তঃকরণ মধ্যে যে নব নব ভাবোদয় হইত সেই সমস্ত বর্ণনা করিতে করিতে অপৰ্য্যাপ্ত প্রাতি প্রাপ্ত হইতেন।

তিনি প্রথমসংগৃহীত বহুসংখ্যক অর্থ দ্বারা সেন্ট এনের আশ্রম পুনর্নির্মাণ করিয়া দেন এবং তথায় আপনাব্যবহারে নিমিত্তেও এক গৃহ নির্মাণ করান। অনন্তর, তরুতলে উপবিষ্ট হইয়া রাজকুমারগণ ও তাঁহাদিগের অধ্যাপকদিগের সহিত যেরূপে কথোপকথন করিয়াছিলেন, কোন নিপুণতর চিত্রকর দ্বারা, সেই অবস্থা ব্যঞ্জক এক আলিখ্য প্রস্তত করাইলেন এবং ডিউকের সম্মতি হইয়া স্বপ্রতাবেশিত পুস্তকালয়ে স্থাপন করিলেন। কিয়ৎকাল পরে জন্ম ভূমি দর্শন বাসনা পরবশ হইয়া তথায় গমন করিলেন এবং যে ভবনে জন্মগ্রহণ করিয়াছিলেন তাহা তত্রত্য শিক্ষকের ব্যবহারার্থে প্রশস্তরূপে নির্মাণ করাইলেন; আর গ্রামস্থ লোকের জলকষ্ট নিবারণার্থে নিজ ব্যয়ে অনেক কুপ খনন করাইয়া দিলেন।

১৭৩৮ খৃঃ অর্কে ডিউকের মৃত্যুর পর তদীয় উত্ত-

রাধিকারী লোরেনের বিনিময়ে টস্কানির আধিপত্য গ্রহণ করিলে, রাজকীয় পুস্তকালয় ফ্লোরেন্স নগরে স্থিত হইল। ডুবালা তথায় পূর্ববৎ পুস্তকাধ্যক্ষের কার্য্য নিৰ্ব্বাহ করিতে লাগিলেন। তাঁহাদের অভিনব প্রত্ন হস্ত-রিব-রাজ্যের পাণিগ্রহণ দ্বারা অত্যন্ত সস্ত্রাট পদ প্রাপ্ত হইয়া, বিয়েনার পুরাতন ও নূতন টস্ক ও পৃথিবীর অন্যান্য ভাগ প্রচলিত সমুদায় টস্ক সংগ্রহ করিবার বাসনা করিলেন। ডুবালের টস্কবিজ্ঞান বিদ্যা বিষয়ে অত্যন্ত অনুরাগ ছিল। অতএব তাঁহাকে উক্ত টস্কালয়ের অধ্যক্ষ নিযুক্ত করিলেন; এবং রাজপত্নী মধ্যে রাজকীয় প্রাসাদের অদূরে তাঁহার বাস স্থান নির্দিষ্ট করিয়া দিলেন। ডুবালা প্রায় সপ্তাহে এক দিন মহারাজ ও রাজ-মহিষীর সহিত ভোজন করিতেন।

এইরূপে অবস্থার পরিবর্ত হইলেও তাঁহার স্বভাব ও চরিত্রের কিঞ্চিৎমাত্র পরিবর্ত হইল না। ইউরোপের এক অত্যন্ত বিষয়রস পরায়ণ নগরে থাকিয়াও, তিনি লোরেনের অরণ্যে যেরূপে স্বভাব ও বিদ্যোপার্জনে একাগ্র ছিলেন, সেই রূপই রহিলেন। রাজা ও রাজ্ঞী তাঁহার রমণীয় গুণপ্রামের নিমিত্ত অত্যন্ত প্রীত ও প্রসন্ন ছিলেন; এবং তাহার প্রমাণ স্বরূপে তাঁহাকে ১৭৫১ খৃঃ অর্কে আপন পুস্তকের উপাচার্যের পদ প্রদান করেন। কিন্তু তিনি কোন কারণবশতঃ এই সম্মানের পদ অস্বীকার করিলেন। রাজসংসারে তাঁহার গতিবিধি এত অল্প ছিল যে কোন কোন রাজকুমারীকে কখন নয়নগোচর করেন নাই; স্তরাতঃ তিনি তাঁহাদিগকে চিনিতেন না। পরে সময়

বিশেষে এই কথা উত্থাপন হইলে এক রাজকুমার কহিয়া-
ছিলেন ডুবাল যে আমার ভগিনীদিগকে জানেন না ইহাতে
আমি আশ্চর্য্য বোধ করি না, কারণ আমার ভগিনীরা
পৌরাণিক পদার্থ নহেন।

এক দিবস তিনি অল্পমতি গ্রহণ ব্যতিরেকে চলিয়া
যাইতেছেন দেখিয়া, সম্রাট জিজ্ঞাসা করিলেন আপনি
কোথায় যাইতেছেন। ডুবাল কহিলেন গাত্রিলির গান
শুনিতে। নরপতি কহিলেন সেত ভাল গাইতে পারে না।
কিন্তু বাস্তবিক সে ভাল গাইত অতএব ডুবাল উত্তর
দিলেন আমি মহারাজের নিকট বিনয় বাক্যে প্রার্থনা
করিতেছি এ কথা উচ্চ স্বরে কহিবেন না। রাজা কহি-
লেন কেন। ডুবাল কহিলেন, কারণ এই যে, মহারাজের
পক্ষে ইহা অত্যন্ত আবশ্যিক যে সকলে আপনকার কথায়
বিশ্বাস করে; কিন্তু এই কথায় কোন ব্যক্তি বিশ্বাস করি-
বেক না। বাস্তবিক ডুবাল কোন কালেই প্রসাদাকাঙ্ক্ষী
চাটুকর ছিলেন না।

এই মহাহতাব ধর্মান্ধা জীবনের শেষদশা স্বচ্ছন্দে
ও সম্মানপূর্ব্বক যাপন করিয়া ১৭৭৫ খৃঃ অব্দে একাশীতি
বৎসর বয়ঃক্রমে কলেবর পরিত্যাগ করিলেন। তাঁহার
ডুবালকে বিশেষ রূপে জানিতেন এক্ষণে তাঁহার সকলেই
তাঁহার দেহাতায় বাস্তীশ্রবণে শোকাভিভূত হইলেন। এম
ডি রোশ নামক তাঁহার এক বন্ধু তাঁহার মৃত্যুর পর তল্লি-
খিত সমুদায় গ্রন্থ সংগ্রহ করিয়া ছুই খণ্ড পুস্তকে মুদ্রিত
ও প্রচারিত করিলেন। মামসল এনটেশিয়া সোলোফক্
নাম্নী সরকেশিয়া দেশীয়া এক সুশিক্ষিতা যুবতী দ্বিতীয়

কাথিরিনের শয়নাগার পরিচারিকা ছিলেন তাঁহার সহিত
ডুবালের জীবনের শেষ ত্রয়োদশ বৎসর যে লেখালেখি
চলিয়াছিল সে সমুদায়ও মুদ্রিত হইল। সকলে স্বীকার
করেন তাহাতে উভয় পক্ষেরই অসুখধারণ বুদ্ধিমতীপূর্ণ
প্রকাশ পাইয়াছে। বুদ্ধময়সে রূপবতী যুবতীদিগকে
প্রিয় বিবি বলিয়া সম্বোধন করা দুঃস্বপ্ন নহে; এই
নিমিত্ত তিনি পুরোক্ত রমণী ও অন্যান্য যে যে গুণবতী
কামিনীদিগকে ভাল বাসিতেন সকলকেই উক্ত বাক্যে
সম্বোধন করিতেন।

এই সকল দেখিয়া যদিও নিশ্চিত বোধ হইতে পারে
ডুবাল কামিনীগণ সহবাসে পরাশ্রুত ছিলেন না; কিন্তু
তাহাদের অধিকতর মনোরঞ্জন হইবে বলিয়া কখন পরি-
চ্ছদপরিপাটীর স্বেচ্ছা করেন নাই। ফলতঃ অস্তিমকাল
পর্যন্ত তাঁহার বেশ ও চলন প্রায় পুরকের ন্যায় গ্রাম্যই
ছিল। কৃষকদিগের ন্যায় চলিতেন এবং সর্দারী কৃষকপি-
ঙ্গল অঙ্গীভরণ, সামান্য পরিধান, ঘন উপকেশ, কৃষ্ণবর্ণ
রোমজ চরণাবরণ পরিতেন এবং লৌহ কর্ণকীবৃত স্থূল
উপানহ ধারণ করিতেন। তিনি যে পরিচ্ছদ পরিপাটী
বিষয়ে এরূপ অনাদর করিতেন তাহা কোন রূপেই কল্পিত
নহে। তাঁহার জীবনের পুরোপরি অবক্ষণ করিলে স্পষ্ট
বোধ হয় যে কেবল নির্মল জ্ঞানালোকসহকৃত ঋজু স্বভাব
বশতই এরূপ হইত। এই বিষয়ে এক উদাহরণ প্রদর্শিত
হইলেই পর্যাপ্ত হইতে পারিবেক। তাঁহার এক জন
কর্ম্মকর ছিল তিনি তাহাকে ভৃত্য বোধ না করিয়া বন্ধু-
মধ্যে গণনা করিতেন। সে ব্যক্তি বিবাহিত পুরুষ; অত-
৭

এব তিনি প্রতিদিন সকালরাতেই তাহাকে গৃহ গমনের অনুমতি দিতেন এবং তৎপরে যথাকথঞ্চিৎ স্বহস্তেই নামান্য রূপ কিঞ্চিৎ আহার প্রস্তুত করিয়া লইতেন।

ডু'বাল স্বীয় অসংপ্রাণ পরিশ্রম ও অধ্যবসায় মাত্র সহায় করিয়া ক্রমে ক্রমে অনেকবিধ জ্ঞানোপার্জন দ্বারা তৎকালীন প্রায় সমস্ত ব্যক্তি অপেক্ষা সমধিক বিদ্যাবান হইয়াছিলেন। আর রাজসংসারে ব্যাপক কাল অবস্থিতি করিলে মনুষ্য মাত্রই প্রায় আত্মসাধা ও হুকুমাসক্তির পরতন্ত্র হয়; কিন্তু তিনি তথায় অর্ধ শতাব্দীর অধিক কাল যাপন করিয়াছিলেন তথাপি অতিদীর্ঘ জীবনের অন্তিম ক্ষণ পর্যন্ত এক মুহূর্তের নিমিত্তেও চরিত্রের নিশ্চলতা বিষয়ে লোরেনাবস্থানকালের রাখাল ভাব পরিত্যাগ করেন নাই। তাহার পূর্বতন হীন অবস্থার দুঃসহ ক্লেশ প্রপঞ্চমাত্র অতিক্রান্ত হইয়াছিল; সরলহৃদয়তা, বদৃষ্টি-লাভসন্তোষ ও প্রশান্তচিত্ততা অন্তিমক্ষণপর্যন্ত অবিকৃতই ছিল।

টামস জেঙ্কিন্স।

এক্ষণে আমরা এমত এক অভূত বীপার লিখিতে প্রবৃত্ত হইতেছি যে তাহা দূরদেশে বা অতীত কালে ঘটিলে তাহাতে বিশ্বাস জন্মাইবার সম্ভাবনা ছিল না; এবং বোধ হয় উক্ত হেতুবশতঃ আমরা এ বিষয় লিপিবদ্ধ ও প্রচারিত করিতে উদ্যত হইতাম না। কিন্তু বর্ণনীয় বিষয় অত্যন্ত সন্নিহিত দেশে ও সন্নিহিত কালে ঘটিয়াছে। অতএব কোন অংশ অপ্রামাণিক বোধ হইলে অনায়াসে প্রামাণ্য সংস্থাপন করা যাইতে পারিবে; এই নিমিত্ত আমরা অসঙ্কুচিত চিত্তে এ বিষয় প্রচার করিতেছি।

টামস জেঙ্কিন্স আফ্রিকাদেশীয় কোন রাজার পুত্র। তাহার আকার কাফরির সমুদায় লক্ষণোপেত ছিল। তাহার পিতা বহুদায় গিনি উপকূলের অন্তর্গত লিটল কেপ মোর্ট সংজ্ঞিত স্থান ও তৎপূর্ববর্তি জনপদের অনেক কাংশের অধিপতি ছিলেন। এই উপকূলে ব্রিটেনীয় নাৎযাত্রিকেরা দাসক্রয়ার্থ সর্বদা গতয়াত করিত। কাফরিরাজ শরীরগত কোন ঠেলক্ষণ্য প্রযুক্ত ব্রিটেনীয় নাবিকদিগের নিকট কুকুটাক নামে বিখ্যাত ছিলেন। ইউ-

রোপীয়েরা সভ্যতা ও বিদ্যার প্রভাবে বাণিজ্য বিষয়ে কাফরি জাতি অপেক্ষা অনেক উৎকৃষ্ট ইহা প্রত্যক্ষ করিয়া তিনি আপন জ্যেষ্ঠ পুত্রকে বিদ্যালুশীলনার্থে ব্রিটেনে পাঠাইবার নিশ্চয় করিলেন। স্কটলণ্ডের অন্তর্গত হাউয়িক প্রদেশীয় কাণ্ডেন স্থানফটন এই উপকূলে আসিয়া হস্তিদন্ত, স্বর্ণরেণু প্রভৃতি ক্রয় করিতেম। কাফরিরাজ তাঁহার সহিত এই নিয়ম স্থির করিলেন যে আপনি আমার পুত্রকে স্বদেশে লইয়া গিয়া কতিপয় বৎসরে সুশিক্ষিত করিয়া আনিয়া দিবেন; তাহা হইলে আমি এতদ্দেশোৎপন্ন পণ্য বিষয়ে আপনকার পক্ষে বিশেষ বিবেচনা করিব।

এই বালক যে প্রকারে স্থানফটনের হস্তে ন্যস্ত হইলেন তাহা তাঁহার অন্তঃকরণে কিছু কিছু জাগরুক ছিল। প্রস্থান দিবসে তাঁহার পিতা মাতা কতিপয় কৃষ্ণকায় মহানাদ্র সমভিব্যাহারে উপকূল সমিহিত এক উন্নত হরিত প্রদেশের প্রান্তভাগে উপস্থিত হইলেন। বালক মথাক্ষিপানে পোত বণিকের হস্তে সমর্পিত হইলেন। তাঁহার জননী রোদন করিতে লাগিলেন। স্থানফটন ধর্মপ্রমাণ অঙ্গীকার করিলেন আপনাদিগের পুত্র যত পারেন তত বিদ্যা শিক্ষাইয়া কতিপয় বৎসরের পর আনিয়া দিব। অনন্তর ঐ বালক পোতোপরি আনীত হইলেন এবং পোতপতি যদৃচ্ছা ক্রমে তাঁহার নাম টামস জেক্সিস রাখিলেন।

স্থানফটন জেক্সিসকে হাউয়িকে আনয়ন করিয়া আপন প্রতিজ্ঞাপরিপালনের যথোচিত উপায় দেখিতেছেন

এমত সময়ে ছুঁদৈববশতঃ কালগ্রাসে পতিত হইলেন। এরূপ ছুঁদৈব ঘটিলে কি হইবে তাহার কোন প্রতিবিধান করা না থাকিতে জেক্সিসের কেবল বিদ্যা শিক্ষারই প্রতিবন্ধ উপস্থিত হইল এমত নহে গ্রাসাচ্ছাদনাদিরূপ অত্যন্ত আবশ্যিক বিষয়েও ব্যপারোনাস্তি ক্লেশ হইতে লাগিল। হাউয়িকে টোন ইন নামক পাছ নিবাসের অন্তর্গত এক গৃহে স্থানফটনের প্রাণত্যাগ হয়। তথায় জেক্সিস স্কটদেশীয় ছরন্ত হেমন্তের শীতে মিয়মাণ হইয়াও মাধ্যাহ্নসারে তাঁহার শুশ্রূষা করিতে ক্রটি করেন নাই। স্থানফটনের মৃত্যুর পর তিনি শীতে কি পর্যন্ত ক্লেশ পাইয়াছিলেন তাহা বর্ণনাতীত। পরিশেষে সেই স্থানের অধিকারিণী রিবি ব্রৌন রক্ষণাগারের বাশীকৃত প্রচ্ছলিত জলনসমিধানে তাঁহাকে আনয়ন করিলেন। সমুদায় বাটার মধ্যে কেবল ঐস্থানই তাঁহার স্নানদ্রাব্যের যোগ্য ছিল। তিনি রিবি ব্রৌনের এই দয়ার কার্য চিরকাল স্মরণ করিতেন।

জেক্সিস সেই পাস্থনিবাসে কিয়ৎকাল অবস্থিতি করিলেন। পরে মৃত স্থানফটনের অতি নিকট কুটুম টিবি-য়টহেডবাসী এক কৃষক তদীয় স্মরণ ভীরু গ্রহণ পূর্বক তাঁহাকে স্থায় আবাসে আনয়ন করিলেন। তথায় তিনি শূকরশাবক ও হংস কুঙ্কুটাদি প্রাণ্য বিহঙ্গম গণের রক্ষণাবেক্ষণ প্রভৃতি নিরুচ্ছ কৰ্ম করিতে লাগিলেন। পাস্থ নিবাস হইতে প্রস্থান কালে তিনি কোনরূপে ইঙ্গরেজীর এক বর্ণও বুঝিতে পারিতেন না। কিন্তু এখানে আসিয়া অতি দুরায় সেই প্রদেশের প্রচলিত ভাষা উচ্চারণের

সমুদায় নিয়ম সহিত শিক্ষা করিয়াছিলেন। ল—র বাটীতে যে কয়েক বৎসর অবস্থিতি করিয়াছিলেন তন্মধ্যে কিছুকাল রাখালের কর্ম করেন। তৎপরে এক প্রকার তুণ শকট পূর্ণ করিয়া হাউরিকৈ বিক্রয় করিতে লইয়া যাইতেন। এই কর্ম এমত উত্তমরূপে নির্বাহ করিতেন যে গৃহস্থানী তাঁহার প্রতি অত্যন্ত সন্তুষ্ট ছিলেন।

জেক্সনস দুটকায় হইলে পর ফলনাসনিবাসী নেডলা নামক এক ব্যক্তি কোন অনির্গীত হেতু বশতঃ তাঁহার প্রতি সদয় হইয়া সেই গৃহস্থানির নিকট প্রার্থনাপূর্বক আপন বাটীতে আনিয়া রাখিলেন। কৃষ্ণকায় জেক্সনস ফলনাসে আসিয়া সকল কর্মই করিতে লাগিলেন। কখন রাখাল হইতেন, কখন বা মনুুরার কর্ম করিতেন; ফলতঃ তিনি কর্ম নাজেই কৃত্যপণ করিতে পারিতেন। তাঁহার বিশেষ কর্ম এই নির্দিষ্ট ছিল যে সর্বপ্রকার সংবাদ লইয়া হাউরিকে যাইতে হইত। অত্যন্ত মেধা থাকাতে তিনি এই কর্মে বিশেষ উপযুক্ত ছিলেন। অনন্তর তিনি ঐ নেডলার একজন প্রকৃত কৃষাণ হইয়া উঠিলেন।

এই সময়ই বিদ্যা শিক্ষা বিষয়ে তাঁহার প্রথম অল্প-রাগ জন্মে। তিনি প্রথম ক্রমে শিক্ষা করিয়াছিলেন সে বিষয় জ্ঞাত নহে। বোধ হয় এই বালকের বিদ্যা শিক্ষা বিষয়ে অবশ্য কর্তব্যতা বোধ ছিল এবং এইরূপ ছরবছায় যত দূর হইতে পারে পিতার মানস পূর্ণ করিবার নিমিত্ত তিনি নিতান্ত উৎসুক ছিলেন। ইহা সম্ভব বোধ হইতেছে নেডলার সন্তানদিগের অথবা তাঁহার গৃহদাসীদিগের নিকট শিক্ষা আরম্ভ করেন।

নেডলা অতি অল্পদিন মধ্যেই জেক্সনকে বর্তিকার শেষ এইণে বিশেষ ব্যগ্র দেখিয়া বিস্ময়াবিক্ত হইলেন। জেক্সন দশা ও বসার অবশেষ সম্মুখে দেখিলেই তৎক্ষণাৎ তাহা লইয়া মনুুরার উপরিমঞ্চে লুকাইয়া রাখিতেন। এই সকল লইয়া তিনি কি করেন এ বিষয়ে সকলের অন্তঃকরণে নানা বিরুদ্ধ মন্দেহ উপস্থিত হইতে লাগিল। স্বরায় তত্রত্য লোক সকল কৌতুহলপর-তন্ত্র হইয়া, জেক্সন বাসায় গিয়া, কি করেন, এই বিষয়ে অল্পসন্ধান করিতে আরম্ভ করিল। কিন্তু সকলেই দেখিয়া চমৎকৃত হইল যে ঐ দীন বালক এক পুস্তক ও প্রস্তরফলক লইয়া অক্ষর লিখিতে অভ্যাস করিতেছেন। দৃষ্টি হইল একটা পুরাতন বীণাযন্ত্রও তাঁহার নিকটে আছে। ঐ যন্ত্রের জন্যে অধঃস্থিত অশ্বদিগকে বহু-সংখ্যক রাত্রি অস্ত্রখে যাপন করিতে হইত।

এইরূপে বিদ্যানুশীলনে তাঁহার অল্পরাগ প্রকাশ হওয়াতে নেডলা তাঁহাকে কোন প্রতিবেশি সংস্থাপিত বৈকালিক পাঠশালায় অধ্যয়ন করিতে অহুমতি দিলেন। তিনি তথায় অল্প দিন মধ্যে এমত বিদ্যো-পার্জন করিলেন যে সেই প্রদেশের সমুদয় লোক শুনিয়া চমৎকৃত হইল। যেহেতু কখন কাহারও বোধ ছিল না যে কাক্সিজাতি কোন কালে বিদ্যার্থী হইতে পারে। যাহাহউক যদিও তাঁহাকে নেডলার ক্ষেত্রসক্রান্ত নীচ কর্মেই নিয়ত ব্যাপৃত থাকিতে হইত তথাপি তিনি অবকাশমতে ক্রমে ক্রমে বিনা সাহায্যে আপনা আপনি ল্যাটিন ও গ্রীক অধ্যয়ন করিতে আরম্ভ করিলেন।

এক বালকের সহিত তাঁহার বন্ধুতা ছিল সেই বালক উক্ত ভাষাধর্মের অধ্যয়নার্থ যে যে পুস্তক আবশ্যিক তাহা তাঁহাকে পাঠ করিতে দিতেন। আমরা যে সকল বৃত্তান্ত লিখিতেছি ঐ বালক বন্ধুই অধিকবয়সে তৎ-সমুদায় আশাদের নিকট প্রেরণ করেন। লেডলারা স্ত্রী পুরুষে তাঁহার ইচ্ছাসিদ্ধি বিষয়ে যথাশক্তি আত্মকূল্য করিয়াছিলেন; কিন্তু নিকটে ল্যাটিন ও গ্রীক শিক্ষার বিদ্যালয় না থাকিতে তাঁহার তাঁহার প্রকৃত রূপে শিক্ষা করিবার সুপায় ও সুযোগ করিয়া দিতে পারেন নাই।

অনেকেই অনেক বার প্রত্যাশ করিয়াছেন যে লেড-লারা স্ত্রীপুরুষে তাঁহার প্রতি যে সৌজন্য দর্শাইয়াছিলেন সুমুখে তাহা বর্ণন করিতে করিতে তাঁহার হৃদয়কন্দর কৃতজ্ঞতা প্রবাহে উচ্ছলিত ও নয়নদ্বয় বিগলিত বাষ্প সনিলে প্রাবিত হইত। কিয়দিন পরে ল্যাটিন ও গ্রীক ভাষাতে এক প্রকার বোধাধিকার জন্মিলে তিনি গণিত বিদ্যার অধ্যয়নে প্রবৃত্ত হইলেন।

জেক্সিস যে এক গ্রীক অভিধান ক্রয় করেন তাহা তাঁহার জীবনচরিতের মধ্যে একটা প্রধান ব্যাপার বলিয়া পরিগণিত হইয়াছে। হাউয়িকে কতকগুলি পুস্তক বিক্রয় হইবে শুনিয়া তিনি পূর্বনির্দিষ্ট বয়সের সহিত তথায় গমন করিলেন। তিনি যে বেতন পাইতেন তাহার মধ্যে ছয় টাকা বাঁচাইয়া রাখিয়াছিলেন। আর তাঁহার সহচরও স্বীকার করিলেন যদি কোন বিশেষ পুস্তক ক্রয় করিবার নিমিত্ত আর কিছু আবশ্যিক হয় আমারও বার

আনা সংস্থান আছে দিতে পারিব। এক্ষণে অধ্যয়ন বিষয়ে গ্রীকভাষার অভিধান অত্যন্ত উপযোগি জ্ঞান করিয়া বিক্রয় অবসরে জেক্সিস তাঁহার মূল্য ডাকিতে আরম্ভ করিলেন। যে পুস্তক কেবল বহুজ্ঞ বিদ্যার্থীর প্রয়োজনোপযোগি অতি হীনবেশ এক জন কাফরিকে তৎক্রমার্থে প্রতিযোগিতা করিতে দেখিয়া ব্যক্তিমাতেই বিশ্বয়াপন্ন হইলেন।

মনক্রিক নামক এক ব্যক্তির জেক্সিসের সহচরের সহিত আলাপ ছিল। তিনি ইঙ্গিত দ্বারা তাঁহাকে আস্থান করিয়া কৌতুকাকুলিত চিত্তে এই অদ্ভুত ব্যাপারের রহস্য জিজ্ঞাসা করিতে লাগিলেন। বালক সবিশেষ সমুদায় নিবেদন করিলেন। তখন মনক্রিক তাঁহাদের ছয় টাকা বার আনা মাত্র সংস্থান অবগত হইয়া কহিলেন তোমার যত দূর পর্যন্ত ইচ্ছা হয় মূল্য ডাকিবে যাহা অকুলান পড়িবে আমি তাহার দায়ী রহিলাম।

জেক্সিস মনক্রিক মহাশয়ের এই সাহুগ্রহ প্রস্তাবের বিষয় অবগত ছিলেন না; সুতরাং তিনি আপনাদের সঙ্গতি পর্যন্ত ডাকিয়া নিরাশ হইয়া বিষণ্ণ বদনে ক্ষান্ত হইবামাত্র, তাঁহার সহচর মূল্য ডাকিতে লাগিলেন। দীন কাফ্রিবালক তদর্শনে অতিশয় ব্যাকুল হইয়া কহিলেন বয়স্য কি কর তুমি ত জান আমাদিগের এত মূল্য ও শুষ্ক উভয় দিবার সংস্থান নাই। কিন্তু ঐ বালক তাঁহার সেই নিষেধ না মানিয়া পুস্তক ক্রয় করিলেন এবং তৎ-ক্ষণাৎ হৃদয়চিত্তে বন্ধুহস্তে সমর্পণ করিয়া তাঁহার ক্ষোভ নিবারণ করিলেন। মনক্রিক মহাশয়কে এ বিষয়ে কেবল

আট আনা মাত্র সাহায্য করিতে হইয়াছিল। জেঙ্কিন্স অক্সফোর্ড সাগরে মগ্ন হইয়া পুস্তক লইয়া প্রত্যাগমন করিলেন। অনন্তর তিনি যে উহা সার্থক করিয়াছিলেন তদ্বল্লিখ বাছল্য নাই।

এক্ষণে ইহা জিজ্ঞাস্য হইতে পারে যে কাকি জাতির বুদ্ধির অদ্ভুত আদর্শস্বরূপ সেই স্ত্রবোধ বালকের স্বভাব ও চরিত্র কিরূপ ছিল। ইহাতে আমরা একবারেই এই উত্তর দিতে পারি যত উৎকৃষ্ট হইতে পারে। জেঙ্কিন্স বিনীত নিরীহকৃত ও ছক্কিয়াসজ্জিশূন্য ছিলেন। তাঁহার আচরণ এমত অসামান্য সৌজন্য ব্যঞ্জক ছিল যে পরিচিত ব্যক্তিমাজেই তাঁহার প্রতি ঘেহ ও অনুগ্রহ করিতেন। ফলতঃ সমুদায় উচ্চ টিবিয়টডেল প্রদেশে অতিমাত্র লোকরঞ্জন বলিয়া তাঁহার বিখ্যাত ইনি তন্মধ্যে পরিগণিত ছিলেন।

তিনি আপন কার্য্য নির্বাহ বিষয়ে কিঞ্চিৎমাত্রও আলস্য বা উদাস্য করিতেন না; এই নিমিত্ত তাঁহার বিনয়োগেরা অত্যন্ত সমাদর করিতেন এবং জ্ঞানোপার্জন বিষয়ে তাঁহার অদৃষ্টপূর্ব উৎসাহ দর্শনে ব্যক্তিমাজেই মুগ্ধ ছিলেন। তাঁহার স্বদেশ ভাষার বিন্দুবিসর্গও মনে না থাকাতে স্কটলণ্ডের দক্ষিণাঞ্চলের সামান্য কৃষকদিগের সহিত শরীরের বর্ণ ব্যতিরিক্ত কোন বিষয়েই বিভিন্নতা ছিল না। কিন্তু এই মাত্র বিশেষ যে তিনি তাহাদিগের প্রায় সকল অপেক্ষা সমধিক বিদ্যাসম্পন্ন ছিলেন এবং বিদ্যালুশীলন দ্বারা সময় যাপন করিতেন। খৃষ্টোপদিক ধর্মে তাঁহার দ্রুতীয়নী প্রজ্ঞা ছিল এবং ধর্মসংক্রান্ত

প্রত্যেক বিধি প্রতিপালনে তিনি অত্যন্ত অবহিত ছিলেন। সমুদায় পর্য্যালোচনা করিলে বোধ হয় জেঙ্কিন্স অত্যুৎকৃষ্ট উপাদানে নিশ্চিত। আর তিনি বিদ্যালোচনের নিমিত্ত যে অশেষ প্রকার প্রয়াস প্রাইয়াছিলেন তাহা গণনা না করিলেও সর্বত্র আদৃত ও প্রিয় হইতেন সন্দেহ নাই।

জেঙ্কিন্সের বিংশতিবর্ষ বয়ঃক্রম কালে টিবিয়ট হেডের পাঠশালায় শিক্ষকের পদ শূন্য হয়। উক্ত কৃষকবহুল জনপদের নিবাসিগণের শিক্ষার্থে যে পাঠশালা ছিল ইহা তাহার শাখা স্বরূপ। এই বিষয়ে জেটবর্গের মাজকগণের উপর এই ভারার্পণ হইল যে তাঁহারা কোন এক দিন হাউসিকে সমাগত হইয়া কস্মাকাজ্জিদিগের পরীক্ষা করিয়া অধ্যক্ষবর্গের নিকট বিজ্ঞাপনী প্রেরণ করিবেন। পরীক্ষা দিবসে ফলনাশের কৃষকায় কৃষকও পুস্তকরাশি কক্ষে করিয়া অতি হীনবেশে তথায় উপস্থিত হইয়া পরীক্ষাদানের অল্পমতি প্রার্থনা করিলেন। পরীক্ষকেরা কাফরিকে পরীক্ষাদানার্থ উদ্যত দেখিয়া চমৎকৃত হইলেন; কিন্তু তাঁহার স্বভাব চরিত্র বিদ্যাাদি বিষয়ক প্রশংসাপত্র দর্শনে অন্যান্য তিন চারি জন কস্মাকাজ্জিদিগের ন্যায় তাঁহারও যথা মিয়মে পরীক্ষা গ্রহণ করিতে হইল, অস্বীকার করিতে পারিলেন না। পরীক্ষাতে অন্যান্য ব্যক্তি অপেক্ষায় এমত উৎকৃষ্ট হইলেন যে পরীক্ষকদিগকে উপস্থিত ব্যাপারে তাঁহাকেই সর্বাপেক্ষায় উপযুক্ত বলিয়া অধ্যক্ষবর্গের নিকট বিজ্ঞাপনী দিতে হইল। তখন জেঙ্কিন্স জয়প্রাপ্ত হইয়া হর্বাৎফুল লোচনে এই আলো-

চনা করিতে করিতে প্রত্যাগমন করিলেন যে এক্ষণে আমি যে পদে নিযুক্ত হইব তাহা পূর্বেতন সমুদায় কৰ্ম্মাপেক্ষা উত্তম এবং তাহাতে বিদ্যোপার্জননের বিশিষ্ট রূপ সুযোগ ও সহুপায় হইবেক।

কিন্তু কিয়ৎকালের নিমিত্ত জেঙ্কিন্সের এই অভ্যুদয়াশা প্রতিহত হইয়া রহিল। পরীক্ষকদিগের বিজ্ঞাপনী যাজকমণ্ডলীর সম্মুখে উপস্থিত হইলে তাহাদের মধ্যে অধিকাংশ ব্যক্তিই কাফ্রিকে উপস্থিত কৰ্ম্মে নিযুক্ত করা অযুক্ত বিবেচনা করিয়া অন্য এক ব্যক্তিকে ঐ পদে নিযুক্ত করিলেন। তদনুসারে তিনি পরীক্ষাদানের সমুদায় ফলে বঞ্চিত হইয়া, জাতি ও অবস্থার অপকৰ্ম্ম নিমিত্তই এই সমস্ত দুঃখবহা ঘটতেছে, এই মনস্তাপে ত্রিয়মান হইয়া রহিলেন। কিন্তু যাজকমণ্ডলীর এই অবিচারে তিনি যেরূপ বিষাদ ও ক্ষোভ প্রাপ্ত হইয়াছিলেন সোভাগ্যক্রমে বর্তমান ব্যাপারের প্রধান উদ্যোগী ব্যক্তিবর্গ তদনুরূপ অসন্তুষ্ট ও বিরক্ত হইলেন।

অনন্তর ডিউক আব বঙ্কিয়ু প্রভৃতি ভূম্যধিকারিরা উপস্থিত বিষয়ে বিশিষ্ট রূপে উদ্ব্যক্ত হইয়া বিবেচনা করিয়া স্থির করিলেন যে পরীক্ষোত্তীর্ণ জেঙ্কিন্সকে নিযুক্ত করা যাইবেক এবং এ পর্য্যন্ত যাজকমণ্ডলীর নিযুক্ত শিক্ষক যত বেতন পাইয়াছেন ইহাকে পুনরায় তাহা ধরিয়া দিতে হইবেক। তদনন্তর অতি ত্বরায় এক কৰ্ম্মারের পুরাণ বিপণিতে স্থান নিরূপণ করিয়া জেঙ্কিন্সকে শিক্ষকের পদে অভিষিক্ত করিলেন। তদর্শনে সমুদায় বালক ও তাহাদের পিতা মাতারা পরম পরিতোষ প্রাপ্ত হই-

লেন; স্তুরাৎ অতি অল্প দিনের মধ্যেই সমুদায় ছাত্র পূর্ক পাঠশালা পরিত্যাগ করিয়া জেঙ্কিন্সের নিকটেই অধ্যয়ন করিতে লাগিল। জেঙ্কিন্স কিয়দ্দিন পূর্কে শিক্ষা করিতে গিয়াছিলেন কিন্তু অল্প ক্রমই শিক্ষা দিতে আরম্ভ করিলেন; এবং এমত বেতন পাইতে লাগিলেন যে তাহাতে আবশ্যক ব্যয় নির্বাহ হইয়া কিঞ্চিৎ কিঞ্চিৎ উদ্ধৃত হইতে লাগিল।

তিনি অতি ত্বরায় এক জন উৎকৃষ্ট শিক্ষক হইয়া উঠিলেন। তদর্শনে তাহার বন্ধুবর্গ আনন্দ প্রবাহে মগ্ন হইলেন; আর তাহার প্রতিপক্ষ যাজকমণ্ডলীর মুখ মলিন হইল। তিনি শিক্ষা দিবার অত্যুৎকৃষ্ট ও ফলোপধায়ক প্রণালী জানিতেন; কোন প্রকার কার্শ্য প্রকাশ না করিয়া কেবল কৌশলবলে কার্য নির্বাহ করিতে স্বীয় ছাত্রবর্গের সান্তিসয় প্রিয় ও নিযোগ্যগণের অত্যন্ত সমাদরণীয় ছিলেন। সপ্তাহে পাঁচ দিন পাঠশালার কার্য করিতেন এবং এই কয়েক দিবস স্বয়ং যাহা শিক্ষা করিতেন প্রতি শনিবার অবাধে হাউসিংকে গমন করিয়া তত্রত্য বিদ্যালয়ের অধ্যাপকের সিকট পরিচয় দিয়া আসিতেন। ইহাতে দুঃখ হইতেছে যে তিনি শিক্ষক হইয়াও স্বয়ং শিক্ষা করিতে বিরত ও নিরুৎসাহ হইয়াছেন নাই।

এইরূপে দুই এক বৎসর পাঠশালার কার্য সম্পাদন করিলে, জেঙ্কিন্সের দুই শত মুদ্রার সংস্থান হইল। তখন তিনি প্রতিনিধি দিয়া শীত কয়েক মাস কোন প্রধান বিদ্যালয়ে থাকিয়া ল্যাটিন, গ্রীক ও গণিত শাস্ত্র

বিশেষরূপে অধ্যয়ন করিবার নিমিত্ত অভিলাষী হইলেন। তিনি পাঠশালার অধ্যক্ষবর্গের অত্যন্ত আদরনীয় ছিলেন; অতএব তাঁহার সন্তুষ্টি হইয়া তাঁহাকে বিদায় দিলেন। তখন তিনি উপস্থিত ব্যাপারে সৎপারামর্শ লইবার নিমিত্ত তাঁহার দয়ালু বন্ধু মনক্রিফ মহাশয়ের নিকট উপস্থিত হইলেন। এই দয়াবান ব্যক্তি তাঁহার গ্রীক অভিধান ক্রয় কালে সাহায্য করিয়াছিলেন এবং তৎপরেও আর আর অনেক উপকার করেন।

মনক্রিফ পরিচয় দিবসাবধি জেঙ্কিন্সকে অদ্ভুত পদার্থ মধ্যে গণনা করিতেন। এক্ষণে তাঁহার এই অভিনব প্রস্তাব শ্রবণে আরও চমৎকৃত হইলেন; এবং সর্বাগ্রে তাঁহার সংস্থানের বিষয় জিজ্ঞাসা করিয়া সবিশেষ অবগত হইয়া কহিলেন, শুন জেঙ্কিন্স ইহাতে কোন রূপেই তোমার অভিপ্রায় সিদ্ধ হইতে পারে না। যাহা সক্ষম করিয়াছ তদ্বারা শুল্কদান নির্বাহ হওয়াই কঠিন। তিনি শুনিয়া অত্যন্ত বিষণ্ণ ও ক্ষুব্ধ হইলেন। কিন্তু ঐ বদান্য বন্ধু তাঁহার ক্লেভ শান্তি করিবার নিমিত্ত তাঁহার হস্তে এক অল্পমতি পত্র প্রদান করিয়া কহিলেন এডিনবরা নগরে অমুক বণিককে লিখিলাম, অতিরিক্ত যখন যাহা আবশ্যক হইবেক তাঁহার নিকট চাহিয়া লইবে।

তখন জেঙ্কিন্স অপরিমীম হর্ষ প্রাপ্ত হইয়া এডিনবরা প্রস্থান করিলেন। তথায় উপস্থিত হইয়া, প্রথমতঃ লাটিনের অধ্যাপকের নিকটে গিয়া, তাঁহার শ্রেণীতে নিবিষ্ট হইবার নিমিত্ত প্রবেশিকা প্রার্থনা করিতে, তিনি তাঁহার দিকে দৃষ্টি পাত করিয়া আপাততঃ কয়েক

মুহূর্ত্ত অবাক হইয়া রহিলেন; অনন্তর জিজ্ঞাসা করিলেন তুমি লাটিনের কিছু শিখিয়াছ কি না। জেঙ্কিন্স বিনীতভাবে উত্তর করিলেন আমি বহু কাল লাটিন অধ্যয়ন করিয়াছি; এক্ষণে উক্ত ভাষায় সম্পূর্ণরূপে জান-লাভের আশয়ে এই স্থানে আসিয়াছি। উক্ত অধ্যাপক, জেঙ্কিন্স যাহা কহিলেন তাহা যথার্থ নিশ্চয় করিয়া, তৎক্ষণাৎ তাঁহাকে এক প্রবেশিকা প্রদান করিলেন, কিন্তু বদান্যতা প্রদর্শন পূর্বক নিয়মিত শুল্ক গ্রহণ করিলেন না।

অনন্তর জেঙ্কিন্স অন্য দুই জন অধ্যাপকের নিকট প্রার্থনা করিতে, তাঁহারাও উভয়ে প্রথমতঃ চমৎকৃত হইয়াছিলেন; পরিশেষে তাঁহাকে শিষ্যমণ্ডলী মধ্যে নিবেশিত করেন। তাঁহাদের মধ্যে কেবল এক ব্যক্তি শুল্ক গ্রহণ করিয়াছিলেন। তিনি, এইরূপে তিন শ্রেণীতে নিবিষ্ট হইয়া, শীত কয়েক মাস তথায় অবস্থিতি পূর্বক, অভিলাষায়ুর্নূপ অধ্যয়ন সমাধান করিলেন, অথচ পরম দয়ালু মনক্রিফ মহাশয়ের অল্পমতি পত্রের উপরি অধিক নির্ভর করিতে হইল না। বসন্তকাল উপস্থিত হইলে, টিরিয়টহেডে প্রত্যাগমন পূর্বক তিনি পুনর্বার যথা নিয়মে পাঠশালার কার্য্য করিতে আরম্ভ করিলেন।

এই অদ্ভুত আখ্যানের শেষ ভাগ বেরূপে উপসংহৃত হইলে সকলের মনোরঞ্জন হইত সেরূপ হয় নাই। আমাদের বোধে কোন লোকহিতৈষি সমাজের সাহায্যে জেঙ্কিন্সের স্বদেশে প্রতীপ্ত হওয়াই উচিত ছিল।

তাহা হইলে তিনি তথায় ঠৈপত্বক প্রজা গণের সভ্যতা সম্পাদন ও শিক্ষা প্রদান করিতে পারিতেন।

প্রায় ত্রিশ বৎসর হইল, প্রতিবেশবাসি কোন সদাশয় ব্যক্তি সদতিপ্রায় প্রণোদিত হইয়া, উপনিবেশিক দাসমণ্ডলীর উপযুক্ত ধর্মোপদেষ্টা বলিয়া জেক্বিন্সকে খৃষ্টধর্ম-সঞ্চারিণী সভার নিকট বলিয়া দেন। উক্ত সভার অধ্যক্ষেরা জেক্বিন্সকে সম্মত করিয়া, উপদেশকতার ভার দিয়া, মরিশস উপদ্বীপে প্রেরণ করিয়াছেন। কিন্তু এই নিয়োগ তাঁহর পক্ষে কোন রূপেই উপযুক্ত হয় নাই।

সর উইলিয়ম জোন্স।

উইলিয়ম জোন্স ১৭৪৬ খৃঃ অক্টোবর ২০এ সেপ্টেম্বর লণ্ডন নগরে জন্মগ্রহণ করেন। তাঁহার তৃতীয় বৎসর বয়ঃক্রম কালে পিতৃবিয়োগ হয়; সুতরাং তাঁহার শিক্ষার ভার তাঁহার জননী উপর বর্তে। এই নারী অসামান্য গুণ-সম্পন্ন ছিলেন। জোন্স অতি শৈশব কালেই অদ্ভুত পরি-শ্রম ও গাঢ়তর বিদ্যাভ্যাসের দৃঢ়তর প্রমাণ দর্শাইয়া ছিলেন। ইহা বিদিত আছে, তিন চারি বৎসর বয়ঃক্রম কালে যদি কোন বিষয় জানিবার অভিলাষে আপন জননীকে কিছু জিজ্ঞাসা করিতেন, ঐ বুদ্ধিমতী নারী সর্বদাই এই উত্তর দিতেন পড়িলেই জানিতে পারিবে। এইরূপে পুস্তক পাঠ বিষয়ে তাঁহার গাঢ় অহুরাগ জন্মে; এবং তাহা বয়োবৃদ্ধি সহকারে বৃদ্ধি প্রাপ্ত হয়।

সপ্তম বৎসরের শেষে তিনি হারো নগরের পাঠশালায় প্রেরিত হইলেন; এবং ১৭৬৪ খৃঃ অক্টোবর অক্সফোর্ড বিশ্ববিদ্যালয়ে প্রবেশ করেন। তিনি বিশ্ববিদ্যালয়স্থিত অন্যান্য ছাত্রবর্গের ন্যায় বৃথা সময় নষ্ট না করিয়া, অধ্যয়ন বিষয়েই অল্পক্ষণ নিমগ্নচিত্ত থাকিতেন, এবং যদৃচ্ছাপ্রবৃত্ত পরিশ্রম দ্বারা বিদ্যালয়ের নির্দিষ্ট পাঠ অপেক্ষা অনেক

অধিক শিক্ষা করিতেন। বাস্তবিক তিনি পাঠশালায় এরূপ পরিশ্রমী ও বিদ্যালয়রাগী ছিলেন যে তদুর্ধ্বে তাঁহার এক অধ্যাপক কহিয়াছিলেন এই বালক সালিসবরি প্রাপ্তের নগ্ন ও নিঃসহায় পরিত্যক্ত হইলেও খ্যাতি ও সম্পত্তির পথ প্রাপ্ত হইবেক সন্দেহ নাই।

এই সময়ে তিনি প্রায় সর্বদাই নিজ প্রতিক্রোধের নিমিত্ত কাফি কিষা চা খাইয়া সমস্ত রাত্রি অধ্যয়ন করিতেন। কিন্তু এই প্রকার অস্থান প্রশংসনীয় নহে; ইহাতে অনায়াসেই রোগ জন্মিতে পারে। জোস অবকাশ কালে ব্যবহারশাস্ত্র অধ্যয়ন করিতেন। ইহা নির্দিষ্ট আছে যে তিনি কোকলিখিত ব্যবহার শাস্ত্রের সারসংগ্রহ অধ্যয়ন করিয়া তাহাতে এতত ব্যুৎপন্ন হইয়াছিলেন যে স্বীয় জননীকে পরিচিত গৃহাগত ব্যবহারদর্শিদিককে উক্ত গ্রন্থ হইতে সমুদ্বৃত্ত ব্যবহার বিষয়ক প্রশ্ন দ্বারা সর্বদাই প্রীত ও চমৎকৃত করিতেন।

দৃষ্ট হইতেছে, জোস ভাষা শিক্ষা বিষয়ে স্বভাবতঃ অত্যন্ত নিপুণ ও অহুরাগী ছিলেন। সচরাচর দেখিতে পাওয়া যায়, যে সকল ব্যক্তির ভাষা শিক্ষায় বিশেষ অহুরাগ ও নৈপুণ্য থাকে, তাহাদের প্রায় অন্য কোন বিষয়ে বুদ্ধি প্রবেশ হয় না। কিন্তু জোসের বিষয়ে সেরূপ লক্ষ্য হইতেছে না। তিনি অত্যন্ত প্রয়োজনোপযোগি বহুতর জ্ঞানশাস্ত্রে ও স্কুলুমার বিদ্যাতেও বিশিষ্ট রূপ পারদর্শী ছিলেন। অক্সফোর্ডে অধ্যয়ন কালে তিনি এসিয়া খণ্ডের ভাষা সমূহ শিক্ষা বিষয়ে অত্যন্ত অভিনাষী হইয়াছিলেন এবং আরবির উচ্চারণ শিখাইবার নিমিত্ত স্বয়ং বেতন

দিয়া এলিপোদেশীয় এক ব্যক্তিকে নিযুক্ত করেন। গ্রীক ও ল্যাটিন ভাষাতে তৎ পূর্বেই বিলক্ষণ ব্যুৎপন্ন হইয়াছিলেন। বিদ্যালয়ের অনধ্যায় কাল উপস্থিত হইলে, তিনি অক্ষরোহণ ও স্বাক্ষরকা শিক্ষা করিতেন; এবং ইটালীয়, স্প্যানিশ, পোর্তুগীজ ও ফ্রেঞ্চ ভাষার অত্যন্তম গ্রন্থ সকল পাঠ করিতেন; এবং ইহার মধ্যেই অবকাশক্রমে নৃত্য, বাদ্য, খজ্ঞাপ্রয়োগ এবং বীণা বাদন শিখিতেন।

ছাত্রবৃত্তি প্রাপ্ত হইলে জননীকে বিদ্যালয়ের বেতন দান রূপ ভার হইতে মুক্ত করিতে পারিবেন, এই আশয়ে তিনি, পূর্ব নির্দিষ্ট বহুবিধ অধ্যয়নে ব্যাপৃত থাকিয়াও, উক্ত অভিলষিত বৃত্তি প্রাপ্তিবিষয়ে কোন রূপে অমনোযোগী ছিলেন না। কিন্তু এই আকাঙ্ক্ষিত বিষয় সাধনে কৃতকার্য হইতে না পারিয়া, ১৭৬৫ খৃঃ অক্টোবর মাসে লর্ড আলথর্পের শিক্ষকতা কার্য স্বীকার করিলেন এবং কিয়দিবস পরে অভিপ্রেত ছাত্রবৃত্তিও প্রাপ্ত হইলেন। ১৭৬৭ খৃঃ অক্টোবর মাসে আপন ছাত্রের সহিত জার্মানির অন্তর্ভুক্ত স্পা নামক নগরে অবস্থিতি করিতে হইয়াছিল; এই সুযোগে তিনি জার্মান ভাষা শিক্ষা করেন। তথা হইতে প্রত্যাগমন করিয়া নাদিরশাহের জীবনবৃত্ত ফ্রেঞ্চ ভাষায় অল্পবাদিত করেন। এই জীবনবৃত্ত পারসী ভাষায় লিখিত ছিল।

কিয়দিনান্তর তাঁহাকে আপন ছাত্র ও তদীয় পরিবারের সহিত মহাদীপে গমন করিয়া ১৭৭০ খৃঃ অক্টোবর পর্যন্ত অবস্থিতি করিতে হয়। উক্ত অক্টোবর মাসে তাঁহার শিক্ষ-

কতা কর্ম রহিত হওয়াতে, ব্যবহারশাস্ত্র অধ্যয়নার্থে টেম্পল নামক বিদ্যালয়ে নিযুক্ত হইলেন। কিন্তু এইরূপে বিষয়কর্মের অন্তিমরূপে প্রবৃত্ত হইয়াও, তিনি বিদ্যালয়শীলন একবারেই পরিত্যাগ করেন নাই। মধ্যে মধ্যে নানা বিষয়ে নানা গ্রন্থ রচনা করিয়াছেন; সে সমুদায় অদ্যাপি বিদ্যমান আছে। তাহাতে তাঁহার বিদ্যা, বুদ্ধি, মনের উৎকর্ষ প্রদর্শিত হইয়াছে।

১৭৭৪ খৃঃ অব্দে জোন্স বিচারালয়ে ব্যবহারাজীবের কার্যে নিযুক্ত হইলেন, এবং অবলম্বিত ব্যবসায় বিষয়ে ত্বরায় বিলক্ষণ খ্যাতি ও প্রতিপত্তি লাভ করিতে লাগিলেন।

কলিকাতার সুপ্রিম কোর্টের প্রধান বিচারপতির পদ বহুকালাবধি তাঁহার প্রার্থনীয় ছিল। পরে ১৭৮৩ খৃঃ অব্দের মার্চ মাসে উক্ত চিরপ্রার্থিত পদে নিযুক্ত হইলেন। ঐ সময়ে নাইট উপাধি প্রাপ্ত হইলেন। সুপ্রিম কোর্টের বহু পরিশ্রমসাধ্য কর্মে অত্যন্ত ব্যাপৃত থাকিয়াও, তিনি পূর্বাপেক্ষায় অধিকতর প্রযত্ন ও পরিশ্রম সহকারে সাহিত্য বিদ্যা ও দর্শন শাস্ত্রের অন্বেষণ করিতে লাগিলেন। কলিকাতায় উপস্থিত হইয়াই, লণ্ডন নগরের রয়েল সোসাইটি নামক সভাকে আদর্শ করিয়া স্বীয় অসাধারণ উৎসাহ ও উদ্যোগ দ্বারা এশিয়াটিক সোসাইটি নামক সভা স্থাপন করিলেন। যত দিন জীবিত ছিলেন তাবৎ কাল পর্যন্ত তিনি তাহার সভাপতির কার্য নিরূপণ করেন। এবং প্রতিবৎসর বহুতর পরিশ্রম স্বীকার পূর্বক এতদেশীয় শব্দবিদ্যা ও

পূর্বকালীন বিষয় সকলের তত্ত্বানুসন্ধান দ্বারা উক্ত সভার কার্য উজ্জ্বল ও বিভূষিত করিয়াছিলেন।

অতঃপর বিচারালয় বন্ধ ব্যতিরেকে আর তাঁহার অধ্যয়নের অবকাশ ছিল না। ১৭৮৫ খৃঃ অব্দের দীর্ঘ বন্ধের সময় যেরূপে দিবস যাপন করিতেন তাঁহার কাগজপত্রের মধ্যে তাহার এই বিবরণ দৃষ্ট হইয়াছে। প্রাতঃকালে প্রথমতঃ এক খানি পত্র লিখিয়া, কয়েক অধ্যায় বায়বেল অধ্যয়ন করিতেন; তৎপরে সংস্কৃত ব্যাকরণ ও ধর্ম শাস্ত্র; মধ্যাহ্নকালে ভারতবর্ষের ভূগোল বিবরণ; অপরাহ্নে রোমরাজ্যের পুরাবৃত্ত। পরিশেষে দুই চারি বাজী শতরঞ্জ খেলিয়া ও আরিয়ন্টের কিয়দংশ পাঠ করিয়া দিবাসমান করিতেন।

তিনি এতদেশীয় জল ও বায়ুর দোষে শারীরিক অসুস্থ হইতে লাগিলেন। বিশেষতঃ তাঁহার চক্ষু এমত নিস্তেজ হইয়া যায় যে মধুখ বর্জিত আলোকে লেখা রহিত করিতে হইয়াছিল। কিন্তু যাবৎ তাঁহার কিঞ্চিৎ সামর্থ্য থাকিত কিছুতেই তাঁহার অভিলষিত অধ্যয়নের ব্যাঘাত ঘটাইতে পারিত না। পীড়াভিভূত হইয়া শয্যাগত থাকিয়াও বিনা সাহায্যে উক্ত বিদ্যা অধ্যয়ন করেন। এবং চিকিৎসকের উপদেশানুসারে স্বাস্থ্যপ্রতিলাভার্থে যে কিয়ৎ কাল পর্যটন করেন তাহাতে গ্রীষ্ম, ইটালি ও ভারতবর্ষীয় দেবতাগণের বিষয়ে এক প্রশস্ত গ্রন্থ রচনা করেন। ইহাতে বোধ হইতেছে যে তিনি আপন মনকে এমত দৃঢ়ীভূত করিয়াছিলেন যে এইরূপ পরিশ্রম বিশ্রাম ভূমিতে গণনীয় হইত।

কিয়দ্দিবস পরে তিনি কিঞ্চিৎ সুস্থ হইয়া উঠিলেন এবং পুনর্বার পুরীপেক্ষায় সমধিক প্রযত্ন ও উৎসাহ সহকারে বিচারালয়ের কার্যে ও অধ্যয়নে মনোনিবেশ করিলেন। কিছু কাল তিনি কলিকাতার আড়াই ক্রোশ দূরে ভাগীরথীতীর সমিহিত এক ভবনে অবস্থিতি করেন। ঐ সময়ে তাঁহাকে কার্য্য বশতঃ প্রতিদিন বিচারালয়ে আসিতে হইত। তাঁহার জীবনস্মৃতিলেখক স্মৃশীল প্রজ্ঞাবান লর্ড টিনমোথ কহেন যে তিনি প্রতিদিন সূর্য্যাস্তের পর এই স্থানে প্রত্যাগমন করিতেন; এবং এমত প্রত্যুষে গাজোথান করিতেন যে পদব্রজে আসিয়া অরুণোদয় কালে কলিকাতার আবাসে উপস্থিত হইতেন। তথায় উপস্থিতির পর ও বিচারালয়ের কার্য্যারম্ভ হইবার পূর্বে যে সময় থাকিত তাহা রীতিমত পৃথক পৃথক অধ্যয়ন বিষয়ে নিয়োজিত ছিল। এই সময়ে তিনি রাত্রি তিন চারিটার সময় শয্যা পরিত্যাগ করিতেন।

বিচারালয়ের কৰ্ম বন্ধ হইলেও তিনি কৰ্ম্মেই ব্যাসক্ত থাকিতেন। ১৭৮৭ খৃঃ অব্দের কৰ্ম্মবন্ধ সময়ে কুম্বনগরে অবস্থিতি করেন। তথা হইতে লিখিয়াছিলেন “আমি এই গ্রাম্য কুটারে বাস করিয়া অত্যন্ত প্রীতি প্রাপ্ত হইতেছি; এই তিন মাস কৰ্ম্মবন্ধ উপলক্ষে অবকাশ পাইয়াছি বটে, কিন্তু আমি এক দণ্ডের নিমিত্তেও কৰ্ম্মশূন্য নহি। ইচ্ছারূপ বিদ্যালয়শীলনের সহিত স্বকীয় বিষয় কার্য্যের ভূয়িষ্ঠ সম্বন্ধ প্রায় ঘটয়া উঠে না। কিন্তু সৌভাগ্য ক্রমে আমার পক্ষে তাহা ঘটয়াছে। এই কুটারে থাকিয়াও আমি আরবি ও সংস্কৃত অধ্যয়ন দ্বারা

বিচারালয়েরই কার্য্য করিতেছি। এক্ষণে সাহসপূর্কক বলিতে পারি মুসলমান ও হিন্দু ধর্ম্মশাস্ত্রজেরা মিথ্যা ব্যবস্থা দিয়া আর আমাদিগকে ঠকাইতে পারিবেন না।, বাস্তবিক এইরূপ সার্বক্ষণিক পরিশ্রমে ব্যাসক্ত থাকিতেই তাঁহার আনন্দে কালযাপন হইয়াছিল।

যে সকল মোকদ্দমা শাস্ত্রের ব্যবস্থা অল্পসারে নিষ্পত্তি করা আবশ্যিক। সে সমুদায় পণ্ডিত ও মৌলবীদিগের অপেক্ষা না রাখিয়াই অনায়াসে নিষ্পত্তি করিতে পারা যাইবেক এই অভিপ্রায়ে তিনি হিন্দু ও মুসলমানদিগের ধর্ম্মশাস্ত্রের সারসংগ্রহ করিতে আরম্ভ করিয়াছিলেন। এই গ্রন্থ তিনি সমাপন করিয়া যাইতে পারেন নাই। কিন্তু পরিশেষে অন্যান্য ব্যক্তি দ্বারা তাহার যে সমাধান হইয়াছে তাহা এই মহাহতভাবের পরামর্শ ও প্রাথমিক উদ্যোগ দ্বারা হইয়াছে সন্দেহ নাই।

১৭৮৯ খৃঃ অব্দে তিনি শকুন্তলানামক সংস্কৃত নাটকের ইংরেজি ভাষাতে অল্পবাদ প্রকাশ করেন। অন্তর ১৭৯৪ খৃঃ অব্দের আরম্ভেই মনুপ্রণীত ধর্ম্মশাস্ত্রের অল্পবাদ প্রকাশ হয়। যে সকল ব্যক্তি ভারতবর্ষের পূর্বে কালীন আচার ব্যবহার জানিবার বাসনা রাখেন এই গ্রন্থ তাঁহাদের পক্ষে অত্যন্ত উপকারী। পরিশেষে এই সুবিখ্যাত প্রশংসিত ব্যক্তি, বিচারালয়ের কার্য্যনিষ্পাদন ও বিদ্যালয়শীলন বিষয়ে অবিপ্রান্ত এইরূপ অসঙ্গত পরিশ্রম করিতে, অকালে কালগ্রাসে পতিত হইলেন। ১৭৯৪ খৃঃ অব্দের এপ্রিল মাসে কলিকাতাতে তাঁহার যক্ষ্ম স্কীত হয়, এবং ঐ রোগেই উক্ত মাসের সপ্তবিংশ

দিবসে অষ্টচত্বারিংশতম বয়ঃক্রম সময়ে কলেবর পরিত্যাগ করেন।

সর উইলিয়ম জোসের কতিপয় অতিসামান্য নিয়ম নির্ধারিত ছিল; তুদ্বিষয়ে দৃঢ়তর মনোযোগ থাকতেই তিনি এই সমস্ত গুরুতর কার্য নির্বাহে সমর্থ হইয়াছিলেন। তন্মধ্যে একটা এই যে, বিদ্যালুশীলনের সুযোগ পাইলে কখন উপেক্ষা করিবেন না। অন্য এক এই যে, অন্যেরা যে বিষয়ে কৃতকার্য হইয়াছে, আমিও অবশ্য তাহাতে কৃতকার্য হইতে পারিব; এবং সেই নিমিত্তে বাস্তবিক প্রতিবন্ধক দেখিয়া, অথবা প্রতিবন্ধকের সম্ভাবনা করিয়া, অভিপ্রেত বিষয় হইতে নিবৃত্ত হওয়া যুক্তিসিদ্ধ নহে, বরং তাহার সিদ্ধি বিষয়ে স্থির-নিশ্চয় হইতে হইবেক।

তাহার জীবনচরিতলেখক লর্ড টিনমোর্থ কহেন যে ইহাও তাহার এক নির্ধারিত নিয়ম ছিল, যে সকল ব্যাঘাত অতিক্রম করিতে পারা যায় তদ্ব্যতীত, বিবেচনাপূর্বক হস্তাধিপিত ব্যাপারের সমাধানবিষয়ে কোন ক্রমেই ভগ্নোৎসাহ হওয়া উচিত নহে। এই নিয়ম তিনি কখন স্বেচ্ছা পূর্বক লঙ্ঘন করেন নাই। কিন্তু তিনি যে পৃথক পৃথক এক এক কর্মের নিমিত্ত সময় নিরূপণ করিতেন এবং অতিসাবধান হইয়া সেই সেই নির্ধারিত সময়ে তত্তৎকর্মের সমাধান করিতেন, আমার বোধে এই মহাফলদায়ক নিয়ম দ্বারাই অব্যাঘাতে ও অনাকুলিত চিত্তে এই সমস্ত বিদ্যায় কৃতকার্য হইয়াছিলেন।

সর উইলিয়ম জোসের মৃত্যুতে সর্বসাধারণের সেরূপ অসাধারণ মনস্তাপ ও ক্ষতিবোধ হইয়াছে অতি অল্প লোকের বিষয়ে সেরূপ দেখিতে পাওয়া যায়। ভাষাজ্ঞান বিষয়ে, বোধ হয়, প্রায় কোন কল্পিতই তাঁহা অপেক্ষা অধিক নিপুণ ছিলেন না। পুরাবৃত্ত, দর্শনশাস্ত্র, স্মৃতি, ধর্মসংক্রান্ত গ্রন্থ, পদার্থবিদ্যা ও সর্বজাতীয় আচার ব্যবহার বিষয়ে তাহার অসাধারণ জ্ঞান ছিল। আর যদি তিনি ভিন্নদেশীয় কাব্যের ভাব লইয়া স্বভাষায় সঙ্কলন করিবার নিমিত্ত এত অধিক অল্পরক্ত না হইতেন এবং বহুবিস্তৃত বিষয় কর্ম নির্বাহ করিয়া আপন শক্ত্যুৎসাহিনী রচনা বিষয়ে প্রযত্নবান হইবার নিমিত্ত উপযুক্ত রূপ অবকাশ পাইতেন তাহা হইলে তাহার কবিত্ব বিষয়েও অসাধারণ খ্যাতিলাভের ভূমসী সম্ভাবনা ছিল। তিনি পরিবার ও পোষ্যবর্গের প্রতি সেরূপ ব্যবহার করিতেন তাহা অতি প্রশংসনীয়। তিনি স্বভাবতঃ বদান্য ও তেজস্বী ছিলেন।

সর উইলিয়ম জোসের নাম চিরস্মরণীয় করিবার নিমিত্ত ভারতবর্ষে ও ইংলণ্ডে নানা উপায় নির্ধারিত হইয়াছে। ইস্ট ইণ্ডিয়া কোম্পানির অধ্যক্ষেরা সেন্ট পালের কাথিড্রলে তাহার এক কীর্তিস্তম্ভ নির্মাণ করিয়া দিয়াছেন; এবং বাঙ্গালাতে এক প্রস্তরময়ী প্রতিমূর্তি প্রেরণ করিয়াছেন। কিন্তু তাহার সহধর্মিণী ১৭৯৯ খৃঃ অব্দে তদীয় সমুদায় গ্রন্থ সংগ্রহ করিয়া ছয় খণ্ড পুস্তকে বে মুদ্রিত ও প্রচারিত করিয়াছেন তাহাই তাহার

পক্ষে সর্বাঙ্গীণ সমধিক প্রশংসনীয় ও অবিদ্বন্দ্ব কীর্তি-
সম্পন্ন। তদ্ব্যতিরিক্ত ঐ বিধবা নারী আপন বায়ে তাঁহার
এক প্রস্তুতময় প্রতিমূর্তি নির্মাণ করাইয়া অক্সফোর্ড
বিশ্ববিদ্যালয়ের পাশ্চাত্তি গৃহে স্থাপিত করিয়াছেন।

সম্পূর্ণ।

ছব্ব ও সকলিত তুতন শব্দের অর্থ।

অংশ, (Degree) অক্ষাংশ। ভূগোলবেত্তারা বিশ্ববরেখার
উত্তর দক্ষিণ অথবা পূর্ব পশ্চিম ভূভাগ ৩৬০
ভাগে বিভক্ত করেন ইহার এক এক ভাগ এক এক
অক্ষাংশ।

অযথাভূত, (Perverted) যে রূপ হওয়া উচিত সে রূপ
নহে। অযথাভূত দর্শনশাস্ত্র, দর্শন শাস্ত্রের বাহা
উদ্দেশ্য তাহা প্রতিপন্ন না করিয়া তদ্বিপরীতার্থ
প্রতিপাদক।

অস্থিত পাটীগণিত, (-Arithmetic of Infinites) এক
প্রকার অঙ্কশাস্ত্র।

আধিশ্রয়ণিক ব্যবধি, (Focal Distance) আধিশ্রয়ণ অগ্নি
স্থান, ফুলী। আলোকের কিরণ সকল দূরবীক্ষণের
মুকুরের মধ্য দিয়া গমন করিয়া যে স্থানে মিলিত
হয় তাহাকে আধিশ্রয়ণ কহা যায়। মুকুরের
সর্বাঙ্গীণ উচ্চভাগ ও আধিশ্রয়ণ এই উভয়ের
অন্তরকে আধিশ্রয়ণিক ব্যবধি কহে।

আভিজাতিক চিহ্ন, (অভিজাত কুল, বংশ) কুলপরিচায়ক
চিহ্ন।

আবিষ্করণ, (Discovery) অপ্রকাশিত অথবা অপরিজ্ঞাত
বিষয়ের উদ্ভাবন।

উদ্ভিদবিদ্যা, (Botany) উদ্ভিদ-তরুণাদি। তরুণাদি-
দির অবয়বসংস্থান, প্রত্যেক অবয়বের কার্য, উৎ-
পত্তি স্থান, জাতিবিভাগ ইত্যাদি যে শাস্ত্রে নির্ণীত
আছে।

উপকূল, (Coast) বেলাভূমি, সমুদ্রসমিহিত ভূপ্রান্তভাগ।
উপপ্লব, (Tumults) প্রভুশক্তির প্রতিকূলে প্রজাগণের
অভ্যুত্থান।

ঔপনিবেশিক, (Colonial) উপনিবেশ কোন দূর দেশে
কৃষিকর্ম ও বাস করিবার নিমিত্ত জন্মভূমি হইতে
সে সকল লোক লইয়া যাওয়া যায়; তৎসম্বন্ধীয়
ঔপনিবেশিক।

কক্ষ, (Orbit) গ্রহগণের পবিভ্রমণপথ।

কীর্তিস্তম্ভ, (Monument) ঘটনাবিশেষের স্মরণার্থে অথবা
ব্যক্তি বিশেষের নাম ও কীর্তি রক্ষার্থে নির্মিত
স্তম্ভাদি।

কুলাদর্শ, (Heraldry) বংশাবলী ও বংশপরিচায়ক চিহ্ন
বিষয়ক শাস্ত্র।

কুসংস্কার, (Prejudice) সমুচিত বিবেচনা না করিয়া যে
সিদ্ধান্ত করণ হয়।

কেন্দ্র, (Centre) চিক মধ্যস্থান।

গণিত, (Mathematics) পরিমাণ ও অঙ্ক বিষয়ক শাস্ত্র।

গবেষণা, (Research) কোন বিষয়ের তত্ত্বাস্থান।

গ্রহনীহারিকা, (Planetary Nebulae) যে সকল নীহা-
রিকা গ্রহের লক্ষণাক্রান্ত বোধ হয়।

চরণাবরণ, (Stocking) মোজা।

চরিতাখ্যায়ক, (Biographer) যে ব্যক্তি কোন লোকের
জীবন বৃত্তান্ত লিপিবদ্ধ করে।

চিত্রশালিকা, (Museum) চিত্র স্ফুট বস্তু; শালিকা
আলয়। যে স্থানে প্রাকৃত ইতিবৃত্ত, পদার্থসীমাংসা
ও সাহিত্য বিদ্যা সংক্রান্ত এবং শিল্পসাধিত কৌতু-
হলোদোষক বস্তু সকল স্থাপিত থাকে।

ছায়াপথ, (Milky Way) নভোমণ্ডলে দৃশ্যমান জ্যোতি-
র্ময় তিরশ্চীন পথ।

জলোচ্ছ্বাস, (Tide) (জল—উচ্ছ্বাস) জলের স্ফীততা,
জোয়ার।

জাতীয় বিধান, (National Law) বিভিন্নজাতীয় লোক-
দিগের পরস্পর ব্যবহার ব্যবস্থাপক শাস্ত্র।

জ্যোতির্বিদ্যা, (Astronomy) গ্রহ, নক্ষত্র, ধূমকেতু
প্রভৃতি দিবা পদার্থের স্বরূপ, সংখার, পরিভ্রমণ-
কাল, গ্রহণ, শৃঙ্খলা অন্তর ও তৎসম্বন্ধ সমস্ত
ঘটনা নিরূপক শাস্ত্র।

জ্যোতিষ্ক, (Heavenly Bodies) গ্রহ নক্ষত্রাদি।

টঙ্কবিজ্ঞান, (Numismatics) টঙ্ক মুদ্রা, টাকা। নানা
দেশীয় ও নানাকালীন টঙ্ক পরিজ্ঞানার্থক বিদ্যা।

তুলামান, (Libration) তুলাদণ্ডে পরিমাণকরণ। চন্দ্রের
তুলামান শব্দে চন্দ্রমণ্ডলবৃত্তি পরীবর্ত্ত। এই পরী-
বর্ত্ত দ্বারা চন্দ্রমণ্ডলের প্রান্তসমিহিত কোন কোন
অংশের পর্যায়ক্রমে আবির্ভাব ও তিরোভাব হয়।

তুর্য্যচার্য্য, তুর্য্য (Music) বাদ্য; আচার্য্য উপদেশক।
যে ব্যক্তি বাদ্য বিষয়ে শিক্ষা প্রদান করে।

তুর্য্যজীব, (Musician) তুর্য্য বাদ্য, আজীব জীবিকা।
বাদ্যব্যবসায়ী।

দূরবীক্ষণ, (Telescope) দূর—দীক্ষণ। দূরস্থিত বস্তু দর্শন-
নার্থ নলাকার যন্ত্র, দূররীণ।

দৃষ্টিবিজ্ঞান, (Optics) আলোক ও দর্শন বিষয়ক বিদ্যা।
দ্বিপাদপ্রমিত, যাহার পরিমাণ জুই (ফুট) পা।

দেবালয়, (Church) দেব ঈশ্বর; আলয় স্থান; ঈশ্বরের
উপাসনার স্থান, গির্জা।

ধাতুবিদ্যা, (Mineralogy) ধাতু ভূগর্ভে স্ফয়ন্তুৎপন্ন নির্জীব
পদার্থ; যেমন স্বর্ণ, লৌহ, প্রস্তর, পারদ, লবণ,
অঙ্গার প্রভৃতি; এতদ্বিষয়ক বিদ্যা।

নক্ষত্রবিদ্যা, (Astrology) গ্রহ নক্ষত্রাদির স্থিতি ও সঞ্চারণ
অনুসারে শুভাশুভনির্কচন ও ভবিষ্যৎসংস্থচন
বিদ্যা।

নাড়ীমণ্ডল, (Equator) বিষুবরেখা। সূর্য্য এই রেখায়
উপস্থিত হইলে দিবা রাত্রি সমান হয়।

নীহারিকা, (Nebulae) নীহার কুজ্বটিকা। যে সকল
নক্ষত্র চক্ষুর গোচর নয় কিন্তু দূরবীক্ষণ দ্বারা অব-
লোকন করিলে কুজ্বটিকাবৎ প্রতীয়মান হয় তৎ
সমুদায়ের নাম নীহারিকা।

নৈসর্গিক বিধান, (Natural Law) নৈসর্গিক স্বাভাবিক;
বিধান নিয়ম, ব্যবস্থা। মানবজাতির ঐশিক নিয়-
মালুমারি পরস্পর ব্যবহার ব্যবস্থাপক শাস্ত্র, যথা,
কেহ কাহারও হিংসা করিবেক না ইত্যাদি।

নৈহারিক নক্ষত্র, (Nebulous Stars) যে সকল নীহারিকা
নক্ষত্রের লক্ষণাক্রান্ত বোধ হয়।

পদার্থবিদ্যা, (Natural Philosophy) বিশ্বাস্তর্গত সমস্ত
পদার্থের তত্ত্ব নির্ণায়ক শাস্ত্র।

পরিপ্রেক্ষিত, (Perspective) পরি ঈর্ষতোভাবে; প্রেক্ষিত
দর্শন; বস্তু সকল বাস্তবিক সত্তা কালে যেরূপ
প্রতীয়মান হয় আলেখ্যে তাহাদিগের তদনুরূপ
বিন্যাস নিয়ামক বিদ্যা।

পর্য্যবেক্ষণ, (Observation) [পরি-স্ববেক্ষণ] অভিনিবেশ
পূর্ব্বক অবলোকন।

পাঞ্চপাদিক, যাহার পরিমাণ পাঁচ [ফুট] পা।

পাটীগণিত, (Arithmetic) অঙ্ক বিদ্যা।

পাঙ্কনিবাস, (Inn) পথিকদিগের অবস্থিতি করিবার স্থান;
যে স্থানে নবাগত ব্যক্তির ভাটক প্রদান পূর্ব্বক
আপাততঃ অবস্থিতি করে।

পারিপাশ্বিক, (Satellite) পাশ্ববর্তী, পাশ্বচর; উপগ্রহ,
কোন বৃহৎ গ্রহের চতুর্দিকে পরিভ্রমণকারী ক্ষুদ্র
গ্রহ; পৃথিবীর পারিপাশ্বিক চন্দ্র।

পুরাগত } পূর্ব্বতন কালীন।
পৌরাণিক }

প্রকৃতি, (Nature) ঈশ্বরসৃষ্ট যাবতীয় পদার্থের সাধারণ সংজ্ঞা।

প্রতিপোষক, (Patron) সহায়, আনুকূল্যকারী।

প্রতিভা (Genius) অসাধারণ বুদ্ধিশক্তি।

প্রবেশিকা, (Ticket) যাহা দেখাইলে প্রবেশ করিতে পাওয়া যায়; টিকিট।

প্রস্তরফলক (Slate) শেলেট।

প্রাতিফলিক দূরবীক্ষণ, (Reflecting Telescope) আলোকের কিরণ সকল যে দূরবীক্ষণের মুকুরে প্রতিফলিত হইয়া সরল রেখায় গমন পূর্বক প্রতিবিম্ব স্বরূপে পরিণত হয়।

প্রাকৃত ইতিবৃত্ত, (Natural History) প্রকৃতিবিষয়ক বৃত্তান্ত, অর্থাৎ পৃথিবী ও তদুৎপন্ন বস্তু সমুদায়ের বিবরণ। জ্যোতির্বিদ্যা, ধাতুবিদ্যা, উদ্ভিদবিদ্যা, ভূবিদ্যা প্রভৃতি বিদ্যা সকল প্রাকৃত ইতিবৃত্তের অন্তর্গত।

বৃক্ষুর, (Rough) উচ নীচ, আরুড়া খারুড়া।

মনোরিজ্ঞান, (Metaphysics) মন, বুদ্ধি প্রভৃতি নির্ণায়ক শাস্ত্র।

মণ্ডল, (State) প্রদেশ, রাজ্য।

মধুখবর্তিকা, মোমবাতি।

মেরুদণ্ড, (Axis) স্ফুগোলের অন্তর্গত উভয় কেন্দ্রেভেদি কাল্পনিক সরল রেখা। এই রেখা অবলম্বন করিয়া পৃথিবী পশ্চিম হইতে পূর্বাভিমুখে দৈনন্দিন পরিভ্রমণ করে।

রঙ্গভূমি, (Theatre) যেখানে নাটকের অভিনয় হয়।

রাজবিপ্লব, (Revolution) রাজ্য শাসনের প্রচলিত প্রণালীর পরিবর্তন।

রোমীয় সম্প্রদায়, (Romish Church) রোম নগরীয় ধর্মালয়ের মতান্তরায়ী খৃষ্টধর্মাবলম্বী লোক।

বিজ্ঞান, (Science) পদার্থের তত্ত্ব নির্ণায়ক শাস্ত্র, যথা জ্যোতির্বিদ্যা।

বিজ্ঞাপনী, (Report) বাচিক অথবা লিপি দ্বারা কোন বিষয় আবেদন করা।

বিধানশাস্ত্র, (Law) ব্যবস্থা শাস্ত্র।

বিমিশ্র গণিত, (Mixed Mathematics) যাহাতে পদার্থ সম্বন্ধ রাশি নিরূপণ করা হয়।

বিশপ, (Bishop) ধর্মবিষয়ক অধ্যক্ষ।

বিশুদ্ধ গণিত, (Pure Mathematics) যাহাতে পদার্থের সহিত কোন সম্বন্ধ না রাখিয়া কেবল রাশির নিরূপণ মাত্র করা হয়।

বিশ্ববিদ্যালয়, (University) (বিশ্ব-বিদ্যা-আলয়) সর্ব প্রকার বিদ্যার আলোচনা স্থান।

ব্যবহারদর্শী, ধর্মাদিকরণের বিধি। ধর্মাদিকরণ আদালত।

ব্যবহারসংহিতা, (Law) ব্যবস্থা শাস্ত্র, আইন।

ব্যবহারাজীব, (Lawyer) ব্যবহার মোকদ্দমা, আজীব জীবিকা, যাহারা বাদি প্রতিবাদির প্রতিনিধি স্বরূপ হইয়া মোকদ্দমা সংক্রান্ত যাবতীয় কার্য নিরূহ করে। উকীল ইত্যাদি।

শঙ্কু, (Index) ঘড়ীর কাঁটা।
 শঙ্কুপট্ট, (Dial-Plate) দণ্ড পলাদি চিহ্নিত শঙ্কুদণ্ডের
 আধার।
 শতাব্দী, (Century) শত বৎসরব্যাপক কাল; সংবৎ ১৯০১
 অবধি ২০০০ পর্যন্ত কাল এক শতাব্দী; তদনুসারে
 ইহা কহা যাইতে পারে, এক্ষণে বিক্রমাদিত্যের
 বিংশ শতাব্দী চলিতেছে।
 শিলিং, (Shilling) অষ্ট টাকা।
 স্নকুমার বিদ্যা, (Polite Learning) সাহিত্যাদি শাস্ত্র।
 স্থিতিস্থাপক (Elasticity) আকৃষ্ণন, প্রসারণ, অভিস্রাবাদি
 করিলেও বস্তু সকল যে নৈসর্গিক গুণপ্রভাবে
 পুনরায় পূর্বভাবে প্রাপ্ত হয়।
 স্বাত্মরক্ষা, (Fencing) আক্রমণ অথবা আত্মরক্ষার্থে তর-
 বারি প্রয়োগ বিষয়ক নৈপুণ্যসাধন বিদ্যা।

সংস্কৃত যন্ত্রালায়ের বিক্রয় পুস্তকের বিবরণ।

সংস্কৃত পুস্তকের নাম	মূল্য
ব্যাকরণ।	
সংস্কৃতব্যাকরণের উপক্রমণিকা	১১০
বৈয়াকরণভূষণসার	১১০
ধাতুপাঠ	১০
কাব্য।	
ঋজুপাঠ ১ম ভাগ	১০/০
,, ২য় ভাগ	১১০
,, ৩য় ভাগ	১১০
কুমারসম্ভব (মল্লিনাথটীকাসহিত)	২১১০
মেঘদূত (মল্লিনাথটীকাসহিত)	১
কাদম্বরী	৫
দশকুমারচরিত	১১১০
ন্যায়।	
অনুমানচিন্তামণি	}
অনুমানদীপ্তি	
আত্মতত্ত্ববিবেক—বৌদ্ধাধিকার	১১১০
কুসুমঞ্জলি (হরিদাসটীকাসহিত)	১
শব্দশক্তিপ্রকাশিকা	২
বেদান্ত।	
পরিভাষা	১
খণ্ডনখণ্ডখাদ্য	২১১০
সাংখ্য।	
তত্ত্বকৌমুদী	১

संस्कृत पुस्तकेषु नामाः

	पृष्ठा
विश्वविद्यालय	१००
...	१००
...	१००
...	१००
...	१००
...	१००
...	१००
...	१००
...	१००

संस्कृत

संस्कृत पुस्तकेषु नामाः
 रघुवंश महाभारतस्य नामाः
 राघवस्य नामाः
 महाभारतस्य नामाः